



DVPLEX DISSERTATIO

DE DVOBVS NVMMIS

DIOCLETIANI ET LICINII

Ex Cimelijs Serenifs. ac Reuerendifs. Principis

LEOPOLDI
CARDINALIS MEDICEI

Cum Auſtario Chronologico

DE VOTIS DECENNALIBVS

IMPERATORVM AC CÆSARVM.

AVCTORE

F. HENRICO NORIS VERONENSI
AVGVSTINIANO

Sereniffimi Magni Etruriæ Ducis COSMI III.
Theologo & in Academia Piſana Eccleſiaſti-
cæ Hiſtoriæ Profefſore.

FLORENTIÆ,



Ex Typographia Nicolaj Naucij, ſub ſigno Nauis. 1675.
Superiorum permiſſu.

DVPLE
DISSERTATIO

DE DVORVS INIMIS

DIOCLETIANI ET LICINII

EX OMNIBVS SVIS IN SVIS

LEOPOLDI

CARDINALIS MEDICI

Cum Avstria Clinologica

DE VOTIS DECENNALIBVS

IMPERATORVM AC CAESARVM

AVCTORE

R. HENRICO MORIS VERONENSE

AVGVSTINIANO

Strenuissimè Magni Facultatis Doctori
Theologiae et Astronomiae Publici
et Historiae Professoris

VENETIIS

In Typographia Regia, apud Joannem
Guarnerium, 1790.

SERENISS. AC REVERENDISS. PRINCIPI

LEOPOLDO

CARDINALI MEDICEO



I tantum mihi ingenij esset in re antiquaria intelligenda, quantum tibi, SERENISSIME PRINCIPS, studij ac industrie inest in eadem supra omne praconium illustranda: profecto hilari ac prompto animo invenciam mihi à tua Celsitudine insignium Numismatum interpretationem adgrederer,

nec eruditorum censura ullam mihi metum, vel saltem moram inijcerent, quo minus id quod sentio, in literas mitterem, ac publici iudicij aleam tentarem. Cum ad insignia quaeque prioris aetatis monumenta comparanda, animum iam pridem contuleris, nulli industrie, nulli sumptui, nullis denique difficultatibus

A

taribus

ratibus parcis , ut inscripti antiquitus lapides , pictæ ta-
bule , vetusta Numismata vel apud remotissimas gentes con-
quisita , tuæ planè regie Gaze cum pretium , tum splendorem
adijcient . Vidi hæc ætas grande miraculum , cum magni Prin-
cipes , horumque votis ac suis pariter lucris indulgens subdito-
rum avaritia , mille naubus toto Oceano sparsis , ingenti auri
atque argenti ponderi , ac pretiosissimis mercibus in Europam
devehendis inhiaret , Africanorum marmorum antiquitus in-
scriptorum acervos , hoc est , victricis Romæ reliquias barbarico
squalore sordentes , ac longioris temporis edacitate corrosas , tuis
naubus in Etruriam aduectas , Mediceorum Musæ atria no-
bilitasse . Scimus olim Romanos Duces è devictis Græciæ atque
Asiæ urbibus , eximij operis statuas , ac pulcherrima signa ab-
stulisse , ut publici veluti Orbis rapinis privatas in Urbe ades
locupletarent . Verùm tot inscriptos lapides eruditionis tantum
promouende gratia , è longinquo adductos , nullus planè secu-
li , nullus exempli , sed tui tantum erga rem antiquariam stu-
dij fuit . Cum verò probè nosse totius antiquitatis thesaurum
in vetustis ac alta rubigine obductis Numismatibus contineri ,
quamvis regnantis familie Gazam innumertis id genus priscae
ætatis monumentis ad miraculum refertam scires , nova tamen
eidem & pretij & splendoris incrementa daturus , antiquos
Augustorum , Regum , ac Coloniarum Numismata ubique
gentium incredibili solertia conquistata , quod de Cesare vetusta
quæque colligente Suetonius dixit , animosissimè comparasti ;
& cum ceteri hominum recens cuse pecuniæ cupiditate ad insa-
niam usque teneantur , tu prisearum gentium nummis colligendis intentus , pauca ærea ac scabra rubigine exesa Numis-
mata multis aureis redimere , in maximi lucri loco ponis ; cum
planè intelligas pretiosa illa supellectile homines non ditiores fie-
ri , sed sapientiores ; siquidem totius Orbis historia ære perenni
ducta ,

ducta, immortalibus characteribus in nummis describitur. Ceterum tam praeclaras primoris tui memorias haud in sinu condidis, vel uni tibi inspiciendas sigillo munis, sed illas liberali prorsus custodia ita seruas, ut passim reclusis scrinijs, easdem eruditorum oculis lustrandas exhibeas; & quo absentibus quoque prodesse possis, Numismatum ectypos ad eruditiores antiquarios transmittis, ut ipsorum commentarijs inserta, in oculis omnium, ac in ore famae versentur. Verum quod recens inuentorum Numismatum, quibus minus ab auro pretium inest, interpretationem mihi tua Celsitudo iniungit, vereor ne quantum tibi laudi dabitur, quod eruditorum procul hinc Musis vacantium, iudicia minimè expectans, sed morae impatiens, citissimam eorundem explicationem urgeas, tantundem mihi vitio deputetur, quod cum antiquariorum sacraria vix à limine salutaverim, illotis, ut aiunt, manibus docta cimelia tractare non eximui. Profectò pudori meo satius silentio consulere, ni iussis tuae Celsitudinis, quibus refragari piaculum sit, ad opus impellerer, in quo tentando non eruditionis famam, sed purum putum obsequij nomen, & ne hoc quidem cum laude, sed cum venia tantum expecto.

SERENISSIMÆ TVÆ CELSITVDINIS

Humillimus etque addictissimus servus
F. Henricus Noris Augustinianus.

A 2

DIS-

the first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the
the eleventh is the fact that the
the twelfth is the fact that the
the thirteenth is the fact that the
the fourteenth is the fact that the
the fifteenth is the fact that the
the sixteenth is the fact that the
the seventeenth is the fact that the
the eighteenth is the fact that the
the nineteenth is the fact that the
the twentieth is the fact that the
the twenty-first is the fact that the
the twenty-second is the fact that the
the twenty-third is the fact that the
the twenty-fourth is the fact that the
the twenty-fifth is the fact that the
the twenty-sixth is the fact that the
the twenty-seventh is the fact that the
the twenty-eighth is the fact that the
the twenty-ninth is the fact that the
the thirtieth is the fact that the
the thirty-first is the fact that the
the thirty-second is the fact that the
the thirty-third is the fact that the
the thirty-fourth is the fact that the
the thirty-fifth is the fact that the
the thirty-sixth is the fact that the
the thirty-seventh is the fact that the
the thirty-eighth is the fact that the
the thirty-ninth is the fact that the
the fortieth is the fact that the
the forty-first is the fact that the
the forty-second is the fact that the
the forty-third is the fact that the
the forty-fourth is the fact that the
the forty-fifth is the fact that the
the forty-sixth is the fact that the
the forty-seventh is the fact that the
the forty-eighth is the fact that the
the forty-ninth is the fact that the
the fiftieth is the fact that the
the fifty-first is the fact that the
the fifty-second is the fact that the
the fifty-third is the fact that the
the fifty-fourth is the fact that the
the fifty-fifth is the fact that the
the fifty-sixth is the fact that the
the fifty-seventh is the fact that the
the fifty-eighth is the fact that the
the fifty-ninth is the fact that the
the sixtieth is the fact that the
the sixty-first is the fact that the
the sixty-second is the fact that the
the sixty-third is the fact that the
the sixty-fourth is the fact that the
the sixty-fifth is the fact that the
the sixty-sixth is the fact that the
the sixty-seventh is the fact that the
the sixty-eighth is the fact that the
the sixty-ninth is the fact that the
the seventieth is the fact that the
the seventy-first is the fact that the
the seventy-second is the fact that the
the seventy-third is the fact that the
the seventy-fourth is the fact that the
the seventy-fifth is the fact that the
the seventy-sixth is the fact that the
the seventy-seventh is the fact that the
the seventy-eighth is the fact that the
the seventy-ninth is the fact that the
the eightieth is the fact that the
the eighty-first is the fact that the
the eighty-second is the fact that the
the eighty-third is the fact that the
the eighty-fourth is the fact that the
the eighty-fifth is the fact that the
the eighty-sixth is the fact that the
the eighty-seventh is the fact that the
the eighty-eighth is the fact that the
the eighty-ninth is the fact that the
the ninetieth is the fact that the
the ninety-first is the fact that the
the ninety-second is the fact that the
the ninety-third is the fact that the
the ninety-fourth is the fact that the
the ninety-fifth is the fact that the
the ninety-sixth is the fact that the
the ninety-seventh is the fact that the
the ninety-eighth is the fact that the
the ninety-ninth is the fact that the
the hundredth is the fact that the

THE END OF THE WORLD

THE END OF THE WORLD

THE

THE



DISSERTATIO PRIMA
DE NUMISMATE

IMPP. DIOCLETIANI ET MAXIMIANI.



Ostquam Romanum Imperium in Augustum, dein successores Principes cecidit, non defuere præclara ingenia, quæ Cæsarum tum bello tum pace gesta in literas mitterent, ac seræ posteritati commendarent. Verùm quinto postea seculo irruentibus in Italiam barbaris, ac victricem gentium prouinciam igne ferroque vastantibus, insignia quæque rerum gestarum monumenta communi urbium ac populorum fato conclusa, pessum iuere. Nam cum iniectis facibus nobilissima oppida incendio absumerentur, nulla seruandarum bibliothecarum cura, quempiam incescit; cum singuli quique publicis priuatisque rebus hostium furori permissis, in secretiora montium latibula arrepta fuga, dilaberentur. Hinc tot insignium scriptorum monumenta interiere, ut fortissimorum Principum gesta vel penitus in obscuro lateant, vel minimi serè parte, tanquam pauca è publico naufragio tabulæ emerferint. Ipsi etiam saxi Capitolinis, in quibus Consulum nomina æternitati dicata credebantur, eorundem hostium furore deiectis, Romani Imperij facti tanta obscuritate oblitii ad posteros peruenire, ut ijsdem innixa Augustorum historia, eadem caligine oppressa, per plura secula iacuerit, donec Onuphrius Panuinus ad Romanam historiam è tenebris eruendam natus, Romanos factos

fastos pari diligentia, ac felicitatē pristino ferē nitore restituit. Etenim immane opus adgressus, omnibus tum Græcis tum Latinis voluminibus euolutis, sparsas tota Vrbe & Italia inscriptiones lapidum colligens, Imperatorum Numismata, ac vetusta quæque antiquitatis cimelia perlustrans, florentis Reipublicæ, ac omnium maximi Imperij fastos summa cum laude reparauit. Hinc ab eruditissimis scriptoribus tot in eundem congesta elogia, ut iustę molis librum conficerent, si vndiquē excerpta in volumen cogerentur. Vnus instar omnium Lipsius in notis ad panegyrim Plinij, *Onuphrius*, inquit, *verus Pater principalis historia, & Fastorum*. Sed tantæ moli vltimam nondum manum impositam his planē conqueritur Scaliger lib. 5. de emendar. temp. pag. 497. *Magna perturbatio est in Consulibus, & annis Diocletiani, Constantini Magni, & filiorum eius in fastis Onuphrianis, non vtrique culpa viri, quem verē atas nostra PATREM HISTORIÆ vocare potuit, sed difficultate rei*. Ego quidem, ut ingenuē fatear, licet Panuini mei (curenim meum non dixerim, quem eadem patria, idemq; religiosæ familiæ institutum mihi coniunctissimum fecit?) diligentiam mirari potius, quàm pro merito laudare possim, nunquam tamen adeo animum despondi, ut eiusdem fastos, ticubi luxati viderentur, reparandorum curam abiecerim; video enim accuratissimum ac solertissimum messorum eo in campo paucas etiam posteris, quas colligerent spicas, fecisse reliquas. Hoc autem veterum schedarum, antiquorum lapidum, ac Numismatum, quæ subinde è tenebris eruuntur, præsidio præstare me posse spero: præsertim in tam dulci ac planē beatissimo literarum otio, quod regia Serenissimi Magni Ducis COSMI III. munificentia in Etruria nactus sum, eiusdem copiosissimis tum impressorum, tum manu exaratorum voluminum bibliothecis, ac ditissimis veterum Numismatum gazis, inuidenda planē sorte, mihi reclusis. Huic tamen meæ felicitati maiora subinde incrementa adiecit erudita Serenissimi Cardinalis LEOPOLDI industria, dum vtramque literariam regnantis familiæ suppellectilem noua insignium voluminum copia, ac selectissimorum Numismatum delectu non ad Bibliothecæ, vel Cimeliarchij pompam, sed ad vberissimum Musarum quæstum, ac bonarum artium splendorem exornat. Etenim, ut innumera id

genus

genus exempla missa faciam, vno Diocletiani nummo aureo eodemque pulcherrimæ cēlaturæ, quem nuper suum in Museum retulit, tabulæ consulares hostium, ac temporum iniuria laceratæ, pristino nitore restituuntur. Hoc sanè eximie Serenissimi Principis gloriæ grata posteritas deputabit, dum exactam fastorum, quod Diocletiani Imperij annos attinet, integritatem Scaligero desperatam, Perauio dubiam, ceteris verò aut deprauatam, aut confusam, vno sibi aureo à magno Principe redemptam accipiet.

C A P V T I.

Nummi Medicei descriptio. Domini titulus à Diocletiano in nummis usurpatus. Initium Imperij Diocletiani ex Paschali S. Proterij Martyris Epistola contra Scaligerum demonstratur. Illius anni Consules ex antiquo lapide ac codice Iustiniani aduersus V. C. sententiam assignantur. Vulgaris opinio de Consulatibus Diocletiani, & Maximiani proponitur.



IN antica parte Numismatis maioris magnitudinis visuntur Imperatores Diocletianus ac Maximianus laureati, ac consularibus trabeis induti, sese inuicem inspicientes. Vterquē scipionem eburneum stringit, in cuius superiori parte aquila apparet. Scribit Dionysius Halicarnassensis lib. 3. inter regia dona ab Etruscis victori Tarquinio missa, fuisse *sceptrum in summitate habens aquilam*, eoque usum Tarquinium, ac exuētis regibus annuos Consules. Hinc Iuuenalis Sat. 10. V. 43. Consulem describens ait:

Da

Da nunc & volucrem, scepro qua surgit eburno.

Extat apud Tristandum tom. 2. p. 507. Gordiani nummus, in quo Imperator trabeatus idem omnino sceptrum stringens exhibetur cum epigraphie: TR. P. IIII. COS. II. Iniuit quantum tribunitiam potestatem anno vulgaris *Æræ* Christianæ 241. quo alterum consularum gessit. In nummo etiam Crispi, in quo COS. II. ob-signatur, idem Cæsar scipionem eburneum cum aquila in summitate regit apud C. L. Patinum, ut planè appareat, eo scepro consulare dignitatem significari. In postica parte eminet curus triumphalis iunctis quatuor Elephantis; singulos autem bini sessores regunt, aduersa ad currum facie. Imperatores stantes in quadriga triumphali, nempe capsula ex omni parte in ambitum clausa vehuntur, desuper victoria, quæ hinc inde palmas spargit. Hæc quidem Victoria in ætippo eodem prorsus modo scalpita est, quo in aureo Numismate exhibetur; neque enim decuit eandem elegantiori stylo in nummi typo signari. Porò in neutra Numismatis inscriptione epitheton DOMINI legitur; nondum enim Diocletianus inuidiosum illum Romanis titulum usurpauerat. Scribit Aurelius Victor Schotti de Diocletiano: *Se primus omnium Caligulam post, Domitianumq; Dominum palam dici passus*. Obseruo in lapidum inscriptionibus Augustos iam inde ab Imperio Commodi Dominos plerumq; appellatos. Ita planè nuncupantur Seuerus ac Antoninus Gruteri pag. 29. Alexander Seuerus pag. 121. Gordianus pag. 29. Philippus pag. 179. Gallus ac Volusianus pag. 1081. Aemilianus pag. 273. vbi etiam Traianus in lapide Tarraconensi Dominus inscribitur. Hunc tamen titulum subditorum adulatio priuato iure Imperatoribus deferebat, quod & in epistolis Plinij ad Traianum patet; nam hic teste eodem in panegyri, & Alexander ex Lampridio in eius vita, Domini epitheton recusant. Ceterum in nummis primus omnium passim Domini titulum usurpauit Diocletianus, cuius exemplum successores imitati sunt. Imò idem Diocletianus adhuc superstes ac procul ab Imperij fastigio, ex quo ad priuatam vitam sponte descendebat, ab Augustis Dominus appellabatur, ut patet ex edicto Maximini apud Eusebium lib. 9. cap. 9. & rescripto Licinij L. 2. de censu Cod. Theod. Ex inscriptione tamen Numismatis Medi-

Medicei colligitur nouum anno 287. Domini titulum memorato Imperatori delatum fuisse, quem postea hostibus debellatis vesana ambitione usurpauit.

Annum V. C. MXL. Æra Christianæ iuxta Dionysianam computationem 287. hoc consulari charactere Panvinus signauit: *Diocletiano III. Maximiano II. Coss.* Poterit tantum celeberrimi scriptoris auctoritas valuit, vt Barónius, Sigonius, Goltzius, Caluissius, alijque historici, ac chronologi in eandem sententiam pedibus iuerint. Huic tamen communi placito ratissimum Sere- nissimi Cardinalis numisma refragatur, in quo cum tertio consu- latu Diocletiani prior Maximiani componitur, vt ex inscriptio- ne lucet: *IMPP. DIOCLETIANO III. MAXIMIANO COSS.* Hunc autem characterem non modò exactum arbitror, verum etiam tanto veterum monumentorum consensu consecratum, vt certè mirari lubeat, viros doctissimos in alienam sententiam descendisse. Hoc vt clarius ostendam, Diocletiani Imperij initium præmittendum est cum quinque consulum laterculis, quorum emen- dationem ex Mediceo Numismate postea subiiciam.

ANNO VRBIS C.

ÆRÆ CHRISTIANÆ

1137.	<i>CARINO II. ET NUMERIANO COSS.</i>	284.
1138.	<i>IMP. DIOCLETIANO II. ET ARISTOBYLO</i>	285.
1139.	<i>MAXIMO II. ET AQUILINO</i>	286.
1140.	<i>IMPP. DIOCLETIANO III. ET MAXIMIANO II.</i>	287.
1141.	<i>MAXIMO, ET IANVARIO</i>	288.

Cum Numerianus Imperator è bello Persico victor in Euro- pam reuertens, Arrii Apri soceri insidijs occubuisse, C. Aure- lius Valerius Diocletianus vilissima stirpe in Dalmatia natus, sed longa militia insignis, ac domesticos id temporis regens, Imperator Augustus nuncupatus fuit. Diocletiani inaugurationem per- actam anno V. C. 1137. Epochæ Christi 284. Carino II. & Numeriano Coss. locupletissimis testimonijs ab eruditissimis viris

Baronio, ac Petauio probatum est, quibus dimissis, novas eam in rem probationes arcessam. Sanctus Proterius Patriarcha, & Martyr Alexandrinus in Epistola Paschali plures characteres exhibet, quibus initium Diocletianæ Imperij anno 284. alligatur. Vnum tantum afferam. *In octogesimo nono, inquit, anno ab Imperio Diocletiani superstitæ Patre nostro, & Episcopo Achanasio, cum XIV. Luna Paschalis XXVIII. die mensis Phaminosh, idest, nono Kalendarum Aprilium die prouenisset, die Dominico, in subsequente translatum est hebdomadam, ita ut quinta die mensis Pharmuthi, hoc est, pridie Kalendarum Aprilium celebraretur Pascha Dominicum.* Est character anni 373. qui cum dicatur octogesimus nonus ab Imperio Diocletiani, patet Imperium Diocletiani inchoatum anno 284. Idem tradit S. Ambrosius in Epistola ad Episcopos Aemiliæ, vocans eundem annum octogessimum nonum *ex die Imperij Diocletiani*, quo anno XIV. Martij incidit in diem Dominicam IX. Kal. Aprilium; unde ne Pascha celebraretur in die termini, in alteram Dominicam diem dilatum est. At anno eodem 284. fuisse consules Carinum II. & Numerianum fratres Augustos, ex fragmento antiquissimo consulari, quod desinit in annum 354. à doctissimo Bucherio publicato euidenter demonstratur. Etenim cum ibidem anni Bissextiles, ac feriæ in quas Kalendæ Ianuariæ eorundem annorum incidunt, exactissime designentur, hæc legimus cap. 14. pag. 249. *Carino II. & Numeriano B. Mar.* Est planè annus 284. qui fuit Bissextilis, & Kalendæ Ianuariæ inciderunt in diem Martis Cyclo Solis XIII. Lunæ XIX. lit. FE. Vnum superest probandum, Diocletianum ipsdem consulibus ad Romani Imperij fastigium euectum. Est planè aureum testimonium nemini hucusq; obleruatum, *L. ut nemo inuitus lib. 3. Cod. Iust. ubi legitur in titulo Imp. Diocletianus Augustus Cæsar*; dicitur verò rescriptum *Dat. idibus Octobris Carino II. & Numeriano Coss.*

Baronius post Cassiodorum, ac Victorium Aquitanum anno 284. assignat Carum II. & Numerianum AA. Coss. addens *ab alijs perperam* poni Carinum II. & Græcos fastos appellat, in quibus ait, Carum II. & Numerianum Coss. legi, itemq; antiquum epigramma, quod postea subiiciam. Sed ex fastis libri de præfectis

Vrbis

7

Vrbis, & Anonymi aequod Bucherium Carinus II. & Numerianus consules digerunt. Imò in fastis Græcis apud Scaligerum legimus *Ιδ. γ. ΤΠ. ΚΑΡΙΝΟΤ ΤΟ. Β. καὶ ΝΟΤΜΕΡΙΑΝΟΤ. Ινδictione tertia Consulatū Carini II. & Numeriani*. Erratum est in indictione; nam anno 284. Kalendis Ianuarijs labeatur indictio secunda; ob proximè intusum ante Carinum, & Numerianum, par consulum Diocletiani & Bassi, error irrepsit. Ex plurimis rescriptis Cod. Iust. opinio Cassiodori refellitur. *L. 3. de reuocand. donat. PP. II. Idus Ianuarijs. L. 5. de donat. PP. Roma VI. Kal. Februarias. L. 19. ex quibus causis PP. XVII. Kal. Febr.* quæ omnia rescripta dicuntur data *Carino, & Numeriano Coss.* Cum verò in titulis earundem legum inscribantur *Imp. Carinus, & Numerianus*, palam sit inuente anno 284. Carum Imperatorem non fuisse superstitem, sed eiusdem filios imperasse, ac vnâ simul Kalendis Ianuarijs ordinarium consulatū inisse. Antiquum hoc epigramma à Baronio productum, eiusdem sententiam euertit.

VICTORIOSISSIMO FORTISSIMO ADQVE VICTORIOSISSIMO
PRINCIPI IVVENT. CLEMENTISSIMO PRINCIPi IVVENT.
M. AVRELIO CARINO IMP. CAES. M. AVRELIO M. AVREL. NVMER.
NOBILISS. CAESARI CARO INVICTO AVG. NOBILISS. CAESARI
COS. PRO. COS. P. M. TR. POT. II. COS. II. PRO COS.
P. P. PRO COS.

M. AVRELIVS VALENT. V. C. LEG. AVGG. PRO PR. PROVINCIÆ
HISPANIAE. CITERIORIS. D. N. M. Q. EORVM.

In hac inscriptione consulatus II. Cari Imperatoris componitur cum primo Carini, quo tempore Numerianus nondum consul, sed Proconsul tantum appellatur, ac proinde rectè cum Numeriano ponitur Carinus consul II.

Panvinus diem natalem Imperij Diocletiani statuit ipsi parilibus vrbis, nempe XI. Kal. Maij, quod postea etiam asseruere Baronius, Goltzius, Caluissius, Scaliger, alijque communiter. Verum ex codice Iustiniano, & Eusebio Cæsariensi, qui id temporis viuerebat, illorum scriptorum opinio falsi conuincitur. Lib.

10. Cod. laudatur *lex 4. de delat. PP. III. Kal. Septembris Carino, & Numeriano Coss.* in illius verò titulo leguntur *Imp. Carinus, & Numerianus*. Itaque exeunte Augusto vivebat Numerianus, vel eiusdem uirtutis nuncium nondum Carinus acceperat, si laudata lex ab hoc ipso emissã asseratur. Eusebius cap. 2. de martyribus Palæstinis in appendice lib. 8. edit. Valesianæ, scribit Romanum martyrem occisum die 17. Nouembris anno primo persecutionis Diocletiani. *Post quod supplicium, inquit, contritus in carcerem, ac diutissime ibidem maceratus, tandem cum Imperatoris Diocletiani vicennalia iam adessent, & ex solemnĩ more uniuersis, qui in custodia tenebantur indulgentia publice per præconem annunciata esset, solus ad quatuor usque puncta distentos habens pedes, in ipso iacens neruo, fractis laqueo faucibus, martyrio sicut optauerat, exornatus est.* Quo luculento testimonio ostenditur Diocletianum nequiquam ipsis parilibus Imperium suscepisse, cum vicennalia ante diem XIV. Kal. Decembris peregerit. Ex fastis Siculis, seu Chronico Alexandrino Diocletianæ Imperij initium intelligimus. Etenim ad consulatum Carini II. & Numeriani hæc leguntur: *Diocletianus Imperator XV. Kal. Octobris Chalcedone renuntiatus, V. Kal. Octobris Nicomediam purpuratus intrauit, & Kal. Ianuarij consul præcessit.* Itaque die 17. Septembris Imperium exercitu deferente, capessuit. Scaliger primus hosce fastos publicauit, quos etiam sepius Panuinus appellat, uterque tamen ad urbis parilia illius Augusti initia fixit, quibusdam Mamertini verbis moti, quæ oppositum tamen indicare Petauius ostendit. Doctissimus Valesius in notis ad cap. 2. de Martyribus Palæstinis scribit, vel Eusebium, vel scriptorem laudati Chronici in assignando primo Diocletianæ Imperij mense non rectè calculos posuisse. Sed ex rescripto Diocletiani signato *idibus Octobris A. 284.* pater, Eusebium errasse, dum scripsit vicennalia eiusdem vota soluta die 17. Nouembris, cum *Septembrem* dicere debuisset. Fortè Nicomediæ XV. Kal. Octobris præsentē Diocletiano vicennalia peracta sunt, & postea XV. Kal. Nouembris Antiochiæ, ut ipsdē solemnij adesset Augustus; illo enim id temporis ea in urbe degente, appetentibus vicennialibus festis, Romanus occubuit. Ex hac chronologia

tum Ecclesiastica tum profana historia plurimum illustratur; si-
quidem in sacris fastis Numeriano imperante, plurimi Martyres
recensentur, cum idem per octo menses A. 284. in imperio vi-
xerit. Insignis annalium conditor binestrem tantum eidem
imperium assignans hæc scripsit: *Cum Numerianus paulò post
patrem interfectus sit unde queso quòd nonnulli Martyres sub Nu-
meriano passi legantur in cunctis Martyrologijs? haud res est faci-
lis demonstrare.* Scaliger etiam in notis ad Eusebium num. 2299.
ludos quos à Numeriano datos Calpurnius cecinit, intra tam-
paucos dies quibus eundem patri superstitem putat, vix edi po-
tuisse existmans ait: *Hoc ambiguum mixari magis, quàm soluere
possumus. Quæ tamen ex hucusque demonstratis nullo negotio
intelliguntur.*

C A P V T II.

*Doctissimi H. Valesij de suffecto consulatu secundo Diocletiani opi-
nio expenditur. Petavius eidem in laudato consulatu collegam
assignat Maximianum Augustum. Ex Mediceo Numisma-
te, & antiquis inscriptionibus refellitur. Vetus
inscriptio mutila explicatur, & restituitur.*

C Arinus Diocletiani inauguratione intellecta, copias vndique
accersebat, ut æmulum ab Imperio detruderet; itaque civile
bellum constatum. Diocletianus cum postrema anni parte con-
sulum suffectum gessisset, Kalendis Ianuarijs A. 285. iterum
consul collega Aristobulo processit. Henricus Valesius de sacra
ac profana historia vltra omne præconium benemeritus, in notis
ad lib. 23. Ammiani Marcellini pag. 250. scribit A. 285. Ka-
lendis Ianuarijs Carinum III. & Aristobulum consulatum inisse;
nam in fastis Idacij legimus: *Diocletiano II. & Aristobulo. His
cofs. occisus est Carinus Margo, qui ipso anno cum Aristobulo
consul processerat.* Aristobulus in castris Carini præfectum præ-
torio agebat, cum Diocletianus contra Carinum moueret. Ho-
rum testis est Victor Schotii. *Ceteris, inquit de victore Diocle-
ti. NO, venia data, resensique hostium ferè omnes, ac maxime
vir*

vir insignis Aristobulus praefectus praetorio per officia sua . Quare
 Diocletianus kal. Ianuarijs non suscepit alterum consulatum cum
 Aristobulo , cum hic in Carini castris id temporis militaret , ac
 praecipuus partium Dux haberetur , nec nisi occiso demum suo
 Principe , ad Diocletianum se contulerit . Hinc putat vir erudi-
 tissimus Diocletianum victo apud Murgum in Mysia superiori
 Carino , eiusdem utpotè hostis , nomen è fastis expunxisse , seque
 suffectum consulem designasse . Sirmondus , ne Carinum tertio
 consulem in fastis , quos Idacij nomine inscriptos omnium pri-
 mus publicauit , contra ceteras consulares tabulas obruderet ,
 nonnulla textui pro arbitrio inseruit , nempe : *Hic cons. occisus*
est Carinus [& leuatus est Diocletianus Imperator] *qui ipso an-*
no cum Aristobulo consul processerat : ut non Carinus , sed Di-
 cletianus kal. Ianuarijs consulatum ordinarium inierit . Sed in
 MS. codice additum illud non legitur , vti patet ex iisdem fastis
 quos postea Labbeus edidit tomo priori Bibliothecæ MS. Galli-
 canæ ; vbi videmus eisdem fastis definire A. 468. Anthemio
 Augusto consule , quamvis in MS. vltcrius etiam procedant .
 Eos nunquam Idacio homini Hispano adscripserim ; hic enim in
 suo Chronico res ferè tantum in Hispania gestas recenset , qua-
 rum altum in fastis illis silentium , vt ijdem aliena planè manu
 digesti videantur . Vocabo tamen Idacianos , quia ex priori edi-
 tione ita passim ab eruditis nuncupantur . Præterea errorem
 eisdem fastis imponit , dum anno 285. Diocletianum Imperato-
 rem designatum exhibent , qui anno superiori purpuram induer-
 rat . Reponit Reformator Chronologiæ lib. 4. cap. 10. num. 17.
leuatus dixit , non creatus , sed exaltatus supra amulos suos . At
 lubrica prorsus interpretatio ; siquidem antiquus ille chronologus
 nouas Principum inaugurationes his verbis passim designat : *le-*
uatus est , vt in Aureliano , Tacito , Maximiano alijsque patet .
 Valesius vti est in veterum lædione accuratissimus , rectè ter-
 tium Carini consulatum ex illis fastis asseruit . At quòd Diocle-
 tianum suffectum consulem obrudit , ex fastis Siculis , seu Ale-
 xandrino Chronico palam refellitur ; ibi enim post recitatum
 Diocletiani inaugurationem ante diem XV. kal. Octobris ,
 hæc leguntur : *Καλανδαί Ιανουαρίαι προῖλθον ὕπατος : kalendis*
Ianua-

Ianuarius consul processit. Adest alterum locupletissimum testimonium *L. 2. si quis aliquem*, quæ emissæ est à Diocletiano, & dicitur *proposita kal. Ianuarij Diocletiano II. Aug. & Aristobulo coss.* Itaque Diocletianus A. 285. ipsis kalendis Ianuarij consulum ordinarium capessuit. Diocletianus cum accepisset Aristobulum à Carino in trabæ societatem adscitum, quo probatæ virtutis ducem in partes traheret, eundem vnâ secum consulem designauit. Etenim ciuili bello Augustus semet vna cum alijs in varijs Orbis Romani provincijs consules designabant. Postumus cum imperante Gallieno Galliarum imperium occupasset, plures consulatus gessit, quorum tamen nulla in fastis mentio. Cernuntur in Cimelarchio Serenissimi Magni Ducis nummi cum epigraphe: *IMP. C. M. CASS. LAT. POSTVMVS P. F. AVG. P. M. TR. P. COS. II. & apud Tristatum COS. IIII. & COS. V.* quæ de re plura inferius in descriptione nummi Liciniani producam. Quod verò Aristobulus, quamuis in Carini hostis comitatu summo cum magistratu versaretur, in consularis consortium à Diocletiano vocatus fuit, eximie Aristobuli virtuti detur, vel ab ipso hostetam honorifico testimonio commendatæ. Ita idem Diocletianus Ceionium Varum Præfectum Urbis à Carino declaratum, in magistratu retinuit. Quod autem Carini nomen è fastis à Diocletiano expunctum non fuerit, patet ex *L. ut nemo innitus*, quæ licet à Diocletiano emissæ, *Carini* tamen consulatu subsignatur. Ceterum victoriam Diocletiani paucis Eutropius perstringens ait: *Carinum omni odio ac detestatione viuientem apud Murgum ingenti pralio vicit, proditum ab exercitu suo, quem fortioiorem habebat, certè desertum inter Viminacium, & aureum montem.* In tabulis Peutingerianis ad ripam Istri in Myfia superiori legimus: *Aureo Monte X. Martij XIV. Viminacio.*

Concors ferè omnium sententia est, hoc anno 285. M. Aurelium Valerium Maximianum ab Imperatore Diocletiano Cæsarem designatum; ita scripsere Baronius, Panvinus, Goltzius, Caluissius, & doctissimi nummorum interpretes Occo, Tristatus, Patinus, Angelonus; alijque passim præeunte Eutropio lib. 9. Imò Petauius lib. 11. de doct. temp. cap. 31. putat Maximianum

num.

num hoc ipso anno designatum fuisse Augustum, & consule n-
 suffectum ex vetusti lapidis inscriptione apud Gruterum pag. 280.
qua, inquit, *Diocletiani in secundo consulatu collegam tribuit*
Maximianum Augustum: MAXIM... AVG.... N. DIOCLETIA-
NO II. COSS. SVB FELICE PROC. AVG. N. THERM. AN-
TONIANARVM. Hic in secundo consulatu collegam Diocletianus
 habuit Maximianum Augustum. Et quidem quod suffectum Ma-
 ximiani consulatum attinet, Panvinus lib. 2. fastorum ad annum
 V. C. apud ipsum 1136. epochæ Christianæ 284. Maximianum
 consulem suffectum ponit Kalendis Iulij, & quod annum spectat,
 consentiunt Caluissius, ac Goltzius.

Ut ab hoc postremo incipiam, huic suffecto Maximiani consu-
 latui apertè refragatur nummus Mediceus, in quo primus consu-
 latus Maximiani ordinarius asseritur, collega Diocletiano tertium
 consule A. 387. quod ipsum ex antiquo lapide, ac plurimis le-
 gum subscriptionibus demonstrabo. Miror autem Caluissium fa-
 stos Siculos appellare, cum illi cum Mediceo Numismate planè con-
 cinant; etenim ibidem legitur. ΔΙΟΚΛΕΤΙΑΝΟΥ ΑΥΓΟΥΣΤΟΥ
 ΤΟ Β. καὶ ΜΑΞΙΜΙΑΝΟΥ ΕΡΚΟΥΛΙΟΥ ΑΥΓΟΥΣΤΟΥ, vi perpe-
 ramusdem fastis suffectus Maximiani consulatus attribuitur. Sed
 nec antiqui lapidis epigramma Petauio suffragatur; siquidem hoc
 eiusdem fragmentum à Grutero ponitur.

FLORENT

ET PISSI

D. N. VALE

MAXIM

SEMPER

C. CEIONIV

V. C. PRAE

PRÆF. VRB.

IVDIC. D. N.

Indextero latere

MA.

MAXM. AVG.

N. DIOCLETIANO II. COS.

SVB FELICE PROC. AVG. N.

THERM. ANTONIANARVM.

Profectò minus rectè Petavius legit *Maximiano Augusto N. Diocletiano II. Coss.*, vt Maximianus anno 285. & Augustus & consul iudicetur; nam ita in lapide, vt eruditi norunt, legere-
tur, Maximiano, & Diocletiano II. *AVGG. COSS.* Cum verò Maximianus in omnibus inscriptionibus marmorum, & legum, & in tabulis consularibus Diocletiano, à quo imperium acceperat, postponatur, perperam in laudata inscriptione huic præpositus fingitur. Imò cum ibidem hæ notæ appareant *D. N. & AVG. N.* palam fit, vnum Diocletianum Imperatorem designari; nam si Maximianus quoque Augustus exprimeretur, literæ eadem duplicatæ cernerentur, nempe *DD. NN. & AVGG. NN.* quemadmodum lucet in ceteris inscriptionibus, in quibus duo Augusti nominantur. Porro iuvat eandem inscriptionem integram reddere.

FLORENTISSIMO.

ET PISSIMO.

D. N. VALERIO. DIOCLETIANO.

MAXIMO. INVICTO.

SEMPER. AVG.

C. CEIONIVS. VARVS.

V. C. PRAEF. PRAETORIO. ET

PRAEFECTVS. VRBI. VICE. SACRA.

IVDICANS. DEVOTVS. NVMINI. MAIESTATIQ. EIVS.

C

MAXI-

14
 MAXIMO AVGVSTO DIOCLETIANO II. COS.
 SVB FELICE PROCVRATORE AVGVSTI NOSTRI
 THERMARVM ANTONIANARVM

In libello de præfectis vrbi A. 285. Diocletiano II. & Aristobulo Cofs. Ceionius Varus ponitur Præfectus V. quemadmodum in laudata inscriptione, qui cum anno etiam superiori Carino imperante, in eodem magistratu fuerit, rectè dixit Victor Schotti Dioclerianum occiso Carino, ceteros *retinuisse per officia sua*. Scaliger in comment. ad Euseb. num. 2231. postremam positæ inscriptionis partem ante Gruterum ex base Romani lapidis exscriptam protulit.

Ex antiquis inscriptionibus lapidum, & nummorum sententia Petauij de vocato in consortium Imperij cum Augusti titulo Maximiano A. 285. refellitur. Marmorum elogia cap. 4. producam; ibi enim Potestas Tribunitia X. Diocletiani cum VIII. Maximiani componitur, ex quo patet, Maximiani imperium in alterum annum protrahendum. Hubertus Goltzius accuratissimus Numismatum indagator, nummos postremo Maximiani imperij anno cufos exhibet cum notis L. IH. quibus annus XVIII. designatur, & rectè; siquidem Kal. Aprilis A. 286. purpuram induit, eandemque A. 304. ipsis Kal. Aprilis Mediolani deposuit. Opponit Petauius antiquum panegyricum Maximiano dictum, in quo Orator eundem appellat *vicefimo anno Imperatorem*. At Panegyristes more Oratorum rotundo numero usus fuit. Cum Diocletianus ineunte anno imperij vicefimo, vota vicennalia soluisset, eadem quoque Maximianus, ut cum imperij collega conueniret, biennio anticipauit; laudatur enim ab eruditissimo Patino Maximiani nummus inscriptus *VOT. XXX. AVGG.* quare quòd idem tricennalia vota nuncuparat, annum imperij vicefimo eidem Orator assignauit.

Ex his manifestè colligitur Maximianum nec consulem fuisse, nec Augustum anno 285. à Diocletiano designatum. Imò vix in communem sententiam trahi possin, qua vulgo tum historici tum nummorum interpretes arbitrantur eodem anno Maxi-

Maximianum Cæsarem nuncupatum. Spartianus in libello de vira Aelij Cæsaris ad Dioclerianum, scribit eundem creatum fuisse Cæsarem ab Hadriano non testamento, vt antea moris fuit, sed eo genere, quo nostris temporibus à vestra clementia Maximianus, ac Constantius Cæsares dicti sunt, quasi quidam Principum filij viri, & Augusta maiestatis heredes. Intelligit Galerium Maximianum, & Constantium Chlorum. Sanè Maximianum Herculum non omisisset, imò prior in exemplum vocandus fuerat, si prius Cæsar, dein Augustus designatus fuisset. Victor Schotti ait: *Maximianum statim fidum amicitia, quamquam semigressum, militia samen, atque ingenio bonum, Imperatorem iubet.* Nulla hic facta Maximiani Cælaris designatio recitatur. Interpretes Numismatum Maximianum Galerium nobilissimum Cæsarem pro Maximiano Herculo obtruserunt. Occo nummos profert cum epigraphe *MAXIMIANVS NOB. CAES.* cosque deputat Maximiano seniori. Cæterum hominem hallucinari constat ex inscriptionibus, quæ in postica parte leguntur: *M. SACRA AVGG. ET CAESS. NN.* item *SALVIS AVGG. ET CAESS.* ubi duo Augusti Diocletianus, & Maximianus, utroque pariter Cæsares Galerius Maximianus, ac Constantius exprimuntur, ac proinde in antica parte Maximianus Galerius, non Hercules designatur. Duo illi Cæsares A. 291. Kal. Martij purpuram lulceperunt, ac proinde illa Numismata post eorundem designationem cusa sunt; cum tamen Maximianus Hercules à quinquennio Augustus imperaret, vt patet ex nummis in quibus per annos octodecim inscribitur *AY. K. MAXIMIANOC. CEB. L. A.* vsque ad L. IH. & à Mamertino in panegyrico recitato A. 289. die natali vrbis idem dicitur *Imperator, & Cæsar.* Itaque Eutropius errauit, dum lib. 9. scribit: *Diocletianus Maximianum Herculum ex Cæsare fecit Augustum, Constantium, & Maximianum Cæsares.* Pleno enim quinquennio inauguratio Maximiani Augusti Cæsarum designationem antecessit. Panuius noster nummum laudat inscriptum *M. VAL. MAXIMIANVS NOB. CAES. ET AVREL. VAL. NOB. CAES.* Verum nusquam talis inscriptio in Maximiani Herculei nummis ab alijs antiquarijs qui gazas omnes veterum Numismatum diligentissimè perlustrarunt, inuenta fuit.

Apud Occonem prostant nummi inscripti: *IMP. C. M. A. VAL. MAXIMIANVS P. F. AVGVSTVS*. Certè si Panuini Numismata reperirentur, essent rarissimi, eisque dubium omne dispelleretur.

C A P V T III.

Maximianus in consortium Imperij à Diocletiano adscitus. Plurimuli legum Codicis sust. emendantur. Prior Maximiani consulatus ex Mediceo Numismate cum tertio Diocletiani componitur. Vetus inscriptio, utriusque Augusti rescripta, antiqui fasti cum Græci tum Latini Numismati contra communem sententiam suffragantur. Duo laterculi Consulium in fastis eiusdem nummi præsidiis corriguntur.

CVM Carinus maximas aduersus Diocletianum copias ducturus, Gallias legionum præsidij nudasset, Amandus, & Aelianus Imperium in Gallijs inuaserant, & collecta ingenti rusticorum ac latronum manu nobilissimas prouincias igne ferroque vastabant. Eorundem nummi Goltzio laudantur *IMP. C. L. AELIANVS P. F. AVG. & IMP. C. CN. SAL. AMANDVS P. F. AVG.* Nec meliori sorte Romana res in Oriente vtebatur. Etenim Persæ, quo proximè acceptas à Caro, & Numeriano clades vlciscerentur, Romanos limites infestis agminibus irruerant, ac vniuersam pene Syriam in potestatem redegerant. Diocletianus, cum tot hostibus toto Romano orbe distantibus, vnà simul occurrere nequiret, M. Aurelium Valerium Maximianum imperij collegam adlegit. Hæc in fastis Idacianis leguntur: *Maximo II. & Aquilino. His Coss. leuatus est Maximianus senior die Kal. Aprilium.* Et quidem hoc anno 386. Maximianum imperium inisse probat vetusti lapidis inscriptio apud Panuinum A. V. C. 1045. & Gruterum pag. 166. in qua eiusdem TR. P. VIII. cum X. Diocletiani componitur. At Kalendis Aprilis A. 286. labebatur Potestas Tribunitia secunda Diocletiani, qua die eandem primum Maximianus Hercules iniuit. Inscriptionem pro-

producam cap. 4. Hinc corrigendus est error collectorum Cod. Iustinianæi, qui in titulis legum emissarum Diocletiano II. & Aristobulo Coss. & Maximo II. & Aquilino ante Kal. Aprilis, scripsere: *Imp. Diocletianus. & Maximianus AA.* cum id temporis vnus Diocletianus imperaret. Idem error irrepsit in titulos legum Septimij Seueri, cum quo semper Antoninus Augustus copulatur, cum tamen sexto demum anno imperij Seueri patris Antoninus Augusti dignitatem acceperit, vt patet ex inscriptione antiqua pagina MXX. 2. in qua prima potestas TR. Antonini Imperatoris cum VI. Seueri coniungitur. Cardinalis Baronius rectè obseruat Maximianum nedum Augustum creatum, verùm etiam consulem ordinariũ in sequentem annum designatum: Hæc de Diocletiano scribit vir doctissimus A. 286. *Maximianum collegam allegat imperij, & in anni sequentis consulem pariter designauit, quod ex nummis antiquis constat, dum consulatus eius cum potestate tribunitia secundo aucta describitur, his videlicet verbis: IMP. MAXIMIANVS P. F. AVG. P. M. TR. P. II. COS. vt planè appareat Tribunitiam potestatem primam, qua cum imperio conferrì consuevit, ipsum consequutum fuisse, anno ante PRIMVM consulatum ipsius, hoc ipso anno scilicet 286.* Hæc ille Mediceo Numismati conformiter, qui tamen anno 287. cum vulgari opinione Maximianum consulem II. obtrudit, vt potestas Tribunitia Maximiani Kal. Aprilis secundo aucta cum altero eiusdem consulatu iungatur.

Anno 287. Diocletianus tertium, Maximianus primum consulatum inire, vt ex epigraphe Medicei Numismatis apparet: *IMPP. DIOCLETIANO III. MAXIMIANO COSS.* quem quidem consulem characterem contra vulgarem Panuini, Baronij, Goltzij, Caluissij, aliorumq; sententiam tot tantisq; eiusdem, non dicam ætatis, sed planè anni monumentis euincam, vt sanè sperem fore, vt imposteriorum vniuersi ab errore vulgari discedant, & consularium tabularum reparationem rarissimo huic Numismati acceptam ferant. Extat hæc inscriptio apud Panuinum lib. 2. fast. A. V. C. 1039. Gruterum pag. 283. vbi tamen pro Diocletiano, *Constantino* perperam legitur.

MAGNO. ET. INVICTO.
 IMP. CAES. C. VAL. AVREL'
 DIOCLETIANO. PIO. FEL.
 INVICTO. AVG. PONTIF. MAX.
 TRIB. POT. COS. III. P. P. PROCOS.
 D. N. CORPVS. CORIARIORVM.
 MAGNARIORVM. SOLAIARIORVM.
 DEVOTI. NVMINI. MAIESTATIQUE.
 E I V S.

DEDICATA KAL. IAN.
 DD. NN. DIOCLETIANO HI. ET MAXIMIANO COSS.
 CVRANTE. THESIO. SECVNDO. P. C. CORIARIORVM.

Hoc inscripto marmore, non secus ac lydio lapide aurei Numismatis character, quo tertius Diocletiani consularis cum priori Maximiani coniungitur, euidentissimè demonstratur. Nummi ac lapides antiquitus inscripti, locupletissimi testes habendi sunt, cum nullis amanuensium erroribus obnoxij sint, sed priscæ ætatis memorias ad seram posteritatem integra fide transmittant. Hoc ipsum patet ex pluribus rescriptis eodem anno 287. ab Impp. emissis *L. 2. de duobus reis. L. 18. de pactis. L. 1. de uxore. L. 15. de administrat. tut. L. 7. de remissione pignoris. L. 3. de postliminio. L. 7. ad leg. Fabiam. L. 1. de abolit. L. 5. de patria potestate. L. 9. de distract. pignoris. L. 11. ad leg. Cornelianam &c.* quæ omnia rescripta in subscriptione dicuntur data DIOCLETIANO III. & MAXIMIANO COSS. Quis autem non intelligat nummis, lapidibus, Principum rescriptis eodem characterè consulari signatis plenam fidem præstandam potius quàm ijs scriptoribus, qui post tredecim secula Romani imperij fastos digessere? His tam perspicuis probationibus vim adhuc augent fasti antiquissimi, qui in libello de præfæctis V. & fragmento Idaciano, item altero apud Bucherum pag. 249. denique
 in

in Chronico Alexandrino leguntur, in quibus omnibus anni eiusdem consules afferuntur Diocletianus III. & Maximianus. Anonymus apud Bucherum ait: *Diocletiano III. & Maximiano Sat.* nempe Kalendas Ianuarias iisdem consulibus in diem Saturni incidisse; qua certissima nota indicatur annus 287. Cyclo Solis XVI. Lunæ III. lit. E. quo anno Kal. Ianuarij die Saturni ambo Augusti consules processere.

Panuinus hunc nummum profert: IMP. MAXIMIANVS AVG. TR. P. II. COS. II. P. P. cum verò Tribunitia potestas II. Maximiani inceperit Kal. Aprilis. A. 287. infero eundem ipso anno fuisse cos. II. quemadmodum in nummo exponitur. Verùm hinc gradum facio ad alterum laterculum consulum eiusdem Medicei Numismatis præfido reparandum, in quo statuendo Baronius, Panuinus, Goltzius, Calvisius, ac ceteri inferioris notæ chronologi tot insignium virorum auctoritate decepti aberrarunt; siquidem anno 288. hos consules attribuunt: *Maximam, & Ianuariam*. Verùm fasti omnes antiqui quos superius laudabam, exhibent illius anni consules *Maximianum II. & Ianuarium*. Fasti Græci apud Scaligerum hoc par cōsulum produnt. ΤΠ. ΜΑΞΙΜΙΑΝΟΥ ΕΡΚΟΤΑΙΟΤ ΤΟ Β. καὶ ΙΑΝΟΥΤΑΙΟΤ. *Consulatu Maximiani Herculi II. & Ianuarij*. Anonymus editus a Buchero cap. 12. comment. in Victorij Aquitani canonem scribit: *Maximiano II. & Ianuario B. Sol.* Ista litera B. annum bissexilem significat; Sol verò Solis, seu Dominicum diem, in quem iisdem cons. incidere Kal. Ianuarij. Profectò annus 288. fuit intercalaris, ac Kalendæ Ianuariæ contigere die Solis, seu ut Christiani dicimus, die Dominico Cyclo Solis XVII. Lunæ IV. lit. A G. Hunc ipsum Maximiani consulatum II. euincunt nummus Mediceus, ac cetera antiquissima monumenta, quæ anno superiori Maximianum primum consulem exprimunt. Legitur itidem hoc A. 288. Maximianus cos. II. in fastis Prosperi editis ab eruditissimo Labbeo tom. 1. Biblioth. Gall. MS. item & Cassiodori, qui tamen omnium sunt corruptissimi. Ex his patet nummum Panuini, in quo Maximianus dicitur TR. P. II. COS. II. eum esse à Kal. Ianuarij, cum id temporis Maximianus esset Cos. II. & Trib. Pot. II. vsque ad Aprilem, quo ineunte inchoauit Trib. pot. III.

Erra;

Errauit Ammianus Marcellinus initio lib. 23. scribens de Iuliani Augusti, & Sallustij consularu: *Videbatur nouum adiunctum esse Augusto priuatum, quod post Diocletianum, & Aristobulum nulus meminerat gestum.* Nam tertio anno à Diocletiani, & Aristobuli consularu Maximianus Augustus Ianuarium in trabea consulari collegam habuit. Itaque inanem operam ponit doctissimus Valesius, dum ex illis Ammiani Marcellini verbis Idatianos fastos conatur emendare, contra concordem veterum omnium fastorum sententiam. Ammianus vel memoria lapsus est, vel corruptas consulum tabulas legit. Certe idem lib. 16. arguit Constantium superbiæ, *quod nec in trabea socium priuatum adsciuerit, ut fecere Principes consecrati.* Cum tamen Diocletianus, Galerius, Constantius, Maxentius, Licinius, ac Constantinus ipse, nunquam collegam in consularu priuatum hominem aduiderint, Diocletianus, cum noller se cum Carino hoste consulem designare, Aristobulum ab alio nuncupatum, in trabea societatem vocauit. Reliquos verò octo consularu cum Augusto, vel Cæsaribus gessit, ut idem potius, quam Constantius arguendus videatur.

Hæc fusius deduxi, ut consularis Mediceæ Numismatis character integræ prorsus fidei ostenderetur, eiusque præsidio duo consulum laterculi celeberrimis scriptoribus deprauati, suæ tandem integritati restituerentur. Hinc studiosi quique fastorum plurimas gratias debent, ipse certè maximas ago, eruditæ Serenissimi LEOPOLDI Cardinalis industriæ, dum insigniora antiquitatis cimelia regijs planè sumptibus comparata, suam in gazam inferens, eas ad Romanam historiam illustrandam opes suppeditat, quas literati, curæ ut plurimum supellectilis homines, suis nunquam viribus assequerentur. Itaque eiusdem rarissimi Numismatis beneficio mirabiles illos Panuini fastos sic emendamus.

FASTI PANVINI EX NUMMO MEDICEO CORRECTI

DIOCLETIANO III. A. V. C. 1040. DIOCLETIANO III.

MAXIMIANO II. CHRISTI 287. MAXIMIANO.

MA.

211

MAXIMO ET V. C. 1098. MAXIMIANO II. ET
IANVARIO. CHRISTI 288. IANVARIO,

In annis etiam vrbis idem Panuinus errauit. Nam cum epocham Dionysianam vno anno citius inchoauerit: nempe anno ab V. C. 752. vt anno Christi 284. in quo Diocletiani Imperij initium tigendum esse certissimis characteribus nouerat, Christianam Aeram rectè collocaret, vnum Imperij annum Probo abstulit, ac par consulum Probi, & Paulini ex consulibus ordinarijs expunxit, ac inter suffectos recensuit. Hinc ab anno V. C. 1030. in digerendis annis Romanæ vrbis, vnihs semper anni metachronismum peccat; quare consulatum Diocletiani III. & Maximiani recitat A. V. C. 1036. At Probum, & Paulinum fuisse consules ordinarios præter antiquos fastos, euidenter probat reſcriptum ipsius Probi Imperatoris L. 2. de reuocat. donat. lib. 8. Cod. Iust. *Proposita III. Non. Maij Sirmij Probo A. & Paulino Cos.* Soli autem consules ordinarij legibus subscribebantur. Hæc occasione, veniam dabit Lector, non possum omittere palmarem errorem nuperi Reformatoris Chronologiæ, qui tom. 1. lib. 4. cap. 3. propè finem de Panuino hæc habet: *Ab Vlpio, & Pontiano exclusiue ad Tyberianum, & Dionem inclusiue, debent poni anni 53. ille autem pont 52. omittens Licinum Valerianum, & Maximum.* Hæc scribens nec Panuini fastos legit, & suorum planè oblitus fuit. Etenim magnus noster Chronologus Probum, & Paulinum omisit, non verò *Licinum Valerianum, & Maximum*, qui sanè in nullis omnino antiquis fastis inueniuntur, nec apud tabulas consulares ipsiusmet Reformatoris, quas tom. 1. pag. 169. concinnat, & iterum repetit tom. 3. pag. 45. in illis enim ab anno 238. quo Vlpus, & Pontianus consulatum gessere, vsque ad annum 291. nusquam *Licinius Valerianus, & Maximus* consules leguntur. Baronius illud par consulum excogitauit A. 256. Licuit fortasse Reformatori quoque chronologiæ nouos consules pro arbitrio fastis inferere, vt assumpti nominis potestatem ostentaret.

D

C A.

CAPVT IV.

Quadrigas triumphales in Nummo signatas non exprimere triumphum ab Imperatoribus peractum. Designare eorundem victorias Persicas ac Germanicas. Consulatus Maximiani in Numismate positus antiquo Oratori commendatus. Carausius nouus in Britannia Augustus. Eiusdem rarissimus Nummus à Medicea Gaza producitur. Paninus immeritò à Trifano reprehensus.

Consulari Numismatis caractere omnium priscae ætatis monumentorum consensu contra vulgarem chronologorum sententiam comprobato, gradum facio ad explicandas quadrigas, quæ in auersa Numismatis parte videntur. In primo mihi compertum est non designari triumphum à Diocletiano, & Maximiano peractum. Nam licet ijdem Augusti innumeris hostium copijs profigatis, plura toto pæne Orbe trophæa crexerint, nouis subinde bellis impliciti, triumphum in postrema imperij quod abdicarunt, tempora distulere. Mamertinus in panegyrico die natali Maximiani dicto cap. 4. utrumque Imperatorem alloquens ait: *Hos fructus capitis operum maximorum; se interim meritoria conscientia triumphatis, dum TRIUMPHOS ipsos semper vincendo DIFFERTIS, quod quacumque pulcherrima facitis, continuò transitis. & ad maiora properatis.* Hanc orationem recitauit A. 291. exacto quinquennio imperij Maximiani, ut in procemio testatur. Fortasse habita est oratio XII. Kal. Augusti; hæc enim dies in actis S. Marcelli Centurionis sub ijdem Principibus passi, dicitur *natalis Imperatoris* apud Surium, 31. Octobris. Verum cum æquè intelligi possit dies natalis Diocletiani, rem in medio relinquo. Sufficiat alterutrius natalem ibidem designari, quod nemini hucusque obseruatum fuit. Idem Mamertinus in panegyri die natali urbis recitato cap. 13. Romam alloquens ait: *Hi cum primùm redeant ad te triumphantes, uno cupiunt inuehi curra, simul adire Capitolium,*
simul

simul habitare palatium. Dicta est hæc oratio coram Maximiano A. 289. die 21. Aprilis, ut postea ostendam. Itaque ijdem Imperatores A. 287. quo nummus sculptus est, nullum adhuc triumphum Romæ egerant. Eutropius elegantissimos scripser in fine lib. 9. scribit utrumque Augustum privato habitu imperij insignis inuisse *post triumphum inclutum, quem Romæ ex numerosis gentibus egerant, pompa ferculorum illustri, qua Narsei coniuges sororesque, & liberi ante currum ducti sunt.* Henricus Valerius eximie eruditionis vir, in notis ad cap. 13. lib. 8. Eusebij pluribus ostendit hunc triumphum gestum fuisse anno 302. Nec ipse quicquam novi eam in rem addere possum; cum ab accuratissimo scriptore meliora occupata sint. Hunc triumphum laudat Anonymus Panegyristes in epithalamio coram Maximiano, & Constantino recitato, ubi cap. 8. seniore[m] Augustum alloquens ait: *Te PRIMO INGRESSV tuo tanta latitia, tanta frequentia populus exceperit, ut cum te ad Capitolini Iovis gremium vel oculis ferre gestiret, stipatione sui vix ad portas urbis admitteret.* Itaque Maximianus anno imperij XVI. Romam primum venit, de subactis hostibus triumphaturus, ac proinde nullus eisdem nec collegæ gestus triumphus in Numismate designatur.

Augusti devictis hostibus laureatas statim literas Romam mittebant, quibus à P. C. perlectis, triumphus eisdem S. C. decernebatur, cuspis etiam in perenne datati honoris monumentum Numismatibus. Gordianus Persas abs se victos Senatui per literas significavit, quibus, inquit Capitolinus cap. 27. *in Senatu lectis, quadrigæ elephantorum Gordiano decreta sunt, utpotè qui Persas vicisset.* Et quidem certum est quadrigas in nummis non semel significare triumphos non ab Augustis Romæ actos, sed eisdem à Senatu decretos. Extant in Cimeliarchio Mediceo nummi cum quadrigis triumphalibus tum Macrini, tum Maximini; Illius cum hac inscriptione IMP. CAES. M. OPEL. MACRINVS AVG. P. M. TR. P. II. COS. II. P. P. S. C. huius vero cum epigraphie: IMP. MAXIMINVS PIVS AVG. P. MAX. TR. P. II. COS. P. P. S. C. ubi victoria utrumque coronans inspicitur. At nec Macrinus de Parthis, nec Maximinus de Germanis Romæ triumpharunt, cum uterque antequam in-

vibem veniret; militum seditione vitam cum imperio amiserit.

Ceterum cum triumphales quadrigæ nisi post debellatos hostes decretæ fuerint, inuestigandæ sunt victoriæ Diocletiano, & Maximiano partæ, ob quas in nummo A. 287. percusso, curus triumphalis eisdem S. C. decretus fuerit. Diocletianus victo in superiori Myſia A. 285. Carino, statim contra proximos Germaniæ populos, qui Carino suppetias tulerant, movit, eosque ingenti clade affecit. Interim etiam per legatos rem feliciter in Britannia gessit; vnde à Senatu Britannicus, ac Germanicus appellatus fuit, delatis triumphi insignibus. Hæc nulla scriptorum volumina produnt; colliguntur tamen ex hoc antiquo lapide à Baronio laudato A. 285.

IMP. CAES. C. VALERIO.

DIOCLETIANO. PIO.

FELICI. INVICTO. AVG.

PONT. MAX. BRITANNIC.

MAX. GERM. MAX. TRIB.

POTEST. II. COS. II. P. P.

PROCOS.

HONORATI. ET DECVRIONES.

ET NUMERVS. MILITVM.

CALIGATORVM.

Posita est hæc inscriptio ante XVII. Kal. Octobris A. 286. illa enim die terminabat potestatem Trib. II. At Germanos ab eodem victos anno 285, quo Carinum profligavit, patet ex eisdem L. 6. *de fide instrument. Dat. Nicomedia XIII. Kal. Februarias Maximo II. & Aquilino Coss.* nempe A. 286. ex quo rescripto colligo Maximianum eodem anno Kal. Aprilis Augustum renunciatum à Diocletiano Nicomediæ in hibernis morante, ac bellum aduersus Persas ibidem adornante.

Maxi-

Maximianus nouus Augustus cum parte legionum, atque auxiliariis copijs in Gallias contra Aelianum, & Amandum, qui ibidem imperium occupauerant, profectus, utrumque tyrannum vno ferè impetu oppressit, ac ciuile bellum, occisis seditionum authoribus, pari celeritate ac felicitate confecit. Ita intra paucos dies Gallix in libertatem asserta, atque ad obsequium reuocata. Hanc Maximiani victoriam paucis perstringit Orator in epithalamio cap. 8. *Hic est, inquit de eodem, qui in IPSO ORTV Numinis sui Gallias priorum temporum iniurijs efferas, Reipublica ad obsequium reddidit, sibi ipsas ad salutem.* Mamertinus etiam in panegyrico dicto Maximiano ipsis parilibus Urbis cap. 4. memoratam victoriam cursim celebrans ait: *An non illud malum simile monstrorum biforium (Aelianum & Amandum intelligit) in hisce terris fuit, quod tua Caesar nescio utrum magis fortitudine repressum sis, an clementia mitigatum, cum militares habitus ignari agricolæ appetuerant: cum arator peditem: cum hostem barbarum suorum cultorum rusticus vastator imitatus est? quod ego cursim pratero, video enim te (qua pietate es) obliuionem illius victoria malle quàm gloriam.* Bellum enim ciuile fuit ab imperita rusticorum quos Bagaudas dixere, multitudine ducibus Aeliano, & Amando conflatum. Carausius egregiam hoc in bello operam Maximiano nauauit. Scribit Victor Schott: *Quo bello Carausius Menapia ciuis factis promptioribus enituit: eoque cum simul quia gubernandi (quo officio adolescentiam mercede exercuerat) gnarus habebatur, paranda classi, ac propulsandis Germanis maria infestantibus, praeferere.* Ex quibus patet errare Caluthum & Alfordum qui Carausij rebellionem hoc anno 286. recensent, cum id temporis Carausius in castris Maximiani summa cum laude militauerit, & in partem victoriae venerit, ac postea adornandæ classi incubuerit. Germani cum Romanos ciuili bello occupatos viderent, superato Rheno in proximiora Galliarum oppida impetum facientes, omnia igne ferroque vastabant. Maximianus militem recenti contra tyrannos victoria ferocem contra barbaros mouit, ac diuisis copijs, eodem tempore diuersis in locis prædas agentes aggressus, vniuersos partim fame confecit, partim aperto Marte prostrauit.

Audia-

Audiat Mamertinus cap. 5. *Quod statim, vixdum misero illo furore sopito (nempe ciuili bello cum rusticis) cum omnes Barbaræ nationes excidium vniuersæ Gallia minarentur, neque solum Burgundiones, & Alamani, sed etiam Chaibones, Erulique viribus primi Barbarorum, locis ultimi, præcipiti impetu in has provincias irruissent, quis Deus tam insperatam salutem nobis attulisset, nisi tu affuisses?* Pluribus Maximiani victorias describit. Itaque A. 286. Aelianus, & Amandus, dein Germani qui in Gallias irruerant, à Maximiano victi sunt.

Dum hæc in Gallijs geruntur, Diocletianus cum ingenti exercitu è Bithynia discedens, in Persas mouit, ac bellum de proximo ostentans, tantum Persarum Regiterrorum incussit, vt is abductis prope è Syria præsidij, non modò eandem aduentanti Imperatori vltro cesserit, verùm etiam missa cum muneribus legatione, pacem supplex rogauerit. Diocletianus Antiochia, alijsq; vrbibus incruenta victoria potitus, recenti terrore v endum ratus, bellum vndique vrgebat, quo metum hostium intenderet. Antiquus Panegyristes victorias Diocletiano nullo suorum cruore, Maximiano verò cum ingenti hostium clade partas describens, ducta similitudine à Ioue, & ab Hercule, quorum agnomina iidem Augusti per summam ambitionem assumpserant, hæc inquit cap. 7. *Credo isidem optimam illam, fertilemq; Syriam velut amplexu suo tegebat Euphrates, antequam Diocletiano sponte se dederent regna Persarum. Verùm hoc Iouis sui more nutu illo patrio, quo omnia contremiscunt, & maiestatis vestri nominis consecutus est. Tu autem, Imperator inuicte, feras illas indomitasq; gentes vastatione, prælijs, cadibus, ferro, ignique domuisti.* Has inter victorias hyems clausit annum 286.

Diocletianus tertium, Maximianus primum consules insequentem annum 287. aperuere, vt ex epigraphe Numismatis appareret: IMPP. DIOCLETIANO III. MAXIMIANO COSS. Et quidem Maximianus, cum ipsis Kalendis Ianuarijs palmatam induisset, insigni de barbaris victoria reportata, primum sui consularatus diem felicissimè auspicatus est. Hæc fusius prosequitur Mamertinus cap. 6. quæ cum maximè illustrent eiusdem Augusti consularatum in Numismate expressum, operæ prætium duxi eadem

dem hic recitare. *Transco*, inquit, *innumerales tuas tota Gallia pugnās, atque victorias, quā enim tot tantisq̃ue rebus sufficiat oratio? Illum tamen primum consulatus tui auspicialem diem tacitus præterire nullo modo possum, quo tu solus omnium consecutus es, ut quod tempus antea incipiendis tantummodo rebus apertum videbatur, tunc primum sufficere potueris peragendis, vnoque sol curriculo suo, eoq̃ue brevissimo, & officia te Consulis inchoantem viderent, & Imperatoris implentem. Postea: Vidimus te, Caesar, eodem die & in clarissimo pacis habitu, & in pulcherrimo virtutis ornatu. Bona venia Deum dixerim, ne Iuppiter quidem tanta ipse celeritate faciem celi sui variat, quā facile tu, Imperator, togam prætextam sumpto thorace mutasti, hastam posito scipione rapuisti, à tribunali remet in campum, à curuli in equum transulisti, & rursus ex acie cum triumpho redisti, totamq̃ue hanc Urbem repentina tua in hostes eruptione sollicitam lætitia, & exultatione, & aras flagrantibus sacrificijs & odoribus accensis, Numini tuo implesti. Ita utroque illius diei supremo tempore bis diuina res pari religione celebrata est, Ioni, dum pro futuris vouetur, tibi, dum pro victoria soluitur. Maximianus Treuiris vrbe metropoli Galliarum, ac Imperatorum domicilio hiemabat, cumq̃ue Rhenus gelu constitisset, Germani populabundis agminibus in Gallias effusi, Treuiros vsq̃ue peruenierant, quos Maximianus ipsis Kal. Ianuarijs repentina eruptione aggressus, ingenti clade affectos, procul à moribus propulsauit. Postea appetente vere, Erulos, Chaibones, aliosq̃ue Germaniæ populos suis in sedibus aggressurus, Carausium maritimæ classi præfecit, ut hostes terra marique simul opprimeret. Audiatur iterum idem Orator cap. 7. Tale igitur, inquit, auspiciū illius anni quid sequebatur, nisi nouum aliquod, & ingens miraculum? Quod autem minus euenire potuit illa tua in Germaniam transgressione? Itaque Maximianus Rheno superato, pluribus prælijs hoste ubiq̃ue profligato, victrices aquilas per Germaniam latè circumtulit, ac in Transihenanis prouincijs Romani imperij limites fixit. Carausius qui classi præerat, priuatæ potius quàm publicæ rei curam gerens, piratas prædas tota maritima Gallia agere sinebat, ut spolijs onustos in reditu interci-*

peret,

peret, atque ea se occasione ditaret. Neque enim prædā vel in ærarium intulit, neque provincialibus restituit. Hinc cum intelligeret se in affectati imperij suspicionem venisse, ac successore misso, necem sibi à Maximiano destinatam, cum classarijs deficiens, in Britanniam transmisit, ac occupata legione, imperium cum Augusti titulo anno eodem 287. capessuit.

Cum Maximianus anno etiam 288. iterum consulatum inierit, victoriam illam, quam ipsis Kalendis Ianuarij, teste Oratore, consecutus fuit, primo eiusdem consulatui in Numismate designato, adscripsi, quod anno 288. idem Imperator Germanica expeditione intermissa, ædificandæ classi incubuerit, ut novum imperij æmulum navalibus copijs instructum, è Britannia expelleret. Idem Panegyristes cap. 12. *soto scilicet anno naues ædificatas scribit.* Diocletianus recepta Syria, ac plurimis Persarum oppidis in ditionem acceptis, bellum impigrè urgebat. Verum audita Carausij rebellionē, pace cum Persis composita, in Europam se contulit, cum Maximiano de bello contra novum Imperatorem administrando consulturus. Veriusque Augusti colloquium laudat Mamertinus cap. 7. *in quo*, inquit, *vobis mutua prae-
buissem omnium exempla virtutum, atque innicem vos (quod fieri iam posse non videbatur) auxistis: ille tibi ostendendo dona
Persica, tu illi spolia Germanica.* Liuius in notis scribit hoc Imperatorum colloquium contigisse Mediolani, ut idem Mamertinus testatur in Genethliaco Maximiani. Verum congressus Mediolanensis contigit anno 291. desinente primo Maximiani quinquennio, ut in præmio Genethliaci idem exponit. Hic verò congressus contigit, antequam iidem Augusti expeditionem maritimam contra Carausium imperij æmulum susceperent, ut ex cap. 12. constat: *Quid nunc*, inquit, *animi habet ille pirata* (Carausium notat) *cum fretum illud, quo solo morsem suam hucusque remoratus est, pendē vestros exercitus videat ingressos?* Et postea his orationem concludit: *Facile itaque quibus intelligis, Imperator, quam prosperi te successus in re maritima secuturi sint, cum iam sic tempestatum opportunitas obsequatur.* Habita est hæc oratio die 21. Aprilis natali vrbis A. 289. cum Maximianus classem contra Carausium totis Germaniæ, ac Gal-

liæ funijs educeret. At Carausius bello nauali superior, Maximiani classe partim capta, partim aduersa tempestate disiecta, pacem cum Britanniae imperio, & Augusti titulo obtinuit: Scribit Eutropius lib. 9. *Cum Carausio tamen, cum bella frustra tentata essent contra virum rei militaris peritissimum, ad extremum pax conuenit.* Idem ex hoc singulari Sereuissimi Magni Etruriae DVCIS nummo colligitur.



In nummis Oconis, Trifani, Patini, aliorumque legitur PAX AVG. vbi vnus Carausius indicatur; ac in Mediceo Numismate illis notis AVGGG. Diocletianus, Maximianus, ac Carausius Imperatores designantur.

Ex his colligimus triumphales Diocletiani, & Maximiani quadrigas in Mediceo Numismate sculptis, designare eorundem Principum victorias ante annum 288. Germanico, ac Persico bello reportatas; vnde & in antiquis inscriptionibus iisdem *Germanici*, ac *Persici* nuncupantur. Recitantur à Grutero pag. 166.

IMP. CAES. C. AVREL. VALER. DIOCLETIANVS.

SARM. MAX. PONT. MAX. TRIB. POT. X.

IMP. CAES. M. AVREL. VALER. MAXIMIANVS.

GERM. MAX. PERSIC. MAX. PONT. TR. POT. IIX. COS...

IMP. VIII.

FL. VALERIVS. CONSTANTIVS. ET GALERIVS. VALERIVS.

NOBB. CAESARES, MVRVM.....

Altera.

IMP. CAES. C. AVR. VAL. DIOCLETIANVS. AVG. PONT. MAX.

SAR. MAX. PERS. MAX. TRIB. POT. XI. IMP. X. COS. V. P. P. ET

IMP. CAES. M. AVR. VAL. MAXIMIANVS. AVG. PONT. MAX. SAR.

MAX. PERS. MAX. TRIB. POT. X. IMP. VIII. COS. IV. P. P. ET IMP.

FL. VAL. CONSTANTIVS. ET GAL. VAL. MAXIMIANVS. FILII.

CAESS. MVRVM. VITVDVRENSEM. A SOLO. INSTAVRARVNT.

CVR. AVRELIO. PROCVLO. V. C. PROV. MAX. SEQ.

E

Prior

Prior inscriptio posita est intra XV. Kal. Octobris A. 293. & Kal. Aprilis A. 294. quo tempore Diocletianus gerebat Pot. Trib. X. primò initam die 17. Sept. A. 284. Maximianus verò IIX. inchoatam A. 286. Kal. Aprilis. Altera inscriptio incisa est à Kal. Aprilis A. 295. ad XV. Kal. Octobris eiusdem anni, quo sanè tempore erat Diocletianus Trib. Pot. XI. Maximianus X. Tristano tomo 3. pag. 366. nummum Maximiani profert cum epigraphe P. M. TR. P. VIII. Cos. IV. P. P. ex quo, inquit, intelligimus Maximianum *anno imperij octavo consulem IV. fuisse, quod Onuphrium ac ceteros fugit*. Hic censor Onuphrij fastos non legit, qui in tabulis consularibus lib. 2. hæc grandioribus characteribus scribit: IMP. CAES. MAXIMIANVS P. F. AVG. TR. POT. VII. VIII. COS. IV. P. P. Rectè cum quarto consulatu Maximiani A. 293. iunxit Tr. Pot. VII. vsque ad Aprilem, inde verò VIII. ut nullus sit reprehensionis locus.

Quamvis Maximianus nunquam contra Persas pugnavit, *Persæ* tamen nomen ex collegæ Diocletiani victorijs obtinuit; solemne enim Augustis fuit victoriarum titulos cum imperij collegis participare, licèt ijdem vel Romæ, vel alibi procul à belli periculis degerint. Ita M. Aurelius in Nummis Armeniacus, & Parthicus appellatur; cum tamen Verus Augustus Aurelij Antonini collega bellum cum hostibus gesserit. Peculiari autem Antonini modestiæ Capirolinus deputat

cap. 12. quodd post mortem

Veri, hunc tantum Parthi-

cum, Germanicum se

vocaret, quod sibi

bello proprio pe-

pererat.

CAPVT V.

Numisma Medicum esse consulare . Eidem simillimus Maxentij Nummus ex Cimelij CHRISTINÆ Augustæ profertur atque explicatur . Maxentij consulatus apud Panninum , & alios confusi suo ordine digeruntur . Processus consulares ex Imperatorum rescriptis , ac antiquis scriptoribus illustrantur . Consules ad edendos ludos curru triumphali vestros processisse aduersus Schefferum ostenditur .

Chimentelli sententia de sella curuli in curru triumphali reiecta .

R Omani Principes , cum ceteros magistratus ciuibus capessendos reliquissent , consulatum tamen ordinarium passim inibant, vt annum in fastis denominarent, suoque nomine omnia implerent . Egregiè hæc describit Libanius in panegyrico Iuliani . *Quid venerabilius , inquit , esse potest , quàm vniuersum Orbem terrarum Solis instar appellatione continere , & in ore cunctorum hominum esse nomen à parentibus inditum , cuius memoria multas complectatur necessitates , iudicia , nuptias , forum , portus , debita , venditiones , contrahentes , paciscentes , litigantes , fidem per literas facientes , communicantes , dissidentes , filiorum opulentorum natales , puerorum in scholis institutiones , quorum vnum studium est nominare consules ; in quo etiam & acquiescunt .* Quod igitur quidam dixit de Ioue omnium summo Consule , Iouis vias omnes esse plenas , omnia fora , portus , maria , hoc aliquis dicere possit de Consulibus , qui appellationem cum Deo communem habent . Et concludit : *Imperator ab illo dignitatis cumulo non minùs ubique celebratur .* Hinc plerique Principes tanta aperiendi in fastis anni ambitione tenebantur , vt Octavianus Augustus A. V. C. 720. cum Kalendis Ianuarijs mane pro æde Iouis Capitolini in sella curuli præsedisset , intra paucas horas magistratum abdicauerit . Caius tertium consulatum septem , quartum tredecim diebus gessit . Noui etiam Imperatores incunte anno , consulatum statim vsurpabant , vno Traiano

excepto; quare idem à Plinio in panegyri laudatur: *Hoc ergo,* inquit, *honore quem, & incipientes Principes, & desinentes adeo concupiscunt, ut auferant, se ocio ac vacante privatis cessanti.* Quo verò gesti, vel saltem deslorati magistratus memoria ad ferros quosque posteros decerneret, Numismata ei delantur, in quibus consulis effigies cum notis consulatus exprimebatur. Hi Nummi consulares appellantur. Laudantur id genus Numismata passim ab antiquarijs. Apud Oeconem Diocletiani Nummius inscribitur in aversa parte: **CONSVL IV. P. P.** Item alter Maximiani in parte postica signatus: **CONSVL. AVGG. NN.** *Consules Augusti Nostri.* In alijs maioribus Nummis ipse Consul processus exprimitur, cuius generis duos indicat vir Cl. Spanhemius disert. 8. de usu, & præstantia Numis. pag. 705. Vnum quidem Constantini Magni cum inscriptione: **FELIX PROCESSVS COS. VI. AVG.** Alterum Maxentij inscriptum: **FEL. PROCES. CONSVLAT. AVG. N.** quem cum intellexissem seruari in Cimeliarchio CHRISTINÆ Augustæ, eiusdem cæty-pum per literas impetratum subijcio.



Hic consulatus Imp. Maxentij cum quadrigis Elephantorum, ac Victoria coronam Principi offerente conspicitur, quæ omnia in Mediceo etiam Numismate exprimuntur. Panvinus quatuor Maxentij consulatus ponit præeunte scriptore vitæ S. Marcelli Papæ, & omnes quidem susceptos: primum à Kalend.... A. 306. secundum A. 307. à Kalend. Iulij, tertium VII. Kal. Maij A. 308. modò Maximinum, modò Romulum eidem collegas assignans; quantum verò statuit anno 309. Goltzius de more ad verbum eadem ex nostro scriptore suis fastis inseruit, uti etiam Caluissius.

Baro;

Baronius quartum Maxentij consulatum alligat eidem A. 309. Cuspinianus cum in deprauatum codicem libelli de praefectis vrbis incidisset, vnicum tantum Maxentij consulatum expiscari potuit. Ceterum ex libello eodem ex nitidiori codice à Bucherio exscripto, ac publicato, itemq; ex fastis Idacianis quatuor consulatus Maxentij suis quosque annis designatos accepimus. Occiso Seuero, ac Galerio ab Italia pulso, Maxentius eiusq; filius Romulus A. 308. consulatum ordinarium inierunt. Anno 309. iidem consules in Vrbe processere. Extat nummi inscriptio apud Ba. onium A. 309. IMP. C. MAXENTIVS P. F. AVG. CONS. II. Tertium consulatum solus gessit A. 310. Vnde infero Romulum Caesarem, quem Pater inter Diuos retulit, anno superiori diem obiisse. Visitur nummus mediocris magnitudinis in scrinijs Serenissimi Card. LEOPOLDI inscriptus: DIVO ROMVLO NVBIS. CONS. *Nobilissimo Consuli*; ex quo patet eundem mortuum, & consecratum fuisse in suo altero consulatu. Quartum denique consulatum Maxentius gessit A. 312. quo vitam cum imperio amisit. In alijs vero Romani imperij prouincijs alij Augusti Maxentij hostes, consulatus iisdem annis inire, vt ex fastis intelligitur.

Quadrige in laudato nummo Inclytæ Reginae non designant triumphum Maxentij de Alexandro. Etenim anno tantum 310. Alexander victus fuit à Maxentij ducibus, vt fusius ostendam lib. 1. historiae Donatistarum; & patet ex nummis Graecis quos laudat Goltzius cum epigraphe: ATT. KAIC. AAEEANΔPOΣ ETC. ETT. CEB. L. A. alius L. B. alius L. Γ. postremus L. Δ. *Imperator Caesar Alexander Pius Felix Augustus. Anno primo; anno secundo; anno tertio; tandem anno quarto.* Itaque Alexander A. 307. cum fugato ab Italia Galerio, Maxentius Africam in potestatem redigere conaretur, purpuram induit, quam tamen anno 310. quarto tyrannidis inchoato, occisus amisit. Cuius verò in Numismate Augustæ legatur FEL. PROCESSVS CONSVL. AVG. N. nulla addita nota numerali, prior Maxentij consulatus designatur, quem A. 308. ex ante diem XII. Kal. Maias cum Romulo capeffuit. Certè in nummo Constantini consulatus eiusdem VI. exprimitur (aliam tamen interpretationem subijciam) quod

etiam

etiam in omnibus consulatibus Augustorum in nummis obsignatis, apparet. Itaque biennio ante debellatum Alexandrum, regium Numisma scalprum fuit. Maxentius plures victorias, antequam classem in Africam mitteret, obtinuerat contra Seuerum Galerium, & patrem Herculum; vt patet ex panegyrico Constantino dicto post eadem Maxentij cap. 3. In agro nostro Veronensi apud Cotiniolam hoc epigramma legitur.

IMP. CAESARI. M. AVRELIO.

VALERIO. MAXENTIO. PIO.

FELICI. INVICTO. AVGVSTO.

IMP. XI.

Titulus ille Imperatoris toties iteratus, plures eiusdem victorias indicat. Hinc ob easdem quadrigæ Elephantorum Maxentio S. C. decerni potuerit. Nec obstat eundem bello civili aduersus Socerum, ac Patrem victorem euasisse; nam cum Senatus post Maximini Augusti eadem cogeretur, Cuspidius à P. C. sententiam rogatus dixit: *Victoria causa principibus nostris Maximo, Balbino, & Gordiano statuas cum elephantis decernimus, currus triumphales decernimus, statuas equestres decernimus, trophaa decernimus*. Quod tamen bello civili victores euaserant, nullum Romæ triumphum egerunt. Extat in gaza Magni Ducis Numisma æreum maioris magnitudinis exprimens Hadrianum in quadrigis elephantorum cum inscriptione AVT. KAIC. TPAIAN. AΔPIΑΝΟΣ CEB. L. IZ. Patet nummum scalprum fuisse anno imperij eiusdem XVII. Certè Hadrianus nullum triumphum gessit. Hinc honoris tantum gratia quadrigæ elephantorum Hadriano à Græca vrbe decretæ sunt. Ita OPVS QVADRIGAE CVM EFFIGIE IMP. HADRIANI ab Itala vrbe dicatum, laudatur in antiquis inscriptionibus pag. 444.

Ego tamen puto non triumphum, sed processum consularem Maxentij in regio Numismate obsignari. Huius consulatus mentionem facit antiquus auctor libelli de Præfectis: *Consules*, inquit, *quos iusserint DD. NN. Augusti*. Quare A. 308. Kal. Ianuarij

ob

ob ciuilia bella inter Maxentium, & collegas Augustos, nulli consules ordinarij magistratum iniere. Postea: *Ex XII.* (Cuspinianus VII. legit) *Kalend. Maij factum est Maxentio, & Romulo, quod est Diocletiano decies, & Maximiano septies.* Scaliger in notis Eusebianis Num. 2320. ex hoc decimo Diocletiani consularu putauit nondum eo anno Diocletianum purpuram exuisse, pleni quadriennij metachronismo. Galerius Maximianus quo deuoti animi obsequium erga Diocletianum à quo ad imperium euectus fuerat, testatum faceret, eundem quamuis priuatum vnà secum consulem designauit. Hinc Orator in panegyrico A. 310. dicto Constantino post mortem Herculei de Diocletiano loquens ait: *Felix beatusque verè quem vestra sanctorum Principum colunt obsequia priuatum.* Consules cum ad magistratus insignia accipienda, vel ad ludos pro delatis trabeis de more edendos prodibant, vulgò *procedere* dicebantur, eaque pompa *processus* nomine indicabatur. Plutarcus in Galba *Erat etiam*, inquit, *Linia uxoris Caesaris genere coniunctus: Itaque opera Linia ex palatio.* CONSVL. PROCESSIT. Græce: ὑπατος ἐκ παλατίου προῆλθι. Lampridius in Elagabalo cap. 15. *Denique*, ait, *Kal. Ianuarijs quum simul designati essent consules, noluit cum consobрино PROCEDERE.* Auctor Chronici Alexandrini de Diocletiano scribit: Καλενδαίς Ιανουαρίαις προῆλθεν ὑπατος. Rectè interpres: *Kalendis Ianuarijs consul processit.* In fastis Idatianis A. 385: *Occisus est Carinus Margo qui ipso anno cum Aristobulo CONSVL. PROCESSERAT.* In actis SS. Martyrum Ioannis, & Pauli apud Surium die 26. Iunij: *Cum autem Gallicanus vellet priuatus abscedere, rogatus ab Augustis CONSVL. PROCESSIT.* Hac eadem phrasi vtpotè vulgari, poetæ etiam vsi sunt in nouorum consulum pompa designanda. Claudianus in fine panegyrici ad Manlium consulem ait.

Consul per populos, idemque grauissimus auctor

Eloquij, duplici visa subnixus in auum,

PROCEDAT, pariter libris fastisque legendus.

Corippus lib. 4. de laudibus Iustini secundi, describens consularem pompam qua idem Kal. Ianuarijs in publicum exijt, hæc canit.

Con.

*Consulis aduentum summa tardantis in aula
Expectant, pendenteque moras, causasque morarum
Inquirunt, oculosque omnes ad regia tollunt
Limina, PROCESSVM QVE AVGVSTI consulis optant.*

Extat in Cod. Iust. L. 2. de Consulibus hoc rescriptum Marciani Augusti: *Cessante ergo ista spargendi uilitate, amplissimi CONSVLES PROCEDENTES deinceps abstineant hoc errore per. dendi.* Rursus Leg. 4. Zeno concedit Consulibus *PROCEDENDI legitimam facultatem.* Verùm his omnibus iuculentior est Nouella Iustiniani 105. in qua non solum processus consulum leguntur, verùm etiam eorundem numerus lata lege statuitur ne per ambitionem, aut popularis auræ captandæ gratia, patrimonium profusis largitionibus à nouis consulibus absumantur. Hæc sancit Imperator: *Erit PROCESSVS primus quo suscipit consulatum, & huiusmodi possidet codicillos Kalendis Ianuarijs.* Dein sex alios processus consulibus permittit. Nempe ut iterum procedant in Circum ad edenda equorum certamina. Tertio ad exhibendam venationem ludicram, qua animalia herbatica à populo diripiebantur. Quarto ad amphitheatrum, ubi homines cum feris depugnabant. Id genus spectaculi *pancarpum* dixere, ut rectè notat Cassianus collat. 5. cap. 14. Quinto prodibant ad dandos ludos scenicos. Sexto iterum ad edendos Circenses. Postremus processus erat cum magistratu exhibent. Eò concludit: *ita septem noctium, & processum complebitur cursus.* Hos processus Consulum egregiè describit Claudianus proxime laudatus, & Panuinus lib. 1. de ludis Circensibus. Certum est Imperatores, Consules, Prætores, aliosq; editores munerum curru vectos cum ad exhibendos ludos procederent. In tabulis magni Panuini eiusquè commentarijs hoc omissum fuit, uti constat ex lib. 2. cap. 2. ubi pompam Circensium describens, videtur velle editores ludorum pedites cum reliquis magistratibus in Circum perrexisse. At eosdem curru vectos diserrè tradit Iuuenalis Sat. 10. V. 34.

*Quid si vidisset Prætores in curribus altis
Extantem, & medio sublimem in puluere Circi,
In tunica Iouis & pectore Sarrana ferentem
Ex humeris aulæ togæ &c.*

Cum

Cum sub initium impetij Tiberij Cæsaris Tribuni plebis petijissent, ut proprio sumptu ederent ludos, qui de nomine Augusti, cuius honori destinabantur, Augustales nuncuparentur, scribit Tacitus lib. 1. *Annal.* id eisdem permissum, sed *decreta pecunia ex arario, utque per Circum triumphali veste uterentur: curru vehi haud permissum.* Nempè, ne eo honore summis magistratibus aquarentur. Porro inter spectacula in Moenianis in sella, curuli editores ludorum sedisse eruditè ostendit Chimentellus in præclaro opere de Bisellio cap. 12. Suetonius in Augusto cap. 43. *Commissione, inquit, ludorum quibus theatrum Marcelli dedicabat, euenit, ut laxatis sella curulis compagibus, caderet supinus.* Sella curulis adeo erat propria editorum Circensium, ut teste Dione lib. 44. Cæsari S. C. datum fuerit *ut semper curuli sella sederet, exceptis ludis; tum enim sessio ei in Tribunitio subsellio cum ijs qui quo tempore Tribunatum plebis gererent, concedebatur.* Finis ludis, editores munerum eodem curru iterum per Circum procedebant. Hæc ait Liuius lib. 55. *Ad X. Kal. Octob. ludorum Romanorum secundo die, C. Licinio Consuli ad quadrigas mittendas ascendent, tabularius qui se ex Macedonia venisse diceret, laureatas literas attulisse dicitur. Quadrigis missis, Consul currum conscendit, & quum per Circum uheretur ad foros publicos, laureatas tabellas populo ostendit.* Hæc ille. Currum cui editores ludorum insistebant, fuisse triumphalem tradunt Argolus in notis Onuphrian's lib. 2. cap. 14. Rubenius lib. 1. de re vestiaria cap. 21. & ob eximiam eruditionem magni inter literatos nominis Octavius Ferrarius in *Analectis* de re item vestiaria cap. 26. Hoc quidem deducunt ex Capitolino qui in M. Antonino cap. 16. scribit ab Augusto patre in Commodum delatum esse nomen Cæsaris, & mox sacerdotum, statimque nomen Imperatoris, ac triumphis participationem, & consulatum; quo quidem tempore senex Imperator filio ad triumphalem currum in Circo pedes cucurrit. Hic verò Capitolinum loqui de tempore quo Commodus procedebat ad edendos Circenses pro initio consulatu, ex eo constat, quòd triumphum unà cum Patre egit, ex Lampridio cap. 2. ac proinde Antoninus id temporis nequitquam pedes ad currum Commodi cucurrit. Cum in textu le-

gatur *sine Imperatoris filio*, Casaubonus aliter erratum emendat, pro *sine* ponens *Senatus*, quasi Patres pedites accurrerint Commodo non quidem Consuli procedenti, sed vnâ cum Aurelio ac Vero Augustis triumphanti. Verùm in hoc postremò Casaubonus deceptus est; etenim Commodus ex Lampridio cap. 12. *appellatus est Imperator V. Kal. Exuperatorias Pollione iterum, & Apro Coss. Triumphauit X. Kal. Amazonias ejdem Coss.* nempe A.V.C. 929. Christianæ epochæ 176. Verus autem ante septennium obiit. Itaque ex illo deprauato textu Capitolini triumphalis currus edentium ludos minus certò colligitur. Id melius cuiquam fortè probari posset ex Dione qui lib. 59. describens pompam, qua Caius Augustus in suo primo consulatu processit ad exhibendos ludos ait: *Sex equis tractus est currus triumphalis, quo Caius vehabatur.* Hanc tamen interpretis versionem non admittit Schefferus lib. 2. de re vehiculari cap. 14. nam verba illa *πομπικὸν ἄρμα* non triumphalem, sed pompaticum currum significant; *πομπή* enim non triumphum sed pompam apud Græcos exprimit; addique toto illo loco *nihil de bello, multo minus de triumpho*; vt planè appareat eundem editori munerum non concedere currum triumphalem. Verùm obseruo currum triumphalem alibi à Dione *πομπικὸν ἄρμα* disertè appellatum; nam lib. 43. describens triumphos Cæsaris ait: *Ceterum prima die triumphi omen ei aduersum obsigit, axe currus triumphalis apud sanum Fortune à Lucullo adificatum confracto.* Græcè legitur τὸ ἄρμα τοῦ πομπικῆς. Sed video neque ex Dione currum triumphalem probari; nam omnis currus triumphalis pompaticus, non omnis pompaticus item triumphalis; thesæ enim ac carpenta quæ inter Circensium spectacula visabantur, erant currus pompatici, non triumphales.

Ex raro tantùm ac insigni Augustæ nummo currus triumphalis quo Consules ad edendos ludos procedebant, innatescit. Zonaras tom. 3. describens formam currus triumphalis ait: *Currus non erat similis ei, cuius usus est in certaminibus ludicris, nec cuius usus in bello, sed rotunda figura instar turricula constructus.* Hoc ipsum ex quadrigis triumphalibus quæ Romæ in arcu Titi videntur, aliisque innumeris in nummis Augustorum obsignatis eruditè docuit Panuius in libro de triumpho. Cur-

rus erat duarum rotarum, cuius capsula erat rotunda, ac in ambitum clausa; in qua Imperator non quidem sedens, sed stans vehebatur; unde Ovidius lib. 3. de Ponto el. 4.

Ille Ducis facies in curru stans eburno.

Prudentius lib. 2. in Symmachum V. 555. triumphatores in curru stantes describit.

Frangitur igitur currus summo miramur in arcu

Quadrūgos, stantesque duces in curribus, altis.

In omnibus numerorum quadrigis triumphantes Cæsares stantes exhibentur, nusquam sedentes. Rubenius in explicatione gemmæ Augustæ currum triumphalem arcuatum instar hemicycli exhibet; quæ tamen sententia verustis omnibus monumentis aduersatur. Est currus qualis à Gentilibus Dijs datur.

Et quidem cum summis magistratibus munera edentibus vestis triumphalis permitteretur, currus item triumphalis concedi debuit, quo splendidius pompam Circensium ducerent. Itaque in nummo Maxentij PROCESSVS eiusdem ad edendos ludos exhibetur, idemque stans in quadriga triumphali visitur, ut planè vera appareat sententia, quæ currum triumphalem editoribus ludorum tribuit, quod tamen nec Salmasius in notis ad Capitolinum in M. Aurelio intellexit, & minùs rectè Schefferus negavit.

Quæri possit num in eodem curru posita esset sella curulis, quæ inter præcipua Consulum insignia censebatur. Chimentellus cap. 12. putat in curru triumphali positam fuisse sellam curulem ex Servio ad lib. 11. Æneid. VI. 384. Sed nihil tale ex Servio colligitur; ille enim scribit, vsum sellæ curulis ijs tantum concessum qui parva victoria, triumphali curru in urbem inuehebantur, quod falsum est; cum in curuli sederent rogati magistratus in urbe protul à castris, ut ex nummis Aedilium, ac historicis omnibus patet. Rursus eadem Chimentelli sententia refellitur, quia cum Senatus Parthicum triumphum Septimio Severo detulisset, is ex Spartiano cap. 16. *idcirco recusavit, quòd consistere in curru affectus articulari morbo non posset*. Si in curru triumphali fuisset sella curulis, Severus quamvis podagra laborans, sedere potuisset. At cum triumphus stanti in curru perageretur, nullus ibidem sellæ usus esse potuit. Lidorus lib. 20. cap. 11. ait:

Apud veteres Prætores, & Consules propter itineris longinquitatem curru prouehantur. Sella autem, quæ post eos uehebantur, quibus sedentes iura dicere solebant, à curru carrules sella sunt nominata. At secus testatur Gabius Bassus apud Gellium lib. 3. cap. 18. Senatores qui curulem magistratum gessissent, dicis curru solitos honoris gratia in curiam vehi, in quo curru sella esset, supra quam considerens, quæ ob eam causam curulis appellaretur. Ita cum Consules in magistratû essent; post eorundem currum sella curulis uti consularis insigne palam ferebatur; cum verò magistratum gessissent, sella intra currum reponebatur. Hac ratione uterque scriptor conciliari possit. Vt sit de hoc, in curru triumphantium nullam curulem fuisse certum est, cum nullus eiusdem usus ibidem esse potuerit.

Cum Maxentius in suo primo consulatû quadrigis elephantorum ad edendos ludos processerit, easdem ob victorias Imperatori decretas puto; præsertim cum in regio Numismate appareat Victoria coronam Principi offerens; editores enim munerum triumphalibus equorum quadrigis de more uehebantur. Fortassis etiam Tyrannus qui post fugatum ab Italia Galerium, cuncta pro arbitrio agebat, propria auctoritate elephantos currui iunxit, quo pompam splendidiorem duceret. Rem in medio relinquo. Ceterum cum in nummo Mediceo non exprimat PRŒCESSVS consularis Augustorum, consequens sit, ut eorundem tantum victoriæ indicentur, ob quas utrique, vel Diocleriano saltem, triumphus in quadrigis Elephantorum decretus fuerit, ut pluribus paulò inferius demonstrabo.

Vnum hic adijciam epigraphen regij Numismatis posse etiam sic explicari: *Felix processus consularis Augusti Nostri*. Alteram verò nummi Constantiniani: *Felix processus consularis sextus Augusti Nostri*. Ut in hoc Constantini Numismate non quidem sextus eiusdem consulatus inscribatur, sed sextus processus quem idem in consulatu sextum ad edendos ludos exiuit. Scribit de Gordiano seniori Capitolinus cap. 3. *Quasturam magnificensimè gessit; adilitatis sua tempore XII. populo Romano munera, idest per singulos menses singula de suo exhibuit*. Itaque duodecies ad edendos ludos processit. Hos tamen processus ad septem Iusti-

Iustinianus reduxit. Posterioris ævi Augusti cum consules procederent, sedebant in sella hominum humeris imposita, vt de Iustino II. scribit Corrippus lib. 4. & de Mauricio. Simocatta lib. 1. cap. 12. ait: *Agebatur annus Mauricij secundus, cum hyeme consul creatus, consensa sella regia, summoperè perspicuus erat. Ferebant Imperatorem non equi, non muli, non elephanti, sed quod longè pretiosius est, homines. Sed de his alias.*

C A P V T VI.

Pompeius Elefantos Africano triumpho primùm Roma currui iunxit. Quadrigas Elephantorum Persici triumphi proprias euasisse Alexandri Seueri ac Gordiani exemplis ostenditur. Capitolini textus minus rectè Scheffero correctus. Antiquariorum de quadrigis equorum in Alexandri Imp. Nummis sententia refellitur. Hac occasione laterculus Consulum in fastis deprauatus restituitur. Quadrigas triumphales Elephantorum in Numismate Mediceo Persicas victorias Diocletiani designare.

Romani aduersus finitimos Latij ac Thusciz populos bello feliciter gesto, re adhuc tenui & angusta, humiles planè triumphos agebant. Romulum pedibus omnium primum triumphasse, ex pedestribus eiusdem statuis spolia ferentibus, probat luculenter Plutarchus in libello de vita Romuli aduersus Dyony-sium Halicarnassensem. Dein aucta vnà cum imperio triumphipompa, Tullius Hostilius, & Ancus Martius equo vestì de hostibus triumpharunt. Idem verò Plutarchus testatur Tarquinium Priscum quadrigis equorum Romæ primitus triumphasse. Etenim cum bello difficili duodecim Tusciæ gentes in potestatem Populi Romani rede-gis-sent, inde, inquit Florus lib. 1. cap. 5. *fascēs, trabea, curules, annuli, phalera, paludamenta, prætextæ; inde quod aureo curru QUATVOR EQVIS TRIUMPHATVR. Toga picta, tunicaque palmata; omnia denique decora & insignia, quibus imperij dignitas eminet.* Ita rudis ille populus præclara quæque cum pacis tum belli ornamenta Etruriæ accepta tulit.

Camil-

Camillus debellatis longo ac periculoso bello Veientibus, albos equos currui iunxit, & hos quidem æqua fronte locatos. Scribit de Camillo Livius dec. 1. lib. 5. *Maximè conspectus ipse est curru equis albis iuncto urbem inuectus, parumquè id non ciuile modo, sed humanum etiam visum, Iouis ac Solis equis aequiparatum Dictatorem in religionem etiam trahebant.* Verùm ubi Romanus Populus latè per orbem arma circumtulit, & ditissimas prouincias in Capitolij iura transcripsit, triumphorum pompa sumptuosissima euasit, & planè humanum modum prætergressa, omnem prorsus formam exiit priscæ tenuitatis. Certè ut cetera omittam, albi equi, qui olim humani triumphij pompam, quòd Numinum quadrigis deputati erant, superare visi sunt, præ assiduitate Romanis quibusdam Imperatoribus viluerunt. Hinc ab insuetis quadriugibus. noua triumphis pompa quaesita. Pompeius omnium primus de Africa triumphans, quadrigis elephantorum in Capitolium venit. Plinius lib. 8. cap. 2. *Rome, inquit, iuncti elephantum primum subiere currum Pompei Magni Africano triumpho, quod prius India victa triumphante Libero Patre memoratur.* Nec vilis in religionem traxit, quadriges Bacchi ad currum iunctos; tunc enim Romani magna Orbis parte subacta, diuisum cum Dijs imperium iactabant. Quadrigæ postea elephantorum vehendis in Circum statuis Principum consecratorum deputatæ sunt, qui honor Augusto primum S. C. decretus fuit. Hinc Dio in Nerone apud Xiphilinum: *Et elephantum, qui trahebant currum Augusti in Circum ingressi eò usque ubi Senatores sedent, processerant.* In Cimeliarchio Mediceo quadrigæ elephantorum in nummo primæ magnitudinis visuntur, cum inscriptione: DIVO AVGVSTO S. P. Q. R. Item Vespasiani statua in altero Numismate currui elephantorum imposita cum epigrapha DIVO AVG. VESP. Et id genus nummi passim apud antiquarios prostant. Cum Septimius Seuerus Pertinacem inter Diuos retulisset, iussit statuum eius auream curru elephantorum in Circum vehi. Dio apud Xiphilinum in Pertinace. Itaque quadrigæ elephantorum aureis Diuorum Principum imaginibus in Circum trahendis inserviebant.

At sequiori ætate Imperatoribus Persico triumpho quadrigas ele-

elephantorum decerni solitas disertè testatur Capitolinus in tertio Gordiano cap. 27. *Quadrigæ, inquit, elephantorum Gordiano decreta sunt, utpotè qui Persas vicisset, ut triumpho Persico triumpharet.* Eruditissimus Schefferus libro 1. de re Vehiculari cap. 9. contendit mendum in Capitolini textum irrepsisse; *Eccur enim, ait, quia Persas vicit, quadriga elephantorum decerni tandem ei debuerunt? Non sunt elephanti propriè ac speciatim vñtati Persis. Itaque, concludit, vix credo sic Capitolinum scripsisse.* Non sum nescius Imperatores, antequam a Romanis cum Persis bella gererentur, quadrigis elephantorum in triumpho vsos, vti de Pompeio proximè ex Plinio referebam. Extat etiam nummus Traiani apud Erizzium, in quo idem in quadrigis elephantorum exprimitur, cum inscriptione; ATT. TRAIAN. ΓΕΡ. ΔΑΚΙΚ. *Imperator Traianus Germanicus Dacicus.* Cum Parthicus non appelleretur, constat nummum eulum fuisse post victum Decebalum, ac Daciam in prouinciam redactam, priusquam in Orientem contra Parthos moueret; ac proinde quadrigas Elephantorum in eiusdem Numismate signatas, non indicare Parthicam victoriam. Ceterum vt Capitolini dictum aduersus viri CL. dubitationem defendam, res mihi paulò altius ex Herodiano lib. 6. cap. 2. repetenda est. Macrinus vltimus Romanorum Principum cum Artabano Rege Parthorum bellum gessit, cui anno 217. post cruenta certamina finis impositus. Inde Artabano cum Artaxerse Persarum Rege insausus auspicijs bellatum est. Etenim Artaxerxes acie superior, Artabano interfecto, regnum Arsacidarum qui iam inde à Crassiciade cum Romanis de Orientis imperio varia fortuna contenderant, Persarum ditioni adiecit. Hinc victoriaturus, possessam Persis ante Alexandri Magni irruptionem, Asiam armis vindicaturus, Mesopotamiam infestis agminibus ingressus, prædas rota Syria agere, ac Romana castra fluminis ripis ad imperij limites tutandos imposita expugnare. His Romæ nunciatis Alexander Seuerus Imperator habito ubiq; militum delectu, cum ingenti exercitu Romanorum primus in Persas mouit, cum quibus varijs etiam prælijs conflixit. Postremo prælio tantà clade Persas affectis, vt fugato Artaxerse, Mesopotamiam receperit, ac cum ingenti præda in urbem victor redierit. Alexan-

dri

dri orationem in Senatu habitam recitat Lampridius cap. 56. eiusdem initium, quod plurimum ad rem facit, exscribam. *Perſas P. C. vicimus. Langa eloquentia opus non eſt; tantum ſcire debetis, quæ illorum arma fuerint, qui apparatus. Iam primùm Elephanti ſeptingenti: idemq; turræ cum ſagittarijs, & onere ſagittarum. Ex his trecentos cepimus, ducenti interfecti iacent, decem & octo perduximus &c.* Porro Alexandrum primum de Perſis triumphum quadrigis Elephantorum egiffe teſtatur laudatus Lampridius cap. 57. *Dimiſſo, inquit, Senatu Capitolium aſcendis &c.* Poſt hoc cum ingenti gloria, & comitante Senatu, equeſtri ordine, atq; omni populo, circumſuſiſque undique malicribus, & infantibus, maximè militum coniugibus, pedes palatium conſcendis, quum retro curruſ triumphalis à quatuor elephantis traheretur. Vt victoriæ pompa illuſtrior fieret, cauti elephanti triumphali curru S. C. iuncti ſunt. Hinc quadrigæ elephantorum Perſici triumphi propriæ euasere, quod iſdem prior de Perſis triumphus Romæ ab Alexandro peractus fuit. Gordianus anno tertio ab Alexandri Seueri obitu imperium indeptus, Attico, & Prætexato col. ſecundum contra Perſas bellum geſſit, inſignemque ab iſdem victoriam reportauit, effectumque eſt, inquit Capitolinus cap. 27. *ut Perſæ qui iam in Italia timebantur, in regnum ſuum pugnanſe Gordiano redirent, totumque Orientem Romana Reſpubl. detineret.* Ipſe etiam elephantos plurimos cepit, ac duodecim Romam miſit, quos poſtea Philippus ludis ſecularibus conſecit. Delatis autem Roman Gordiani laureatis, eiſque in Senatu lectis, *quadrigæ elephantorum, inquit Capitolinus, Gordiano decreta ſunt, viſorè qui Perſas viciffeſ, triumpho Perſico triumpharet, nempe alterum de Perſis triumphum ageret curru elephantorum vectus, uti Alexander primùm paulo ante de iſdem hoſtibus triumpharat.* Cum Perſæ ſeptingentos in acie elephantos contra Romanos inſtruxerint, minus rectè ſcribit vir inſignis, non fuiſſe id genus animalium propriè ac ſpeciatiim Perſis uſitatum; nam Pyrrhus, Annibal, alijque paucos tantùm elephantos Romanis in prælijs obiecere. Profectò Parthorum robur in cataphractorum equitatu fuit; ſoli autem Perſæ in bello aduerſus Romanos magnam victorix

Gloriæ spem in elephantorum numero posuere. Oppositè idem Schefferus: *Nunquam triumphantibus à Senatu legimus decretum quo animalium genere uterentur in curru.* Ac hoc contigit, quòd quadrigis tantum equorum triumphandi mos fuit. Elephantorum quadrigæ triumpho Persico Alexandro Imperatori primum S. C. decretæ sunt; hinc eiusdem exemplo Gordiano etiam destinatæ. Et quidem Balbino, & Maximo, ac Gordiano post occisum Maximinum, *statuas cum elephantis S. C. decretas* testatur Capitolinus; cum tamen in historia Romana statuar tantum equestres S. C. destinatæ dicantur. Quare sicuti statuar elephantorum decretæ sunt; itidem & currus elephantorum decreti potuit.

Ceterum quadrigas elephantorum Alexandro Persico triumpho ductas, eiusdem Alexandri nummi dubias facere videntur; etenim nusquam triumphus Alexandri quadrigis elephantorum, sed equorum tantum in nummis exprimitur cum epigraphie in antica parte IMP. SEV. ALEXANDER AVG. & in postica P. M. TR. P. VIII. COS. III. P. P. S. C. Duo id genus Numismata continet gaza Ser. Magni DVCIS, tria verò cimeterium Serenissimi Card. LEOPOLDI, quorum vnum est maioris magnitudinis, & cælaturæ pulcherrimæ. Carolus Patinus vir planè doctissimus, & in nummorum interpretatione summa cum laude versatus, putat quadrigis equorum in laudatis Numismatibus designari triumphum Persicum; in qua sententia video etiam fuisse Erizzium, Angelonum, aliosque antiquarios. Non possum eruditissimi viri sententiæ accedere, cum eadem Dionis testimonio penitus reuellatur. Alexander Tribunitiam potestatem à Senatu accepit anno 222. mense Martio. Quod mensem attinet, testes sunt Dio & Lampridius. Annus evidenter probatur ex lapide antiquo, in quo Heekadeaceteridem Paschalem, S. Hippolyti Martyris incisam legimus. Hic eidem titulus præfigitur: *Anno primo imperij Alexandri Imperatoris, facta est XIV. Pascha Idibus Aprilis Sabbato.* Est character insignis A. 222. Christianæ Epochæ; nam eo anno Idus Aprilis incidunt in diem Sabbati, ac in XIV. Lunam Paschalem. Consules illius anni in fragmento consulari apud Bucherium pag. 247. ponuntur *Ant-*

pinus IV. & Alexander Mar. vbi significatur iisdem cols. die Martis contigisse Kalendas Ianuarias, qui est alter euidentissimus character eiusdem anni 222. Cyclo Solis VII. Lunæ XIV. lit. F. Baronius initium Alexandri ac eisdem consules posuit anno 224. Panuius anno 223. Itaque Tribunitia potestas VIII. Alexandri inchoatur A. 229. mense Martio, quo anno ordinarij consules statuuntur Alexander Augustus III. & Dio II. Extat in Cod. Iust. Alexandri lex XI. *de pactis PP. Non. Decemb. ipso Augusto III. & Dione II. Coss.* At hoc anno Alexandrum nondum expedi-
 io em Persicam suscepisse, sed degisse Romæ, & ad Campaniæ delicias diuertisse testatur eiusdem anni consul idemque historicus celeberrimus Dio Cassius in Alexandro, vbi cum narrasset, se à Prætorianis accusatum fuisse, at Alexander, inquit, horum rationem habuit nullam, sed contra me magis honestauit, secumque vnâ designauit secundum consulem. Quid cum agrè milites ferrent, iussit, inquit, mihi Alexander, ut alicubi extra urbem commorarer in Italia tempore huius consulatus mei. Quod cum fecissem, Romam veni, dein profectus sum ad ipsum in Campaniam, &c. Ibi verò asserit, Artaxerxis contra Parthos victorijs ingentem Romanis terrorem incussum, nullamque contra eosdem susceptam ab Alexandro expeditionem recitat. Ex hoc tam locupleti testimonio pater Alexandrum anno Trib. Pot. VIII. Romæ, & in Campania commoratum; tantum abest, ut eo anno in Oriente dege-
 s cum Persis pugnauerit. Quare quadrigæ equorum signatæ Trib. Pot. VIII. non exprimunt triumphum Persicum, sed alias Alexandri victorias, quas per legatos obtinuit. Easdem paucis perstringit Lampridius in Alexandro cap. 58. *Atque sunt res feliciter & in Mauritania Tingitana per Furium Celsum, & in Illyrico per Varium Macrinum asinem eius, & in Armenia per Iunium Palmatum, atque ex omnibus locis ei tabellæ laureatæ sunt delatæ, quibus in Senatu, & apud populum lectis, omnibus nominibus est adornatus.* Extat rarissimus nummus Alexandri in gaza Medicea in auersa parte signatus quadrigis triumphalibus cum victoria stantem in curru Imperatorem coronante cum epigraphe: P. M. TR. P. VII. COS. II. P. P. S. C. ut planè constat eundem anno eum 228. victoriam alicubi contra

tra hostes consecutum fuisse, vnde quadrigæ triumphales eidem S. C. decretae sunt. Hac occasione vñs consulum laterculus à prima vsque ad octauam Trib. Pot. Alexandri corrigendus est. Etenim anno 225. Panuinius, Caluissius, Petauius, Ricciolius ceterique consules assignant *L. Turpilium Dextrum & M. Memmium Ruffum*. Verum ex lapide apud Gruterum pag. 121. & ex altero saxo pag. 9. statuendi sunt Consules *Fuscus II. & Dexter*. Exstant plura rescripta Alexandri *L. 6. de test. militis. L. 4. de impub. substat. L. 2. de liberis pœt. L. 7. de fideicommissis*, signata *Fusco II. & Dextro Coss.* Fragmentum consulaire apud Bucherium pag. 247. consules exhibet *Fuscum & Dextrum Sat.* Et rectè; nam A. 225. Kalendæ Ianuariæ incidunt in diem Saturni Cyclo Solis X. Lunæ XVII. lit. B. Interim mirari liceat, cur nusquam in lapidibus, aut nummis Alexander Mauritanicus, Armeniacus, sed neque Persicus inscribatur. Sed de his haftenus.

Victi ab Alexandro Persæ, dein iterum à Gordiano profligari, octodecim annos pacem feriarunt, donec viribus reparatis, Valeriano imperante tertium Romanis bellum intulere, ac ingeni victoria acceptas ab Alexandro, & Gordiano clades compensarunt, capto Imperatore, ac legionibus caesis. At ne vniuersam Asiam sub iugum mitterent, Odenati, eiusque coniugis Zenobiæ virtus fecit. Aurelianus in bello contra Zenobiam auxiliares quidem Persarum copias in Regiæ subsidium missas, interceptit; cum Persis tamen pacem coluit, aureo etiam curru in signum amicitiae ab illorum Rege donatus fuit, teste Vopisco in libello de vita eiusdem cap. 33. Carus quartum bellum Persicum suscepit, captisque Ctesiphonte, ac Colche nobilissimis Persarum urbibus, dum victoriam feliciter exerceens, castra in Tigridis ripa metatur, fulmine ictus occubuit. Imperator Diocletianus quintum bellum contra Persas gessit, ac recepta Syria, plurimis hostium oppidis captis, & ut ait Orator in panegyrico Constantij *Partho ultra Tigrim redacto*, Narseum Persarum regem ad petendam pacem coegit. Hinc et Persicas victorias *quadrigæ elephantorum eidem decretae sunt, vispote qui Persas vicisset, ut triumpho Persico triumpharet*: quemadmodum de Gordiano Capitolinus superius laudatus, loquebatur. Et quoniam

uis nulla veterum scriptorum monumenta appellare possimus, Mediceum Numisma horum fidem facit, in quo Diocletianus quadrigis Elephantorum triumphans exhibetur. His etiam accedit Mamertinum hæc scribere in panegyrico ad Maximianum, ipsis parilibus recitato: *Hoc eodem modo rex ille Persarum, nunquam se ante dignatus hominem confiteri fratri suo (Diocletianum intelligit) supplicat, totumque, si ingredi ille dignetur, regnum suum pandit, offert; interim varia miracula eximia pulchritudinis feras mittit, amicitia nomen impetrare contentus, pacem promeretur obsequio.* Cap. 10. Has autem inter feras fuisse elephantos crediderim, quod ob usus bellorum plurimi à Persis fiebant, quos cum Diocletianus in victoriæ signum

Romam misisset, uti Alexander, ac Gordianus olim fecerant, eidem triumphus in quadrigis elephan-

torum S. C. decretus fuit. Num verò idem Imperator A. 302. quo de vniuersis hostibus, tum à se, & à collega


Maximiano, tum à Cæsaribus Constantio ac Galerio supera-

tis triumphauit,

quadrigis elephantorum usus fuerit,

in medio relinquo, neque

ausim hæc de re quidpiam sine teste affirmare.





DISSERTATIO SECVNDA
DE NUMISMATE
 LICINIANI LICINII AVG.



ALTERVM Numisma; item aureum, est Licinij Imperatoris, sed mediocris magnitudinis, cum epigraphæ satis obscura: unde variaz eiusdem interpretationes excogitatae, quas haud vacat in examen adducere; illis enim omissis, veram eiusdem rarissimi Nummi explicationem subijciam; quod prius quam exequar, operæ pretium duxi Liciniani tum in Europa, tum in Asia imperij chronologiam præmittere, ut annus eiusdem decennialium, quæ in Numismate inscripta sunt, intelligatur, simulquæ anni tertij ibidem expressi, ratio constet, cum alias hæc annorum diuersitas vix secum inuicem componi posse videatur.

C A.

CAPVT I.

*Liciniani in Europa imperij chronologia ex MS. Mediceo ac
Nummis statuitur. Licinium Cefarem, & Augustum,
simul designatum. CHRISTINÆ Augusta Nu-
mismata perperam Trifano
explicatum.*

Cum Maxentius Seueri Cefare Maximiani patris infidijs sub-
lato, urbem occupasset, ac Italiæ, & Africæ inhiaret, Ga-
lerius Augustus Seueri mortem vlturus, cum validis copijs ex Il-
lyrico ac Oriente contractis, Romam contendit. Henricus Va-
lesius vir planè doctissimus, vetusti scriptoris excerpta quæ du-
cum blattis, luctata fuerant, in calce ad historiam Ammiani Mar-
cellini publicauit, ex quibus pleraquæ maioribus nostris ignorata
deprehedimus. Scribit Anonymus: *Dehinc Galerius cum ingenti-
bus copijs Romam venit, minatus ciuitatis interitum, & castra
Interamna ad Tiberim posuit. Tunc legatos ad urbem misit Lici-
nium & Probum, per colloquium petens, ut gener apud socerum,
idest, Maxentius apud Galerium precibus magis quàm armis opta-
ta mercaretur.* Itaque erat Victor Schotti qui ait Licinium de-
signatum Augustum, ad Illyrici munimentum relictum, ante-
quàm Galerius in Italiam descenderet; Nam Licinius adhuc pri-
uatus Galerij castra secutus, legatione apud Maxentium perfun-
ctus fuit. Hac tamen legatione despecta, Tyrannus Galerij mi-
lites ingentis donatiui spe allectos, suos in partes passim trahē-
bat. Quare Galerius veritus ne ab vniuerso exercitu desereretur,
castris incensis, ac Italia omni quacumque iter faciebat, militi
in prædam concessa; in Pannoniam inglorius rediit, ac tertio
Idus Nouembris, restibus Idacio ac Chronico Alexandrino, Li-
cinium imperij consortem designauit. Erat Licinius *Dacia oriun-
dus, notus ei antiqua consuetudine, & in bello quod aduersus
Narseum gesserat, strenuis laboribus ac officijs acceptus.* Hæc
Eutropius lib. 10.

Annus inaugurationis Licinij non idem ab omnibus statuitur.
Baronius ad A. 307. Gothofredus in notis ad l. 1. *de infr. his*

que

que à tyrannis, Petavius in Chronico, scribunt Licinium anno 307. purpuram induisse. Valesius in notis ad laudatum Anonymum, Idatium secutus, initium Liciniani imperij statuit anno 308. quod tamen ultra biennium protrahunt Panvinus, Caluissius, ac Goltzius. Imò Sigonius lib. 2. de imperio Occident. scribit Licinium ad imperium euectum A. 311. XL. K. Maij, nempe ipsis parilibus. Sed aliud insuper controuersum est, num Licinius prius Cæsar, dein Augustus designatus fuerit. Hoc enim pluribus contendit Tristanus tom. 3. comment. 82. Petavius, Ricciolius, alijque passim, quibus tamen refragatur Scaliger in notis Eusebianis num. 2324. Extat in Bibliotheca Serenissimi Magni DVGLIS Etruriæ antiquus Eusebij Cæsariensis codex in plureo LXX. in quo pag. 144. recitatur titulus edicti anno 311. ab Imperatoribus Galerio, Constantino, ac Licinio publicati; in editis Eusebij voluminibus Licinius omittitur, quem tamen Cl. Valesius post Nicephorum lib. 7. cap. 23. ex alijs etiam MSS. suo tandem loco restituit. In titulo edicti Galerius inscribitur *Tribunitia potestatis XX. Consul VIII.* Constantinus *Tribunitia Potestatis V.* ita enim ex Nicephoro lacuna impenda est, postea in laudato codice legitur: *καὶ αὐτοκράτωρ καὶ αὐτοκράτορ ἡ αὐτοκράτορ Λικίνιος εὐσεβὴς, εὐσεβὴς, ἀνικητὸς, σεβαστὸς, ἀρχιερεὺς κτλ.* *ἡ αὐτοκράτορ καὶ εὐσεβὴς τὸ τρίτον, αὐτοκράτωρ τὸ τρίτον, ὑπάτος, πατὴρ πατρίδος, ἀνδραγαθός.* Et Imperator Cæsar Valerius Licinnius, Pius, Felix, Inuictus, Augustus, Pontifex Maximus, Tribunitia Potestatis IIII. Imperator III. Consul, Pater Patriæ, Proconsul &c. Hoc edictum emissum fuit paulo post initium anni 311. quo Maximianus Galerius in omnibus fastis ponitur Consul VIII. Idem verò inierat tribunitiam potestatem Tiberiano & Dione Cons. A. 291. Kalend. Martij, teste Idatio, & antiquo Panegyriste in oratione ad Constantium Cæsarem. Quare Tribunitia potestas Galerij vicies repetita, desinit in fine Februarij A. 311. ac proinde edictum illud, in quo eiusdem Trib. Pot. XX. signatur, emissum fuit ante Martium, quo tempore eiusdem consulatus octauus cum Tribunitia potestate XX. rectè componitur. Ex his euidenter initium Liciniani imperij deducitur; nam cum ex fastis Idatij, & Chronici Alexandrini eiusdem inauguratio contigerit *Carmento III. Idus Nouembris*, initium Tribunitiæ Potestatis quæ vnâ cum

cum purpura nouis Principibus id temporis deferabatur, statuendum est A. 307. vt postea anno 311. ante Martium inscribi potuerit in titulo edicti : *Tribunitia Potestatis III.* Hoc ipsum ostendit aureum Numisma Licinij quod interpretandum suscepi; nam decennialia eiusdem incunte decimo imperij anno cum tertio anno imperij eiusdem in Asia iunguntur; anno autem 316. III. Idus Nouembris tertius Asiatici imperij annus Licinio labebatur, vt inferius ostendam, ac proinde initium Tribunitiæ potestatis eiusdem alligari debet anno 307. Itaque ex literarijs Principum E ruriz Cimelijs, nempe ex Laurentiano Eusebij codice, & ex Serenissimi Cardinalis Numismate initium imperij Liciniani in Europa, historicis hucusque controuersum, suo demum tempore assignatur, nempe die 11. Nouembris A. 307.

Porro Licinium vnâ simul & Cæsarem & Augustum designatum ex Eusebio, ac nummorum inscriptionibus mihi satis aperit colligitur. Eusebius, cum lib. 8. cap. 13. Valefianæ editionis, recitasset Constantini in Britannia inaugurationem, hæc scribit: *Post hæc Licinius communi Imperatorum suffragio Imperator & Augustus declaratus est. Quod quidem Maximinus agere admodum tulit, qui hætenus Cæsar duntaxat ab omnibus appellabatur. Hic ergo præ ceteris tyrannico ingenio pradius, Augustus à semetipso renunciatus est.* Eusebius omni exceptione maior testis habendus est, quippe qui sub Maximini imperio vixit, eumque Cæsarem in Palestina de facie nouit, cuius etiam iussu ob Christianæ religionis professionem in carcerem coniectus fuit. Itaque Eusebius testatur Licinium creatum fuisse Augustum, ac statim Maximinum noui huiusce Imperatoris designatione intellecta, propria auctoritate, non expectato Galerij, aut Constantini, vel Maxentij consensu, semet Augustum dixisse. Tristanus tom. 3. comment. 82. pag. 429. ac Valefius in notis ad laudatum Eusebij testimonium, & ad c. 13. lib. 8. & ad cap. 1. lib. 9. scribunt Maximinum anno 311. defuncto Galerio auunculo, Augusti titulum primitus usurpasse, quod & de Licinio affirmant. Ego ex nummis ab Occone laudatis, rem planè definiam, ac palam faciam, quantum præsidij ex nummorum inscriptionibus
ad

ad exactam Romanorum Principum historiam assequendam habentis. Hi nummi Oecon viro diligentissimo laudantur: IMP. MAXIMINVS P. F. AVG. in postica parte signati: GENIVS AVGVSTI. A. *alius* B. *alius* T. *alius* Δ. *alius* E. *alius* S. omnes SIS. In alijs eiusdem nummis legitur: IOVI CONSERVATORI: A. *alius* B. *alius* T. *alius* Δ. *alius* S. omnes SIS. Hi nummi percussi sunt Sisciae, qua in vrbe moneta cudebatur; unde & in Notitia imperij nominatur *Procurator moneta Sisciana*. At certum est apud antiquarios Græcis illis literis A. B. T. Δ. E. S. sex imperij annos significari, quod longa Numismatum omnium Augustorum serie ad oculum Goltzius demonstravit. Ex his patet Maximinum per sexennium Augusti titulo decoratum; vltima enim nora T. sextum numerum apud Græcos designat. Cum verò exeunte anno 313. bellum civile inter Licinium ac Maximinum cruperit, vt cap. 2. ex ipsius Maximini edictis ostendam, consequens fit, vt Licinius in honorem Maximini Augusti circa initia anni 308. Sisciae, quæ erat Pannoniæ vrbs, vbi apud Sirmium idem Licinius imperij sedem posuerat, Galerius Augusto apud Serdicam commorante, nummos cudendos iusserit, vt pleno ferè sexennio Maximini nummi cum Augusti titulo Sisciae obsignati dicantur. His quæ planè euidetia sunt, stabilitis, Licinij Augusti imperium inchoatum fuit III. Idus Nouembris A. 307. cuius inaugurationis nuncio in Orientem delato, Maximinus molestè ferens nouum hominem sibi & Casari & nepotidæ Galerio prælatum, se pariter sine collegarum consensu, propria auctoritate Augustum, inuidia stimulante, nuncupauit. Galerius quo civilium bellorum causam auerteret, factum probauit, quod etiam Licinius non modò ratum habuit, verùm etiam vt Maximini amicitiam demereretur, nummos eiusdem effigie cum Augusti titulo obsignatos in Pannonia, vbi imperabat, cudi iussit. Hoc ipsum fecisse Constantinum, ac Maxentium constat ex nummis Maximini Augusti imagine signatis cum epigraphe: GENIO POP. ROM. cum literis PTR. nempe *Percussa Trenzis*, vbi Constantinus domicilium habebat. In gaza Magni DVVIS extat nummus cum inscriptione: IMP. C. GAL. VAL. MAXIMINVS P. F. AVG. & in postica par-

te: S. P. Q. R. OPTIMO PRINCIPI. Quo nobili titulo
 Maxentius Maximinum insigniuit; sed mulus mulum perfricuit.
 Etenim Mixentius, cum iniquus esset animo erga Constantinum,
 ac Licinium, amicitiam ac fœdus cum altero Orientis tyranno so-
 nebat, teste Eusebio lib. 8. cap. 14. Itaque regia planè via, ne-
 mini tamen hucusque calcata (adeo homines aliàs eruditi, Nu-
 mismatum luce relicta, obscuris prorsus coniecturis ducuntur) ad
 veram Liciniani imperij epocham perueni. Goltzius Græcos Li-
 cinij nummos profert inscriptos: ΑΤ. Κ. ΟΤΑΥ. ΑΙΚΙΝΙΑΝ.
 ΑΙΚΙΝΙΟΥ. CEB. L. A. postremum L. IE. Imp. Caesar Vale-
 rius Licinianus Licinius Augustus. Anno primo. Postremus:
 Anno XV. ut planè luceat, eundem designatum Augustum ante-
 quam Galerius A. 311. imperium cum vira relinqueret; victus
 est enim Licinius, ac ad priuatam vitam redactus A. 324. vti
 scribit Matius, vel anno 323. ut aliàs ex Constantini relcriptis
 ostendam. Hinc infero Licinium simul Cæsarem, & Augustum
 creatum, quod præter adducta Maximini Numismata Sisciaë obli-
 gnata, inde etiam eruditè colligit Scaliger, quod nullus hucus-
 què ab antiquarijs nummus repertus fuit, in quo Licinius NOB.
 CAES. inscribatur. Non Obco, non Goltzius eiusmodi inter-
 ptionis Numismata laudarunt, cum tamen omnes penè gazas di-
 ligentia incomparabili scrutati fuerint. Profectò in copiosissimis
 Serenissimorum Etruriæ Principum Cimeliarchijs nusquam Li-
 cinius senior Cæsaris titulo inscribitur; sed nec in Gaza Inclytæ
 Reginae talis nummus visitur, ut mihi per literas significauit
 Franciscus Camelus regij Musæi Præfectus ac in re antiquaria
 summâ eum laude veritatus; quod item testatum fecit vir illustris-
 simus Comes Ioannes de Lazara, cuius dicissima scrinia plurima
 Licinij Numismata continent, omnia tamen Augusti titulo obli-
 gnata.

Extat in regijs Cimelijs CHRISTINÆ Augustæ Licinij Num-
 mus æreus minoris magnitudinis, sed insignis ac planè rarissima
 inscriptione signatus, cuius hic cœtypum exhibeo.



Ioannes Tristanus antiquariorum huius ætatis facile princeps rom. 3. comm. 82. pag. 428. eiusdem omnino typi nummum aureum tamen producit, cuius inscriptio in antica parte alteri Augustæ similis legiuntur; in postica verò hanc epigraphen præfert: IOVI T. VICT. CONSER. DD. NN. AVG. ET CAES. in inferiori parte hisce notis signatur: M. K. T. Putat Tristanus designari ibidem Galerium Maximianum, quem Iovium non semel appellat auctor Chronici Alexandrini, itemquæ Licinium Cæsarem quem contendit mortuo tantum Galerio Augusti titulum usurpasse. Itaque hanc nummi interpretationem concinnat: *Dominorum Nostrorum Iovij Inuicti Augusti*, nempe Galerij Maximiani, & Cæsaris Licinij senioris. Et in aversa: *Iovij Tutori, Victori, Conseruatori Dominorum nostrorum Augusti, & Cæsaris*. Placuit explicatio Henrico Valesio in eruditissimis notis ad cap. 9. lib. 9. Eusebij Cæsariensis, eamquæ alij haud incommode dixerunt. Verùm Tristanus hac in re adeo infeliciter calculos posuit, ut totam planè illam rarissimi Nummi interpretationem erroneam obtruserit. Hæc diligenter ostendam, non solum quòd Liciniani nummi explanationem, in qua versor, plurimum promouent, verùm etiam quòd intelligo me id incomparabili Reginarum MAXIMÆ beneficentiæ debere. Nam cum me nuper AVGVSTA in regum literatorum Senatum extra dubiam suffragiorum aleam, diuini oraculo adlegerit, nec ex præscripto Academicæ, in regio Musæum sacrario orationes recitare possim; tum quòd ab vire disto; tum quòd longius aberudro ac eleganti genere dicendi, quale sacras aures decet, me remotissimum sentio, cypsa hæc antiquariæ artis rudimenta in deuota mentis, ac obse-

quij testimonium offero; vereor tamen, ne regia cimelia noui inter antiquarios hominis proletaria studia, ac ignobiles curas excludant.

Inprimis Tristani interpretatio violenta apparet ex illa verborum transpositione quæ à Numismatum ac lapidum inscriptionibus aliena est. Profectò mihi compertum est duos ibidem Licinius designari, Augustum Patrem, ac Cæsarem filium; nam Cæsar exhibetur adolescentulus; mento ne leui quidem lanugine asperato, quod in nummo præsertim regio optimè seruato, ad oculum patet; ac proinde nequit esse Licinius senior; siquidem hic occisus fuit A. 323. *ferè sexagenarius*, teste Victore Schotti; idem ab Eusebio vocatur *senex decrepitus* lib. 10. cap. 8. Sozomenus etiam libro 1. cap. 7. scribit hoc ab Apolline Licinio responsum datum.

*Te inuenies, grandæue pater, vexare feroces
Certum est: te infirmum manet arumosa senectus.*

Quare Licinius quadragenario maior in imperij societatem à Galerio vocatus fuit. Errat iterum Tristanus putans Diocletianum ac Galerium, non verò Licinium Iouios appellatos; nam laudatur à Cl. Spanhemio dissert. 8. de vsu & præst. num. pag. 747. nummus cum epigraphe: IOVIVS LICINIVS AVG. Diocletianus M. Maximianum imperij collegam designans, eundem in Valeriam familiam quam iactabat, aleuit: se quidem Iouium, Maximianum verò Herculum appellans. Hinc cum Diocletianus Galerium, Maximianus Constantium filios sibi adoptassent, Galerius Iouij, Constantius Herculei nomen sortiti sunt, uti luceat ex Chronico Alexandrino & antiquo Oratore, qui in panegyri recitato coram Maximiano ac Constantino Constantij Aug. F. cap. 8. ait: *Hic est, nempe Maximianus, qui nomen quod accepit à Deo principe generis sui, dedit vobis: qui se progeniem esse Herculis non adulationibus fabulosis, sed aquatis virtutibus comprobauit.* Ibidem etiam iidem dicuntur Imperatores semper Herculei. Hinc cum Galerius Maximinum ac postea Licinium etiam adoptasset, uterque Iouius dictus fuit. Hoc se nomine inscribit Maximinus in edicto apud Eusebium lib. 9. cap. 9. Eticem Licinius in laudatis Numismatibus. Porro omnes in Valeriam Diocletiani familiam transiere, ut ex eorundem nummis apparet. Sca-

Scaliger putat adoptatos à Diocletiano Iouios appellatos, Valerios verò quos Maximianus in filios asciuit. Constantinus cum solus Romani imperij fastigium occupasset, Valeriæ familiæ nomine antiquato, filios Flauios nuncupauit. Errat tertio Tristanus scribens Licinium vnà simul Cæsarem ac consulem designatum. Nam Licinius ex fastis Græcis, Cassiodori, ac Victorij Aquitani A. 311. consul ordinarius fuit, collega Maximiano VIII. cum id temporis esset Trib. Pot. IV. vt ex edicto ostendi. Hinc corrigendi sunt Panuius, Caluissus, ac Goltzius, qui putant A. 311. Kal. Ianuarijs solum Maximianum Galerium consulem processisse, Licinium verò postrema eiusdem anni parte consulum suffectum gessisse; in edicto enim ante Kalend. Martij A. 311. publicato Licinius disertè inscribitur *consul*, ac pròinde consulum ordinarium Kal. Ianuarijs iniuit. Errat IV. addens bellum inter Licinium ac Maximinum ex recens usurpato à Maximino Augusti titulo deriuasse. Nam Licinius, vt ostendi, non modò eundem titulum collegæ ratum habuit, verum etiam nummos in honorem Maximini cum *Augusti* epigraphæ pleno ferè sexennio Siciæ in Pannonia, vbi imperabat, scalpendos iussit. Errat V. dicens Licinium post Galerij obitum Augustum primitus appellatum; in titulo enim laudati edicti vnà cum *Galerio* inscribitur: *Imperator Cæsar Augustus*; & rursus *Imperator III.* ex quibus constat ob reportatas victorias Imperatoris nomen à victore exercitu tertio eidem delatum. Errat VI. asserens Galerium vniuersum Illyricum Licinio regendum tradidisse. Nam Galerius Rhetiam tantum ac vtramque Pannoniam Licinio commisit; Illyricum verò, Thraciam, ac Asiaticas prouincias citrà dicecesin Orientalem sibi reseruauit. Scribit Anonymus Valesij: *Tunc Galerius Licinium Cæsarem fecit; deinde illo in Pannonia relicto, ipse Serdicam regressus, &c.* vbi etiam interijcit. Denique minus rectè interpretatur literas in inferiori parte inscriptas; *M. K. T. Moneta Karantensis*, quasi nummus scalptus sit, vbi primum Licinius purpura n à Galerio accepit. Etenim T. annum tertium imperij designat; qua sanè nota nequit indicari annus imperij Licinij quod tum primò auspicabatur; neque Galerij qui anno imperij XVII. Licinium in imperij societatem vocauit. Idem

Antiquarius numeralis illius notæ explicationem omisit, quodd neutrius imperio congruere intelligebat.

Num verò idem posticæ partis inscriptionem optima fide retulerit, alij fortè in dubium vocabunt. Ipse integram eidem fidem accommodo. In nummo Augustæ legitur: *Ioui Optimo Maximo, & Victoria Conservatoribus Dominorum Nostrorum Augusti, & Caesaris*. Est accurata Eruditissimi Amici interpretatio. Romani Victoriæ uti Deam in templis venerabantur. Cum bello secundo Punico Hiero Siciliæ rex auream Victoriæ statuam pondo CCCXX. Romanis dono misisset, testatur Livius dec. 3. lib. 2. Senatum Regi scripsisse: *Victoriæ omneque accipere, sedemque se Diva dare, dicare Capitolium, templum Iouis Opt. Max. in ea arce urbis Roma sacratam, volentem, propitiâque, firmam ac stabilem fore Populo Romano*. In vno eodemque templo plures Victoriæ imagines adoratas ex eodem colligitur dec. 3. lib. 6. *In æde, inquit, Concordia Victoria quæ in culmine erat, fulmine icta decussaque, ad Victorias, quæ in ante fixæ erant, hesit atque inde procidit*. Scribit de Augusto Dio lib. 51. *Tum Curiam Iuliam in honorem patris sui factam dedicavit, in eaque imaginem Victoriæ posuit, quæ hodie quoque extat, Tarento olim Romam aducta, & à Casare tum in curia posita, & spolijs Aegyptiacis decorata; ex quo Caesar nimirum ostendebat, imperium se ex Victoriâ esse adeptum*. Herodianus lib. 7. ait duos Maximini milites curiam ingressos sic ut ultra aram quoque Victoriæ penetrarent. Hæc imago Victoriæ stetit in curia usque ad imperium Constantij, qui cum anno 357. primum Romam venisset, nondum sacris initiatus mysterijs, contaminari se putavit, si aram illuc videret; iussit auferri. Hæc D. Ambrosius in epistola contra Symmachum ad Valentinianum iuniorem. Ceterum Gentiles mortuo Constantio, eandem aram Victoriæ restituendam curarunt, quam cum Gratianus Augustus iterum amovendam iussisset; eodem occiso gravissima ob eam rem dissidia inter Symmachum Præfectum Vrbis, & S. Ambrosium emerlere, uti ex utriusque epistolis lucet, Egregiè sanctissimus Episcopus Gentilium infamiam vellicans ait: *Sic Deam esse Victoriâ crediderunt, quæ utique munus est, non potestas: donatur, non dominatur: legio-*

hum gratia, non religionum potentia. Magna igitur Dea, quam militum multitudo sibi vendicat, vel praeliorum donas euentus? Prudentius etiam poeta Christianus lib. 2. contra Symmachum ait.

Non aris, non farre mola Victoria felix

Extrata venit: labor impiger, aspera virtus,

Vis animi, excellens ardor, violentia dura,

Hanc tribuant, durum tractandis robur in armis.

Quæ si defuerint bellantibus, aurea quamvis

Marmoreo in templo rutilas Victoria pennas

Explicet, & multis surgat formata talentis,

Non aderis, versisque offensa videbitur hastis.

At Gentiles Victoriam Numen putabant, quam etiam conseruatricem ac custodem Romani imperij arbitrabantur. Hinc Symmachus ad Valentinianum iuniorem scribat: *Multa Victoria debet Æternitas vestra, & adhuc plura debet. Auersentur hanc Potestatem, quibus nihil profuit: vos amicis triumphis patrociniæ nolite deserere. Cunctis Potentia ista votiuæ est; nemo colendam neget, quam proficetur optandam. Quæ Ethnicis hominis dicta laudati Patres non tam consutarunt, quam irrisere. Claudianus lib. 3. de laudibus Stilichonis canit.*

Quæ verò procerum voces, quam certa fuisse

Gaudia, cum totis exurgens ardua pennis,

Ipsa Ducis sacras Victoria panderes ades,

Et palma viridi gaudens, & amicta trophæis?

CVSTOS IMPERII Virgo quæ sola mederis

Vulneribus, nullumque doces sentire laborem.

Itaque Gentiles utrumque Numen, nempe Iouem ac Victoriam, Licinij Augusti, ac Licinij Caesaris conseruatores in eodem Numismate inscribere, quemadmodum, teste Liviø, in eodem quoque templo Romæ adorabantur.

Utrumquæ Numisma tum æreum in Cimilarchio regio, tum aureum Tristani obsignatum fuit anno 317. cum Kalendis Martij Licinius puer ab Augusto patre Cæsar designatus fuit; huius enim inaugurationem eo anno contigisse ex Idatio alijsq; antiquissimis scriptoribus cap. 4. demonstrabo. Id euincit annus tertius Licinij in Tristani Numismate Græca nota Γ. designatus. Et quidem

dem vt in fequenti capite euincam, anno 317. ad Kal. Martias numerabatur tertius annus imperij Licinij in Afia. At in nummo Augustæ annus prior nota numerali A. indicatur, fcilicet Licinij iunioris qui id temporis imperium aufpicabatur. Etenim in nummis non designabantur anni tantum Auguftorum, verum etiam Cæfarum nobiliffimorum. Extrat nummus in gaza Medicea infcriptus: CONSTANTIVS NOB. CAES. in auerfa parte legitur SIS Γ. nempe *Siscia anno tertio*. Constantius Chlorus A. 293. post Kal. Martias annum tertium imperij debebat, quo tempore Diocletiani nonus, Maximiani octauus numerabatur. Res est certiffima ex nummis Maximini, Galerij, aliorumque Cæfarum apud Occonem, & Goltzium. Eos verò nummos non quidem apud Carnuntum in Pannonia, verum apud Cyzicum in Bithynia percuffos puto, atque legendum: *Signata moneta Kyzici anno primo*, & in altero: *Moneta Kyzicensis anno tertio*. Otenfum enim est nummum verumque eulum fuisse A. 317. id verò temporis Carnuntum non ad Licinij, fed ad Conftantini imperium fpectabat; & quamuis Augufti intra imperij fui fines nummos in collegarum honorem obfignabant, cum Conftantinus tunc Idola palam auerfaretur, vix crediderim aufos fuisse monetarios fupertitiofam illam infcriptionem Ioui ac Victoriæ dicatam apud urbem Chriftiani Imperatoris nummis imprimere. His adde nummos in Pannonia apud Silciam, & Sirmium, non verò Carnunti folitos fcilicet. At Cyzicum erat vrbs Bithyniæ in qua prouincia

Licinius Orientalis imperij fedem pofuerat. Monerariorum Ordinem apud Cyzicum ab Imperatoribus antiquitus institutum narrat Sozomenus lib. 5. cap. 14.

Et thefauri apud Cyzicum memorantur

Ammiano Marcellino lib. 26. pag.

326. edit. Valesij V. C. Numif-

mata etiam cum epigraphe

KYZIKHNQN paffim

antiquarijs lau-

dantur.

CAPVT II.

*Singularis Baronij sententia de initio Liciniani in Asia Imperij
ex edictis imperatoris, at Numismatum inscriptionibus
aduersus vulgarem opinionem demonstratur.*

*Subscriptio legis in utroque Codice
perperam signata emendatur.*

AD exactam Medicei Numismatis intelligentiam annus occupata à Licinio Augusto Asia indagandus est. Hoc enim peculiare in rarissimo nummo videtur, quod in eodem diuersi eiusdem Principis anni obsignantur; nam licet in nummis aliorum Caesarum anni Tribunitiæ potestatis cum annis imperij non conueniant, vnde decennalia M. Aurelij cum anno Tr. Por. XXV. in eiusdem nummis iunguntur, quod item in alijs passim apparet, nusquam diuersi imperij anni, hoc insigni Numismate excepto, vnâ simul exprimuntur. Sanè litera T. tertium Licinij Augusti annum designat, qui cum decennialibus eiusdem nobis componendus venit.

Anno 311. meunte Galerius Maximianus insanabili morbo correptus, et si Christiani sanguinis poenâ tardæ Numinis vindictæ se dare sentiens, edictum superiori capite laudatum publicans, veræ religionis professionem liberam fecit. Verùm ut oraculi verbis utar, *orabas hic scelestus Dominum, à quo non esset misericordiam consecuturus.* Quare cum toto corpore tabectus, vitimo fato vigeretur, Licinium Augustum totius Illyrici, quod in septendecim prouincias diuidebatur, hæredem instituit; Asiaticam verò dæcesit, in qua Bithynia, Pontus, Galatia, aliæque prouinciæ númerabantur, Maximino Augusto nepoti legauit. Hac imperij diuisione concórdia inter vtrumque stabilita. Vtri Thracia contigerit, in obscuro latet. Quispiam Maximino potius deputarit, quod exorto inter vtrumque bello, Maximinus in Illyrico cum Licinij copijs conflixit; In Thracia autem prior belli turbo detonauisset, si hæc ad Licinium spectasset, neque Maximinus tantas ex Asia copias in hostili litore expuluisset, si nullum in Europa portum possedisset. Rém in medio relin-

quo. Galerius post editi publicationem, teste Eusebio lib. 8. cap. 18. *continuo vita simul ac doloribus liberatus est*. Maximinus noui imperij prouincias lustraturus, in Bithyniam se contulit; & quidem anno 312. ineunte, Nicomedie degisse pater ex actis S. Luciani Martyris, qui obiit die 7. Ianuarij, quod etiam testatur Eusebius lib. 9. cap. 6. *Sed & Lucianus*, inquit, *Antiochena Ecclesia presbyter; vir tum uita continentia, tum sacrarum literarum scientia conspicuus, perductus Nicomediam, in qua tunc ciuitate Maximinus morabatur, cum defensionem fidei illius quam profitebatur, coram Præfide edidisset, coniectus in carcerem trucidatur*. In actis familiari Græcorum errore, pro Maximino Maximianus scribitur, sed ex Eusebio textus emendandus est; præsertim cum Galerius apud Serdicam longiori morbo confectus, finem viuendi fecerit. Hæc consulto adnotaui, quod in annalibus Luciani martyrium à V. C. retrahitur ad A. 311. Maximiano Galerio Nicomedie commorante. Interim legi possunt quæ ad hoc ipsum adducit vir eruditissimus idemquæ pientissimus Bollandus in prolegomenis ad acta Luciani Martyris tom. 1. mensis Ian. D. VII. S. 1. num. 10. ubi ineluctabili argumento meam, imò veram sententiam confirmat.

Constantinus cum bellum aduersus Maxentium mente agitarer, ac probè nosset tyrannum veterano Diocletiani milite armatum, cum Licinio foedus percussit, eumque Constantia sorore eidem desponsata, ætatis sibi quæsitæ affinitate coniunxit. Anno 312. Constantinus in Italiam descendit, ac duplici prælio apud Veronam Maxentianis superatis, victrices aquilas ad Urbem rapuit. Victus est Maxentius ad pontem Miluium V. Kal. Nouembris, & insequenti die Constantinus victor urbem ingressus, Italiam ac paulò post Africam occupauit. Scribit Auctor excerptorum apud Valesium, Maxentium fluij gurgitibus absorptum; addens: *postera die corpus ipsius leuatum flumine, & caput eius incisum in urbem perlatum est*. Nazarius verò describens ingressum Constantini in urbem ait: *Sequebatur hunc comitatum suum tyranni ipsius terribilissimum caput, &c.* Itaque rectè in Calendario veteri apud Bucherium pag. 286. legitur: *V. Kal. Nouembris Enitio Tyranni. IV. Kal. Ingressus Diui*. Quæ de clade Maxentij, ac

ingres-

ingressu Constantini planè intelligenda sunt. Bucherius de Licinio eadem perperam accepit; Licinius enim XIV. Kal. Octobris apud Chalcedonem victus, Nicomediam fugit, nec postmodum pugna Constantino se dedit, cum Chalcedo distet Nicomedia M. P. LX. ut consta. ex tabulis Peutingerianis, & itinerario Hierosolymitano. De anno victi Maxentij licet intendit Scaliger qui Constantini victoriam in annum 313. protrahit. Sed ex infallibili charactere refellitur. Anno 313. die secunda Octobris curante Constantino, habita est Romæ Synodus in causa Donatistarum à S. Melchiade Papa; dicitur verò ille consensus coactus Constantino *ter & Licinio ter Cess. VI. Nonas Octobris feria sexta* apud Optatum Milvitanum. lib. 1. con. Parmenianum. Est annus 313. quo dies secunda Octobris incidit in feriam sextam Cyclo Solis XIV. Lunæ X. lit. D. Itaque anno superiori Roma victo Maxentio, in Constantini potestatem venerat.

Constantinus tertium vix mensem Romæ moratus, vrbis rebus compositis, Mediolanum profectus, Constantiæ nuptias cum Licinio illuc accito, splendissima pompa celebravit. Cum de imperio restituendo in commune consulere, id è re publica visum est, ut persecutio aduersus Christianes toto Orbe Romano inhiheretur, data interim cuique libera religionis pro arbitrio colendæ facultate. Itaque celebre edictum promulgarunt, quo Christiani cultus obseruantia permittebatur. Extat edicti formula apud Eusebium lib. 10. cap. 5. Hanc legem mense Martio emissam fuisse patet ex L. 1. *de bonis vacant.* quæ dicitur à Constantino data Mediolani IV. Idus Martias Constantino III. & Licinio III. Coss. A. 313. Quare id temporis duo Imperatores Mediolani morabantur. Scribit Anonymus: *Nuptijs celebratis Gallias repetit Constantinus, Licinio ad Illyricum reuerso.* Author est Eusebius utrumquè Augustum edictum pro Christianis ad Maximinum transmississe, ut illud toto etiam Oriente ab eodem publicaretur; *parte,* inquit, *de tyranno victoria nuntium, ipsamque adeo legem ad Maximinum, qui in Orientis partibus etiam imperabat, seque ipsis amicum simulabat, transmissere.* Ex his patet errare Petaulum, aliosque existimantes Maximinum anno 312. victum à Licinio, diem obiisse. Verum communis fe-

rè sententia est eundem anno 313. post ingentem cladem à Licinio acceptam, acerbissimis cruciatibus consumptum, apud Tarsum infamem animam exhalasse. Ita scribunt Sigonius lib. 3. de imp. Occid. Valesius in notis ad cap. 10. lib. 9. Panuius lib. 2. fast. ad A. V. 1066. Goltzius, Caluissius, & ceteri passim Chronologi, quibus addendus est Gothofredus in comment. ad L. 2. de censu Cod. Theod. Ceterum Cardinalis Baronius victoriam Licinij, ac Maximini mortem in annum 314. refert, quam doctissimi Scriptoris sententiam verissimam puto.

Cum Constantinus ac Licinius legem pro Christianis mense Martio ad Maximinum transmiserint, certum est eundem id temporis verique amicum fuisse, quod differè laudatus Eusebius testatur; alias Licinius relictis nuptiarum solemnij, bellum contra eundem adornasset, nec tam procul ab hostili solo in Italiam se contulisset. Ex his corrigendus est Gothofredus, qui putat ante Iunium contigisse mortem Maximini, ac vniuersum Orientem in Licinij potestatem venisse. Video virum insignem id probare ex lege secunda de Censu, cui titulus præfigitur: *Idem AA. ad Eusebium V. P. Præsidentem Lycia, & Pamphilijs*; & dicitur *data Kal. Iun. Constantino A. III. & Licinio III. Coss. A. 313.* Cum verò duo illi Augusti fuerint Constantinus & Licinius, & Lycia ac Pamphilia anno demum 324. Constantini imperio accesserit, vni Licinio laudatum rescriptum attribuendum est, ac ex consequenti ante Iunium mortuo Maximino, idem in Asia imperabat. Hæc Gothofredus. Verum errorem itrepisse in subscriptionem, patet ex literis ab utroque Augusto ad Maximinum datis. Quare legendum est: *Constantino IV. & Licinio IV. Coss.* nempe A. 315. vti euidenter ostendam ex edictis Maximini anno 313. & 314. publicatis: In Cod. Iust. L. *vn. de capitacione* eadem lex grauiori errore vni Constantino attribuitur, cum id temporis Asia ad Licinium spectaret. Ibidem verò hæc leguntur: *Sic ut etiam sub Domino & Parente nostro Dioclesiano seniore Augusto &c.* quibus patet Diocletianum adhuc fuisse superstitem; alias Diuus nuncuparetur, cum Licinius eundem inter Diuos retulerit, ut ex nummo Goltzj atq; Eutropio lib. 10. colligitur.

Maximinus, vbi transmissam ab Imperatoribus pro Christianis legena

legem accepit, indignari, fremere, ac atrociora quæquæ mente agitare; verùm metu eorum qui inſſerant, inquit Eusebius lib. 9. cap. 9. *hanc primum pro Christianis epistolam veluti suo pre motu & ex propria auctoritate conscriptam ad Præsidas imperij sui, necessitate adactus direxit.* In titulo epistolæ legitur: IOVIVS MAXIMINVS Augustus Sabino. Ibi paulo post initium hæc ait: *Cum anno præterito Nicomediam feliciter essem ingressus &c.* Erat autem Nicomediæ ineunte anno 312. vbi Lucianum Martyrem neci tradidit ex Eusebio, cuius verba superius recitavi. Epistolæ summarium his verbis continetur: *Si quis sua sponte Deorum cultum suscipiendam agnouerit, hanc ambabus vlnis amplecti oportet. Quod si qui religioni sua inharere maluerint, arbitrio ac potestati suæ sunt permittendi.* Hæc ille. Interea arrogantium more elatus, cœpit collegas Augustos contemnere, tanquam qui post ipsum ad imperium euecti fuerant. Hinc in titulis edictorum, in quibus omnium Augustorum nomina de more inscribebantur, primum sibi locum vindicabat; eademq; mentis vesania agitatus, bellum rupto fœdere, Licinio intulit, ac cum innumerabili armatorum multitudine in Illyricum irrupit. Licinius collectis undique copijs, contra hostem processit, quem inito certamine, in fugam compulit, capris castris, ac vniuerso Maximini exercitu, qui cladi superfuera, abiectis armis in victoris potestatem veniente. Maximinus vix è manibus hostium elapsus, celeri fuga in Asiam sese recipiens, Thasum petijt, vbi novis copijs coactis pugnam repeteret. Tunc institutæ contra innoxios Christianæ legis professores persecutionis pœnitere, Deorum Sacerdotes trucidare, ac Christianorum Deum licet serò metuere. Audiat Eusebius: *Post hæc, inquit, cum Christianorum Deo gloriam laudemq; tribuisset, & absolutissimam atque uberrimam legem pro eorundem Christianorum libertate tulisset, mox grauissima agitudine correptus, nulla ipsi dilatione concessa, extremum diem clausit.* Lib. 9. cap. 10.

Hæc contigisse anno 314. ineunte vere probatur ex edicto quod morti proximus Tyrannus publicauit, in quo hæc ait: *Superiore anno datis ad singulos prouinciarum Præsides literis fecimus, ut si quis adharere huic sectæ, & religionis illius obfer-*

*obseruatiam sequi vellet, ei liceret absque ullo impedimento in
 proposito suo permanere. At legem ad Prasides imperij sui direxit
 post edictum anno 313. mense Martio ab Imperatoribus Con-
 stantino, & Licinio ad se transmissum: quam quidem legem
 cum testetur SUPERIORE ANNO datam, euidenter deducitur
 hanc alteram legem emissam anno 314. Profectò non video
 quomodo hæc à quopiam in dubium vocari possint, cum ipsa
 Tyranni edicta tam clarè & apertè loquantur. Doctissimus Va-
 lesius in notis ad cap. 10. lib. 9. scribit in hoc edicto appellari
 à Maximino epistolam datam ad Sabinum Præfectum Prætorio
 anno 312. quam Eusebius retulit cap. 9. Miror virum diligen-
 tissimum in tanta luce celsipasse. Eusebius in capite pono testatur
 Maximinum dedisse ad Sabinum epistolam pro Christianis, postquã
 accepit edictum quod pro ijsdem Christianis Constantinus ac Lici-
 nius publicauerant; illud autem anno 313. emissum, post debella-
 tum anno superiori 312. exeunte Octobri Maxentium, constat
 eodem edicto apud Eusebium lib. 10. cap. 5. in quo hæc legun-
 tur: *Cum nos Constantinus ac Licinius Augusti, felicibus auspicijs
 Mediolanum venissemus, &c.* Fuisse vero Constantinum Medio-
 lani IV. Idus Martij se ac Licinio III. Cons. A. 313. ex L. 1.
de bonis vacantibus ostensum est. Et quidem Sabinus per trien-
 nium fuisse Præfectum Prætorio in Oriente ex Maximini literis
 ad eundem datis colligitur. Cum anno 311. ante Martium Ga-
 lerus edictum pro Christianis emisisset, Maximinus *nuda voce*, in-
 quit Eusebius lib. 9. cap. 1. Sabino iniunxit, vt per literas prouin-
 ciarum Rectoribus significaret, Imperatores persecutionem ad-
 uersus Christianos inhibere. *At ne sex quidem integris mensi-
 bus* ostensam, potius quàm datam pacem seruauit; Nam eodem
 anno plures Martyres in Phœnicia, Aegypto, ac Bithynia occi-
 dit, quorum præcipuos nominat Eusebius cap. 6. Petrus Patri-
 archa Alexandrinus passus est teste Eusebio lib. 7. in fine *anno
 nono persecutionis* Diocletiani VII. KL. Decembris ex excerptis
 Chronologicis à Scaligero editis; annus autem nonus persecu-
 tionis fuit 311. Lucianus passus est anno incunte 312. die 7.
 Ianuarij; quo tempore iussu Maximini Christiani ex urbibus pul-
 si sunt. Tyranni literas recitat Eusebius lib. 9. cap. 7. Eadem*

verò

verò persecutione anno 312. durante, pestis, bellum, ac fa-
mes subiectas Maximino prouincias innumeris cladibus deu-
starunt, quas susus cap. 8. recitat earundem oculatus testis. Ex his
paret anno tandem 313. Maximinum datis ad Sabinum literis
decennali persecutioni finem imposuisse, quas sane literas cum
in edicto abs se instante morte publicato, testetur SUPERIORE
ANNO DATAS, euidentissimè lucet Tyrannum anno 314.
imperium cum vita amisisse. Hoc ipsum demonstrant nummi ius-
su Licinij in honorem Maximini apud Sisiciam percussi, in qui-
bus cum sextus Maximini Augusti annus signetur, & post initia
anni 308. primùm sculpti fuerint, vti capite superiori euicimus,
anno 313. sexto Maximini Augusti percussi sunt, quo exeunte
bellico apparatusi rupto sedere, idem incubuit, ac vere appe-
tente cum Licinio conflixit. Idem duo insignia Numismata in
hac Dissertatione explicata demonstrant. Etenim anno 316. III.
Idus Nouembris ineunte anno decimo Licinij, postquam anno
307. purpuram apud Carnuntum induerat, tertius eiusdem in-
Asia imperij annus labeabatur; & rursus anno 317. circa Kal.
Martij nondum idem tertius annus exierat, cum in nummo Trista-
ni percusso in designatione Licinij Cæsaris, quæ contigit A.
317. Kal. Martij annus, pariter Licinij tertius obsignetur, ex
quibus deducitur Licinium post Kalendas Martij A. 314. mor-
tuo Maximino, imperium in Asia inchoasse. Extat apud Gualte-
rium in antiquis inscriptionibus Sicilię insigne hoc elogium.

RESTITVTORI. LIBER

TATIS. AC FVNDATORI.

PVBLICAE. SECVRITATIS.

D. VAL. LICINIANO. LICINIO

PIO. FELICI. INVICTO. AVG.

DOMITIVS. LATRONIANVS.

V. C. CORR. P. S. DEVOTVS.

N. M. QVE. EIVS.

Domit-

Domitium Latronianum anno 314. fuisse Correctorem provincie Siciliæ colligitur ex epistola Constantini ad Chrestum Syracusanum apud Eusebium lib. 10. *Quoniam igitur, inquit, plurimos ex diuersis ac propè infinitis locis Episcopos in urbem Arelasensem intra Calendas Augusti iussimus conuenire: tibi quoque scribendum esse censuimus, ut accepto publico vehiculo à viro clarissimo Latroniano Correctore Siciliæ &c. intra eundem diem ad prædictum locum occurras.* Synodus autem Arelate sis habita est Volusiano & Anniano Coss. A. 314. Itaque hoc ipso anno obdebellatum Máximum qui bello ciuili confato, publicam Romani imperij securitatem turbauerat, laudata inscriptio Licinio victori dicata fuit. Author est Eusebius eundem Licinium Antiochiam profectum, Maximini ministros præstigiarij, ac multorum criminum reos, tormentis prius excruciatos, neci tradidisse. *Postea Adiuncti sunt, inquit, his omnibus etiam Maximini liberi, quos ille iam imperij consortes, & titulorum atque imaginum participes fecerat.* Horum Caesarum nomina ignorantur, cum nusquam vel apud historicos, vel in nummis appareant. Ita ab anno 314. anni imperij Licinij in Asia numerari cepti sunt.

His tamen obstare videtur Idatius, qui anno 314. VIII. Idus Octobris recitat prælium inter Constantinum & Licinium apud Cibalin in Pannonia, quod vix contingere potuit, si Licinius per ætatem Antiochiæ degisset, quod Eusebius testatur. Video Perauium in annum 315. Licinij cum Constantino bellum protrahere. At Gorhofredus ex legibus à Constantino anno 315. datis Tessalonica, Sirmio, ac Naïss, quæ Macedoniæ, Pannoniæ, ac Daciæ vrbes sunt, euidenter probat ante Octobrem illius anni Illyricum in potestatem Constantini venisse, ac proinde bellum gestum fuisse A. 314. quo VIII. Idus Octobris victo apud Cibalin, ac postea in Mardiensibus campis Licinio, Constantinus septemdecim Illyrici prouincias cum Rhætia, ac Pannonia imperio suo adiecit, Asia & Orientali diocesi vnâ cum Thracia, Mæsia minori, ac Scythia in Europa Licinio permissis. Remissius discutiam libro primo historiæ Donatistarum. Interim certum est ante ætatem A. 314. nulla inter Constantinum ac Licinium dissidia exorta fuisse: etenim Constantinus VII. Kalend.

April.

Aprilis Volufiano & Anniano Coss. A. 314. Treuiris morabatur, vt patet ex *L. 20. de administrat. tutorum Cod. Iust.* Ibidem Lex. 8. *de Iudicijs* data ijs.lem Coss. Idibus Maij titulum præfert: *Imp. Constantinus, & Licinius Augusti.* Quare id temporis pax inter vtrumque seruabatur; aliàs Constantinus publicum hostem neutriquam in legis eiusdem inscriptione secum iunxisset. Præterea in actis purgationis Cæciliani coram Aeliano Proconsule Africæ habitis Volufiano & Anniano Coss. legitur: *Apud Maximos Imperatores causa agenda erit; & inferiùs: Constantinus Maximus semper Augustus & Licinius Caesar, ita picturam Christianis exhibere conantur, &c.* Neque hic cum Constantino eiusdem hostis Licinius nominatus fuisset in iudicio habito in Africa, quæ ad Constantinum pertinebat. Huius causæ cognitionem ex actis proconsularibus D. Augustinus testatur habitam fuisse XV. Kal. Martias in fine lib. ad Donatistas post collationem.

C A P V T III.

Decennalia Constantini ac Licinij eodem anno acta. Fasti Panvini à Scaligeri censura vindicati. Vota quindecennalia ex nummis illustrata. Vicennalia bis solita nuncupari. Constantinus anno imperij decimo euoluto, Licinius inchoato decennalia dederunt. Vota decennalia soluta, & vicennalia nuncupata in hoc Licinij Numismate primùm obsignata. Nummus Theodosij senioris perperam V. C. expositus. Bullingerus erroris notatur.

ANnus agebatur reparatæ salutis CCCXVI. Sabino & Rufino Coss. quo Licinius Augustus decennalia festa peregit. Hæc quidem nullis scriptoribus, aut antiquarijs memorantur; nam licet in nummis Oconis ac diligentissimi Patini legantur inscriptiones DN. LICINI AVGVSTI VOT. XX. incertum est, num ibidem designentur vota nuncupata anno decimo, vel potius quindecimo imperij eiusdem; simili enim charactere vtraque vota id temporis in nummis exprimebantur, vt postea ostendam.

dam. Itaque vno hoc Serenissimi Cardinalis nostri Numismate vora decennalia Licinij soluta, & vicennalia nuncupata exponuntur, & quod nummo pretium quàm maximum augeat, annus eorundem decennalium numerali illa Græcorum nota Γ. indicatur, & insuper annus Liciniani imperij decimus non quidem exactus, sed inchoatus exprimitur, quod nusquam in nummis sequiori Augustorum ætate obsignatis apparet, postquam anni Tribunicie potestatis à Claudij II. principatu in nummis omisi sunt. Constantinus exacto decimo imperij anno decennalia in Occidente splendidissima pompa celebrauit A. 316. VIII. Kalend. Augusti die natali imperij. Licinius eiusdem non tam in imperio collega, quàm æmulus, tertio postea mense III. Idus Nouembris die iridem natali imperij, eiusquæ anno decimo incunte, decennalia in Oriente dedit, ne Orientales prouinciæ, quæ ipsi parebant, spectaculorum pompam Occidenti inuiderent. Hæc quòd alijs scriptoribus partim negantur, partim ignorantur, paucis exponam.

Extat etiamnum Romæ propè amphitheatrum insignis arcus, ipsis Constantini decennalibus erectus cum hoc elogio.

IMP. CAES. FL. CONSTANTINO. MAXIMO.

P. F. AVGVSTO. S. P. Q. R.

QVOD. INSTINCTV. DIVINITATIS. MENTIS.

MAGNITVDINE. CVM. EXERCITV. SVO.

TAM. DE. TYRANNO. QVAM. DE. OMNI. EIVS.

FACTIONE. VNO. TEMPORE. IVSTIS.

REMPVBLICAM. VLTVS. EST. ARMIS.

ARCVM. TRIVMPHALEM. INSIGNEM. DICAVIT.

VOTIS. X. } *Sub sacrificijs* } SIC. X.

VOTIS. XX. } *in sculptis* } SIC. XX.

Baronius in annalibus Ecclesiasticis A. 315, scribit eo anno quo Constantinus decimum imperij auspicabatur, decennalia, festa celebrasse, cuius sententiam subscribunt Tristanus tom. 3. pag. 584. in notis ad nummum Constantini iunioris, Calvisius in Chronico, alijque. Panvinus lib. 2. tabularum consularium Sabino & Rufino Coss. A. 316. ait: *Imperatoris Caesaris Constantini Augusti decennalia acta, & vota suscepta vicennalia*. Scaliger lib. 5. de emend. temp. pag. 476. cum initia imperij Constantini statuerit A. 307. D. 18. Septembris, vicennalia protrahit ad annum 327. & ex consuetudine censuram subijcit: *Hactenus in his omnibus peccatum est à fastorum & chronologiarum conditoribus quamvis summa erditionis & magni in literis nominis*. Panvini nostri calculos accuratissimè ductos ex insigni nummo Cl. Patini ostendam, ac vniuersam hanc controuersiam penitus tollam, ut planè sperem fore ut nullus deinceps annum decennalium Constantini in dubium vocet. Igitur doctissimus idemq; amicissimus Carolus Patinus pag. 467. Numisma profert intercriptum CRISPVS N. C. COS. II. cum epigraphie in postica parte: BEATA TRANQVILLITAS, & in basi, seu ara VOTIS XX. Hoc Numisma sculptum est anno 321. quo Crispus, & Constantinus FF. Cæsares consularum secundum gessere. Scribit Scaliger Constantini imperij fastos esse corruptos. At hac excusationis loco oberudit, quo chimericam illam chronologiam annorum Imperatoris Constantini vni sibi somniatam defendat.

Certum est Synodum Romanam à Melchiade celebratam fuisse die 2. Octobris anno 313. quod ex caractere feriæ euidenter euincitur. Porro D. Augustinus à Synodi eiusdem die vsque ad III. Nonas Maias, Crispo & Constantino iterum consulibus in libro ad Dorastilas post collationem cap. 33. numerat annos septem, ac menses exactos sex. Itaque duo illi Cæsares iterum consules processere A. 321. Duo alia collegia consulum ibidem S. Doctor recitat cum supputatione annorum ac mensium, ubi cum fastis Panvini qui tamen locum illum S. Patris ignorauit, planè concordat; & quidem viuente Augustino fasti consulares in archiuis publicis exacti, & incorrupti seruabantur. Præterea

in antiquo fragmento consulari edito à Bucherio pag. 250. scribitur : *Crispo II. & Constantino II. Sol.* Quod ultimo verbo designatur iisdem consulibus Kalendas Ianuarias incidisse in diem *Solis*, seu v: Christiani loquimur, diem Dominicum. Est infallibilis character anni eiusdem 321. cuius prima dies fuit Dominica, Cyclo Solis XXII. Lunæ XVIII. lit. A. Volo hic Constantiniani imperij factos stabilire ex insigni inscriptione, quæ eiusdem ferè exempli in duplici lapide Parmæ, ac Patauij legitur. Exhibet eandem Gruterus pag. 159.

D. N. IMP. CAES.
 CONSTANTINO. P. F.
 VICTORI. AVG. PONT.
 MAXIMO. TRIBVN.
 POTESTAT. XXIII. IMP.
 XXII. COS. VII. P. P.
 PRO. COS. &c.

In fastis Panuini A. V. Capitolino 1081. ponuntur Coss. Constantinus Aug. VIII. & Constantinus Cæs. IV. Ætæ vulgaris 329. Itaque ante octauum consulatum Constantinus Augustus inierat annum Tribunitiæ potestatis, seu imperij XXIII. Ac si imperium cepisset, ut Scaliger contendit, anno 307. Tribunitia eiusdem potestas XXIII. inchoatur anno 329. ac proinde coincidit cum consulatu octauo eiusdem. Quare cum in laudata inscriptione dicatur Trib. Pot. XXIII. Coss. VII. in annum 306. eiusdem initia retrahenda sunt. Ex quibus patet non solum factos consules optimè digestos fuisse, verum etiam ineptè prorsus Constantini decennalia anno 317. & vicennalia A. 327. ab eodem Scaligero alligari, qui tamen vibrante supercilio, ut ait poeta, clamabat *in omnibus peccatum esse à factorum conditoribus*. Ceteri verò laterculi consulum imperij Constantiniani ex eiusdem legum subscriptionibus nullo labore apud Gothofredum initio tom. 1. Cod. Theod. leguntur. Quod

Quòd autem eadè decennalia minus rectè statuantur ad A. 315. ex laudato Crispi Numismate manifestè demonstratur. Etenim certum est non designari ibidem vicennalia Crispi; nam anno 321. quo cos. II. processit, annum quintum imperij auspicabatur, ut ex Idatio, & Nazario postea ostendamus; designatus enim fuit Cæsar Kal. Martij A. 317. Idem verò Crispus A. 324. gessit tertium consularum collega Constantino fratre item cos. III. Quare cum vicennalia in nummo iungantur cum altero Crispi consularum, citra dubium Constantini patris vicennalia ibidem exprimuntur, quæ solutis votis quindecennalibus anno 321. die 25. Iulij Crispo II. Cos. nuncupavit. Nazarius in insigni panegyrico, quem in quinquennalibus Crispi ac Constantini iurioris recitavit, hæc ait: *Quintumdecimum annum maximus Princeps salutaris imperij degit, sed auguramur iam vicennalia, & venturi fidem superiorum felicitate sentimus. Quinquennalia beatissimorum Cæsarum occupatos in gaudijs habent, sed in destinatis decennijs iam vota properantia & spes volucres consistunt.* Hanc orationem habuit Kal. Martij A. 321. die natali Cæsarum, quo tempore Constantinus *quintumdecimum imperij annum debebat*; siquidem A. 306. die 25. Iulij illud inierat; illis verò verbis: *iam auguramur vicennalia*, designat post quatuor statim menses vicennalia Constantini Augusti, solutis quindecennalibus, suscipienda esse. Hoc idem patet ex panegyri Porphyrii Opatiani eodem anno 321. acrostico carmine exarato, in quo rubris characteribus scribitur: AVG. XX. CAESS. X. ille enim tum Augusti patris vicennalia, tum filiorum Cæsarum decennalia, quòd eodem anno concurrebant, eodem carmine celebravit. Hinc disertè canit:

*Sancte Pater, Rector superum VICENIA lata
AVGVSTO, & DECIES crescant solemnia NATIS.*

Hæc vota quæ anno imperij decimoquinto solvebantur, dicebantur quindecennalia, quæ licet nullis terè scriptoribus hoc romine memorentur, in nummis tamen Augustorum indicantur. Extrat apud Oeconem Numisma inscriptum: FL. IVL. CONSTANTINVS P. F. AVG. & in postica parte: FELICITAS ROMANORVM; & in medio laureæ: VOT. XV. MVLT. XX.

Item

Item in Gratiani nummo: VOT. XV. MVLT. XX. Hæc quindecennalia Gratiani laudat Symmachus lib. 10. epist. 26. ad Valentinianum juniorem, cuius verba cap. 4. recitabo. Extrat etiam parvus Theodosij iunioris nummus apud eximium virum Apollonium Bassetum signatus: VOT. XV. MVLT. XX. Augusti anno imperij decimo nuncupabant vota vicennalia; exacto verò quinquennio vota pro diuina parte secundi decennij feliciter peracti soluebant, & iterum vicennalia repetebant. Imò obseruo ex rarissimo nummo apud Occonem solutis votis decennialibus suscepta vota quindecennalia, ac vicennalia. Est Numisma Fl. Constantis Constantini Aug. F. inscriptum: VOT. X. MVLT. XV. XX. *Vota decennalia multis quindecennialibus, vicennialibus.* Legitur in nummis Constantij: VOT. XX. MVLT. XXX. & rursus. VOT. XXV. MVLT. XXX. & VOT. XXX. MVLT. XXXX. & pariter VOT. XXXV. MVLT. XXXX. Illa vota dicebantur tertia, quinta, septima quinquennalia, & Marcellinus in Chronico laudat *octaua*, & *nona quinquennalia* Theodosij iunioris. Cum Augustus exacto primo imperij decennio, rursus in quinquennium Romanæ rei administrationem suscepisset, Agrippa altero statim anno teste Dione lib. 34. *ludos quinquennales propter eiusdem principatum dedit.* Posteriores Augusti quindecennalia vocarunt, quòd exacto tertio quinquennio imperij edebantur. Hæc adnotata volui, quòd eorum cognitio planè necessaria est ad intelligenda vota vicennalia Constantini anno 316. suscepta, vt ex actu Romano patet, & iterum anno 321. nuncupata, vii ex nummo Crispi, nec non Nazarij, & Porphyrij pænegyricis indicauit; præsertim cum vicennialium iteratio tum historicis tum antiquarios plures latuerit; siquidem cum legebant VOTA XX. decimo tantum imperij anno eadem ab Augustis nuncupata arbitrabantur, cum anno quoque quindecimo concepta fuerint, & iisdem omnino characteribus in nummis obli-gnata. Hæc suboluit Tristatus tom. 3. pag. 568.

Ex his euidenter demonstratur annus decennialium Constantini; nam cum iterum vota vicennalia suscepit A. 321. Crispoll. Cos. quindecennalia egit anno imperij quindecimo exacto, nempe tertio augustæ dominationis quinquennio euoluto; ac
pro-

proinde decennalia soluit anno 316. cum exacto primo alterius
decennij quinquennio, A. 321. vicennalia conceperit: quæ sanè
sexto secundi quinquennij anno nuncupasset, si anno 315. de-
cennalia celebrasset, quemadmodum Baronius alijque contem-
dunt. Hanc decennalium Constantini chronologiam eruditissimi
Patini nummo acceptam sero, cuius beneficio annus decenna-
lium maximi Principum celeberrimis scriptoribus controuersus,
extra dubium ponitur A. V. C. 1069. Christianæ epochæ 316.
VIII. Kal. Augusti. In fastis Idatiahis: *Constantino VII. & Con-*
stantino Cas. Cos. Edidit vicennalia Constantinus Roma. Est an-
nus 326. In calce etiam Chronici Eusebiani legimus: *Vicenna-*
lia Constantini Nicomedia acta, & sequenti anno Roma edita.
Anno 325. incunte vicesimo imperij, Constantinus, cum in exi-
tu esset Synodus Nicæna, vicennalia peregit ex Sozomeno lib. 1.
cap. 24. anno verò 326. Romæ more veteri, nempe exacto al-
tero decennio imperij, celebrata fuerunt; ac proinde anno 316.
Romæ decennalia eiusdem acta sunt; alias si in annum 315. re-
trahantur, vnde primo anno euoluto, decennalia secunda præter
morem Romani soluisent.

Hæc decennalia Constantini A. 316. in Romano Orbe in-
genti populorum lætitia peracta, in inuidia, ac planè odiosa Li-
cinio fuere quem iamdiu liuor erga collegam Augustum, urebat.
Hinc ne vnus Constantinus inter celeberrimam decennalium
pompa in ore Romanæ gentis versaretur, decreuit decennalia
anticipare; quare anno statim decimo imperij incunte, nempe ex
statuta cap. 1. chronologia III. Idus Nouembris eodem anno 316.
vertente, vota decennalia soluit, ac vicennalia suscepit, quæ in
Mediceo Numismate ita obsignata sunt: SIC X. SIC XX. Et
quidem Licinio anno decimo ineunte, non aurem exacto de-
cennalia dedisse ex eiusdem insignis Numismatis inscriptionibus
constat; Etenim ibidem visitur Γ. qua numerali Græcorum nota
tertium imperij annum designari ex innumeris Numismatibus an-
tiquarijs omnibus compertum est. Cum verò constet non expri-
mi ibidem annum tertium imperij, ex quo A. 307. purpuram à
Galerio accepit (neque enim anno tertio decennalia egisset) col-
ligitur designari ibidem annum tertium Liciniani imperij in Asia;
quod

quod cum initium habuerit A. 314. vt cap. 2. ex Maximini edictis ostendi, anno 316. III. Idus Nouembris die Natali Licinij, tertius eiusdem in Asia Augusti annus labebatur, qua die ineunte imperij decimo decennalia vota soluit, ac vicennalia nuncupauit; quæ solemnia si decimo imperij anno euoluto celebrasset, nūmus Δ. obsignatus appareret, cum A. 317. quartus ab Asia occupata eiusdem imperij annus fuisset. Hoc idem ex altera eiusdem Numismatis inscriptione lucet: OB. DV. FILII SVI. Etenim anno 317. Kal. Martij, vt ex Idatio, ac Chronico Alexandrino constat, Licinius Licinij Augusti filius, designatus fuit Cæsar; cuius sanè dignitas inscripta legeretur, nempe: OB DV CAES. NOB. vel CAES. F. quod cuique vel leuiter in re antiquaria versato compertum est, si die 11. Nouembris A. 317. decimo imperij confecto, decennalia celebrasset. Quare cum sine Cæsaris titulo Licinij Augusti filius in nummo inscribatur, decennalia eiusdem acta sunt A. 316. filio nondum in imperij consortium vocato. Hæc Licinij decennalia anno decimo imperij incunte, non verò exaëto peracta, sine exemplo fuere; etenim ab omnibus retrò Augustis semper decimo anno euoluto celebrata fuerant, quod ex nummis peculiari dissertatione ostendam. Vnus Postumus qui in Gallijs imperante Gallieno, purpuram vlsurpauit, incunte decimo anno tyrannidis, decennalia vota soluit, vt patet ex eiusdem nummo apud Tristatum. Ex quibus elicitur Licinium inuidia stimulante, statum decennalium tempus anticipasse. Fateor Diocletianum & Maximianum, & fortè Antoninum Seueri Aug. F. vicennalia vicesimo imperij anno inchoato peregrisse; quamuis exemplo Licinij posteriori æuo Augusti decennalia prima, de his enim loquor, inito statim decimo regni anno soluerunt. De Theodosio iuniore testatur Marcellinus Comes in Chronico ad consulatum Honorij X. & Theodosij IV. Illud autem peculiare habet hoc Licinij Numisma, quod in ipso primùm decennalium solutio, & vicennalium susceptio diuersa planè inscriptione, quàm antiquitus fieri consuevit, exprimantur. Etenim priori æuo neutiquam in eisdem nummis votorum solutio, & nuncupatio obsignabatur. Extant Antonini Pij, & M. Aurelij Numismata inscripta: VOTA SOL. DECENN.

& rur-

& rursus alia cum epigraphe VOTA SVSCEP. DECENN. II. Præterea in aliorum Principum nummis legimus VOT. X. & VOT. XX. Nullus hucusq; ab antiquarijs nummus exhibitus fuit, in quo Imperatorum qui ante Licinium Romanum Obem rexere, vota decennialia soluta, ac vicennialia concepta vnâ simul exprimerentur. Possit fortassis quandoque talis inscriptio ante Licinium reperiri: hoc tantum assero, hætenus inuentam non esse. Hoc anno 316. eadem primum apparuit Romæ in arcu triumphali Constantino dicato, in quo legimus VOTIS X. VOTIS XX. & rursus: SIC. X. SIC. XX, cuius inscriptionis æmulatione eodem anno decennialia Licinij in nummo inscripta sunt SIC. X. SIC. XX. nempe *sicut decennialia sic vicennialia*. Et quidem hic designari vota tum soluta illis notis SIC. X. tum nuncupata, SIC. XX. patet ex Constantis nummo apud Tristenum tom. 3. pag. 607. ita inscripto: FL. IVL. CONSTANS PIVS FELIX AVG. & in altera parte in laurea: SIC. V. SIC. X. Constans ex factis Idarij designatus fuit Cæsar Dalmatio & Xenophilo Coss. A. 333. VIII. Kal. Ianuarias; idem ab ante diem XI. Kal. Iulias A. 337. mortuo Constantino Magno patre, ex Cæsare euasit Augustus; quare cum in nummo inscribatur *Augustus*, designantur ibidem vota quinquennialia, quæ initio delatæ purpuræ susceperat, post quinquennium soluta, & vota in decennium nuncupata; ac proinde legendum est in Liciniano Numismate: SIC VI X. *feliciter* acta sunt, SIC. XX. æquè *feliciter* peragantur. Extrat antiqui lapidis inscriptio pag. 116. CAESARVM DECENNALIA FELICITER.

Obseruo aliam insuper inscriptionem Constantino ac Licinio imperantibus inuentam, qua in eodem Numismate priorum votorum solutio, & nouorum nuncupatio exprimebatur, quæ postea alijs antiquatis, ferè sola in vñ fuit. Extrat apud CL. Patinum Licinij Cæsaris nummus cum epigraphe VOT. X. XX. & Constantini obsignatus VOTIS V. MVLTIS. X. nempe iterandis, seu augendis, vel vt Nazarius ait, extendendis. Inscripita id genus Numismata argentea Constantij, Iuliani, Iouiani, Valentiniani, & Valentis videntur in Cimeliarchio Serenissimi Cardinalis LEOPOLDI. Porro hic designari vota quinquennialia,

nalia, vel decennalia soluta, & decennalia, vel vicennalia susce-
 pta, patet ex nummo Occonis ita signato: FL. IVL. CONSTAN-
 TIVS P.F. AVG. & in laurea: VOT. XV. MVLT. XX. Con-
 stantius renunciatus fuit Cæsar A. 334. VI. Idus Nouembris ex
 Idario ac veteri Calendario apud Bucherium. Anno 334. vota
 soluit decennalia ac XV. nuncupauit. Anno 337. mortuo Con-
 stantino patre ex Cæsare Augustus dictus fuit, qui titulus cum
 in laudato eiusdem Numismate legatur, A. 339. vota quindec-
 ennalia soluit, & vicennalia nuncupauit. Hæc magnum Baro-
 nium fugere; siquidem A. 394. nummi egyptum exhibet cum
 epigraphæ: D. N. THEODOSIVS P. F. AVG. vbi in postica
 duæ figuræ sedentes capite radiato conspiciuntur, addita inscrip-
 tione: VOT. XXX. MVLT. XXXX. *Vides, inquit, Theodosij
 senioris veram certamq; vultus effigiem; addit in altera parte
 Sacerdotalis decoros habitu geminos illos quos in visu vidit Apo-
 stolos, Ioannem, & Philippum expressus reddi.* Ex ignorato tri-
 cennalium in nummis obliuatorum charactere, in alienam pror-
 sus interpretationem descendit. Designantur ibidem Theodosij
 iunioris vicennalia vota soluta, & nuncupata simul quadragen-
 nalia. Scribit Marcellinus in Chronico: *Theodosio XIII. & Va-
 lentiniano III. Cos. A. 430. Theodosius Imperator tricennalia
 gessit.* Profectò Theodosius senior cum diem obierit anno im-
 perij decimo sexto, non potuit vota XXX. soluere, imò ne qui-
 dem suscipere. Hunc sanè eundem lapidem offendit Occo in
 nummis Theodosij senioris, quos profert inscriptos VOT. XXX.
 & TR. P. XXXII. COS. XVII. &c. cum Theodosium iuniorem
 iidem expriment; senior enim decessit TR. P. XVI. COS. III.
 Bullingerus etiã in initio lib. 1. de imper. Rom. reprehendit Mar-
 cellinum, quòd dixit, Theodosium celebrasse octaua, & non
 quinquennalia; *Non satis video, inquit, qui Theodosius maior
 octaua & nona quinquennalia celebravit, cum vix 30. annos ad
 imperij gubernacula sederit.* Palam hallucinatur; etenim Marcel-
 linus laudat octaua, & nona quinquennalia Theodosij iunioris,
 qui imperauit ann. ccs XLVIII. M. VI. D. XIX. ex quo IV. Idus
 Ianuarias A. 402. adhuc in fascijs mense ætatis nono Cæsar de-
 signatus fuerat. Idem verò Bullingerus quatuordecim annos im-
 perij

perij seniori Theodosio supra sedecim, quos idem in imperio vixit, quod nihil de suo largiebatur, liberali stylo donauit. Ceterum in nummo ab eruditissimo scriptore prolato, non designari geminos Apostolos habitu sacerdotali exornatos, sed Imperatores Theodosium ac Valentinianum certum est; præsertim cum Valentinianus minor consobрино appareat, quippe qui anno 430. quando illud Numisma sculptum fuit, annum agebat ætatis decimum. Imperatores verò radiato capite, quemadmodum nostra ætate Diuorum imagines, in nummis passim exprimi solitos, docent eorundem Numismata apud Alamanum in notis ad arcanam historiam Procopij, & Patinum pag. 497. Tristanus eruditè notat in nummis in quibus vota soluta & suscepta medijs illis notis MVLT. designantur, quandoque exprimi vtraque vota nuncupata. Et quidem in gaza Medicea extat Numisma inscriptum D. N. MAGNENTIVS P. F. AVG: & in postica parte: VICT. DD. NN. AVG. ET CAES. VOT. V. MVLT. X. Cum Magentius à Constantio victus, manus sibi intulerit anno tertio ac mense septimo imperij, vota quinquennialia non soluit, ac proinde vtraque vota nuncupata in laudato nummo signata sunt. Idem constat in nummo argenteo Iouiani apud Ser. Card. LEOPOLDVM cum epigraphe VOT. V. MVLT. X. Iouianus enim mense imperij octauo improuisa morte decessit.

C A P V T IV.

In Mediceo Numismate illis notis OB DV. non designari datam quinquennialia Licinij iunioris, sed oblationem denotam eiusdem decennialibus Augusti Patris exhibitam. Imperatorum largitiones tempore decennialium denotis prouincialium oblationibus resarcita. Licinium iuniorem decennialibus Patris nondum Casarem fuisse ex eodem Nummo demonstratur.

Initio quidem, vt ingenuè fatear, arbitrabar illis notis OB DV FILII SVI designari Licinij iunioris quinquennialia, easque

ita interpretabar : OB DATA QVINQVENNALIA *Filij sui*. Etenim ea phrasi quinquennialium celebratio passim expressa habetur apud Marcellinum in Chronico, qui subinde ait: *quinquennialia dedit, decennialia dedit*; quam loquendi formulam fuisse etiam Græcis familiarem eruditè notat Scaliger lib. 5. de emend. temp. pag. 470. Huic tamen explicationi duo obstare vidi. Primum quòd Marcellinus ea phrasi apertè designat quinquennialium solutionem, non verò nuncupationem; etenim Theodosio XVII. & Festo Coss. A. 439. ait: *Theodosius Imperator octava quinquennialia edidit*. Post quinquennium A. 444. *Nona quinquennialia dedit*. At idem scriptor Arcadio VI. & Probo Coss. A. 406. ait: *Theodosius iunior quinquennialia dedit*, quæ, ut calculos ducenti patet, prima Marcellino statuuntur, ex quo Theodosius A. 402. renunciatus fuerat Cæsar. Itaque idem est dare quinquennialia, ac soluere, non verò eadem suscipere, aut nuncupare. Rursus inscriptio basis legenda foret: *Sic decennialia, sic vicennialia* feliciter dentur; qua ratione vnâ simul facta fuisset quinquennialium, decennialium, ac vicennialium nuncupatio, quæ sanè tot votorum anticipata susceptio sine exemplo, ac præter illorum solemnium institutum pro arbitrio fingeretur. His denique accedit Licinium iuniorem dubio procul inscribendum fuisse Cæsarem, si eiusdem quinquennialibus idem nummus obsignatus fuisset, quemadmodum constat ex omnibus nummis, in quibus eiusdem, & aliorum Cæsarum vota V. exprimuntur. Hoc ipsum vetat, ne quinquennialium Licinij iunioris solutio intelligi possit; quæ cum data fuerint A. 321. nummus obsignatus fuisset nota numerali Z. qua sepimus Liciniani in Asia imperij annus indicaretur. Itaque pro comperto habeo non significari Licinij Cæsaris quinquennialia, sed Licinij Augusti vota decennialia soluta, & vicennialia nuncupata.

Hinc vnâ & alteram illarum notarum OB DV interpretationem subijcio. Prima est: OB DICATA VOTA FILII SVI. Etenim cum inter decennialium solemnia non modò Imperatores pro sua, & Romani imperij incolunitate, verùm etiam Vrbes, magistratus, ac singuli quique pro salute Principis vota nuncuparent, Licinij pueri Nobilissimi vota decennialibus Licinij Augusti

gusti patris ab eodem suscepta, in insigni Numismate explicantur, ac *dicata vota* nuncupantur; qua planè phrasi vixit Silius Italicus lib. 7.

Iunoni pallam conceptaque VOTA DICABANT.

Illis autem literis D. & V. *dicatum* ac *votum* significari colligitur ex innumeris lapidum inscriptionibus Dijs dicatis initio thesauri Gruteriani.

Altera interpretatio est: OBLATIO DEVOTA *filij sui*. Extat in lib. 7. Cod. Theod. insignis titulus de *Oblatione votorum*, vbi hoc Arcadij & Honorij rescriptum laudatur: *Quando VOTIS communibus felix annus aperitur, in una libra auri solidi septuaginta duo obryziaci Principibus OFFERENDI DEVOTIONEM animo libenti suscipimus*. Ita inter *votorum* solemnia *oblatio deuota* laudatur. Hæc *votorum* nuncupatio pro incolumitate Imperatorum fiebat III. Non. Ianuarias, quæ dies in Calendario veteri inscribitur *nuncupatio votorum*; quod etiam patet ex nobili inscriptione apud Gruterum pag. 118. Hanc *votorum* suspensionem præcedebat *oblatio deuota* strenarum, quæ Imperatoribus in signum obsequij Kalend. Ianuarijs dabantur, de quibus eruditè Gothofredus in commentario ad eandem legem, & Bullingerus lib. 2. de Imp. Rom. cap. 27. De eisdem antiquis Poeta canit apud eundem Bullingerum.

Strena præterea nitent

Plures aureola munere regio

Iani principijs auspicio data,

Fausso temporis omne,

Vt ferret ducibus strenua strenuis,

Annus gesta recentior.

Illas nobilitas Caesaribus pjs,

Rex dignis procerum dabas.

Solebant Augusti inter decennialium solemnia nummos in populum spargere, ac militem ingenti donatio ditare. Severus suis decennialibus *bis millies sesterstium* impendit, teste Dione in excerptis Xyphilini. Ea pecuniæ summa quinque milliones scutorum Romanæ monetæ conficit. Constantinus Augustus suis vicennialibus *uniuersis populis*, ut ait Eusebius lib. 3. de vita eiusdem

dem cap. 22. *tam is qui per agros, quam qui in urbibus habitabant, magnam pecunia vim distribui iussit.* Profusam tam prodiga manu pecuniam nullus ad calculos reuocauit. Profecto ob eximias haece largitiones Constantinum vulgò ignominiae causa *Tracalam* appellatum, testatur Victor in epitome, cuius scommatibus originem plerique frustra diuinare conati sunt; vnus tandem rem nobis explicuit Illustrissimus Suaresius, lucem praeferente MS. Sexti Rufi ex bibliotheca copiosissima ac planè regia Eminentissimi Francisci Barberini sacri Senatus Principis ac de Reipublica literaria vltra inuidiam & omne praeconium benemeriti. Ceterùm Imperatores opima congiaria ac profusa donatiua quibus plebis acclamationes ac militum obsequia sibi mercabantur, ex prouincialium tributis & frequentibus indictionibus constabant; nihil sanè largituri, si nihil à subditis abstulissent, vel certè accepissent. Vnus Traianus Augustorum optimus, Plinio celebratur in panegyri, quòd congiarium daret de suo, alimenta de suo, quodquè, inquit, *gratissimum est accipientibus, sciunt dari sibi quod nemini est ereptum, locupletatisque tam multis, pauperiorem esse factum Principem tantum.* Sed ne Traiano quidem in paternis agris apud Italicam aurea illa messis succreuit. Donauit spolia Germanica, Dacorum manubias, subditorum tributa. Hinc factum est, vt dispendia largitionum quas suis decennialibus maximas Augusti faciebant, ex deuota oblatione subditorum supplerentur. Extat insigne testimonium Symmachi lib. 10. epist. 26. ad Valentinianum Imperatorem: *Senatus*, inquit, *salutare tuum Numen precatur, vt in hac OBLATIONE quae nonnihil super scriptis addidit, intelligas hoc esse curatum, ne sub te minus posse videamur. Nam Diuis Parentibus tuis ob DECENNIVM singulis minor summa decreta est. Etiam Diuus frater Mansuetudinis vestrae cum TERTIVM LVSTRVM aui imperialis exigeret parcior munificentia honoratus asseritur: Nunc in amorem tuum studia nostra creuerunt: Nam mille sexcentas auri libras DECENNALIEVS Imperij fastis DEVOTVS Ordo promissis &c.* In his habemus oblationem deuoti Senatus in festis decennialibus, ac quindecennialibus Imperatorum. Vna, vibs decennialibus Valentiniani iunioris mille ac sexcentas libras auri

auri eidem dono dedit, hoc est Romanos scutatos 288000. etc. nim ex lege 13. de *susceptoribus* emissâ a Valentiniano Seniore A. 367. ac laudato superius rescripto Honorij dato A. 395. septuaginta duo solidi libram auri conficiebant; solidus verò valebat Romanæ monetæ denarios, seu vt vocant, iulios viginti-quinque, vt eruditè tradit doctissimus I. Fredericus Gronouius lib. 4. de pecunia veteri cap. 25. & alibi passim ex Dione lib. 55.

Cum Licinij Augusti decennalia peragerentur, Præfecti prouinciarum, magistratus urbium, ac Corpora artificum deuotam oblationem pecuniarum Licinio de more faciebant; qua in re ne Licinius Licinij Augusti filius ab alijs superari videretur, donum deuotus obrulit, nempe ingentem vim aureorum, eiusque oblationis memoriâ in nummis obsignatam posteritati commendauit. Quare vbi in Symmacho legimus *oblationem deuoti Ordinis*, decennialibus Valentiniani: ita decennialibus Licinij Imperatoris inscripta est in nummo *oblatio deuota filij sui*. Et quidem literas OB. apud veteres significasse *oblatum*, seu *oblationem*, testatur Manutius. Alteras verò notas DV. *denotum* exprimere docent Paulus Diaconus de notis literarum, & Magno de notis iuris, vbi legit DB. siquidem prisca ætate promiscuè *denotus* ac *debotus* dicebatur. Hæc ipsa tradit ex laudatis scriptoribus Eques Sertorius Orsarius generis claritate ac eruditionis fama illustrissimus in præclaro opere de notis Romanorum.

Ex eadem inscriptione intelligitur annus quo Licinius iunior designatus fuit Cæsar. Panuinus lib. 2. fastorum Crispi, Licinij, ac Constantini Cæsarum inaugurationem statuit anno 314. Baronius, Tristanus, & Caluissius in annum 315. eandem referunt. Prosper in Chronico à doctissimo Labbeo publicato, illam collocat ad annum 316. Reformator chronologiæ scribit Crispum & Constantinum iuniorem creatos Cæsares anno 315. Licinium verò renunciatum A. 317. Hæc tamen postrema opinio aduersatur antiquis omnibus scriptoribus Zosimo, Victori Schotti, Anonymo in excerptis apud Valesium, Idatio, Prospero, Auctori Chronici Alexandrini, Eusebio in Chronico: ex interpretatione Hieronymi, qui vno consensu tradunt vni final designatos fuisse Cæsares, Crispum, Licinium, ac Constantinum. Verùm ex factis

factis Idatianis ac Chronico Alexandrino hoc nostro seculo in lucem editis, res tandem innotuit. Scribit Idatius: *Gallicano & Basso A. 317. His Coss. leuati tres Cæsares, Crispus, Licinius, & Constantinus die Kal. Martij. Nazarius initio panegyrici ait: Quintumdecimum annum maximus Princeps Constantinus salutaris imperij degit, sed auguramur iam vicennalia, & venturi fidem superiorum felicitate sentimus. Quinquennalia beatissimorum Cæsarum occupatos in gaudijs habent &c.* Habita est hæc oratio Kalendis Martij die natali Cæsarum Crispi ac Constantini, cum ineunte anno quinto vota quinquennalia soluerent, ac decennalia susciperent. At anno 321. Kal. Martij Constantinus agebat annum XV. imperij, & ex consequenti ea die festa quinquennalia Cæsarum acta sunt, quod etiam ex Porphyrio patet qui eodem anno ait suscepta vota X. Cæsarum, ac XX. Constantini. Verba eiusdem laudauit cap. 3. ubi ex Patini nummo vicennalia Constantini nuncupata probauit A. 321. Itaque nec cum Panuino A. 314. nec cum alijs A. 315. Licinij & aliorum Cæsarum inauguratio statuenda est, ne quinquennalia dicantur soluta anno septimo, vel sexto euoluto, ex quo Cæsaris dignitatem acceperant: Ex Mediceo Numismate, atq; alio Tristani cap. 1. explicato, Idatij sententia demonstratur. Licinius iunior in nummo decennialibus Augusti Patris nempe III. Idus Nouembris A. 316. non inscribitur Cæsar; neque enim legimus OB. DV. CAES. F. SVI. sed præcisè: OB DV FILII SVI; ex quibus rectè superius inferebam, Licinium nobilissimum puerum nondum id temporis fuisse Cæsarem. At in Tristani nummo legitur DD. NN. IOVII LICINII INVICT. AVG. ET CAES. Quare cum percussus fuit nummus, Licinius iunior Cæsaris appellationem acceperat. Vtrumque Numisma obsignatur numerali nota Γ. qua tertium Liciniani in Asia imperij annum indicari cap. 2. monstraui, & iterum cap. 6. ostendam; tertius autem eiusdem Licinij annus exit circa Maium A. 317. ex ibidem stabilitis. Hinc Licinij Cæsaris designatio intra III. Idus Nouembris A. 316. & Maium anni insequentis claudenda est; ac proinde rectè statuitur in factis Idatianis, & Chronico Alexandrino Kalendis Martij A. 317. Gallicano & Basso consulibus. Ita antiquissimi facti cum Mediceo Nummo concordant;

dant; inò eisdem ex tam insigni Numismate integra fides asseritur.

His ut ingenuè fatear, videtur ob stare antiqui lapidis inscriptio quam recitant Panvinus A. V. C. 1067. & Gruterus pag. 284. 7.

FLAVIO. VALERIO. CRISPO.

NOBILISSIMO. CAES. FILIO.

CONSTANTINI. MAXIMI.

ADQVE. INVICTI. SEMPER. AVG.

ET. NEPOTI. DIVI. CONSTANTII.

OVINIVS. GALLICANVS. V. C.

PRAEF. VRB. ET IVDEX. SACRARVM.

COGNITIONVM. DEVOTVS.

N. M. Q. EIVS.

Quinius Gallicanus ac Bassus fuere consules ordinarij A. 317. quare cum in posito epigrammate non inscribatur CONSVL, sed tantum *Præfectus Vrbi*, videtur colligi eandem inscriptionem dictam fuisse A. 316. quo Gallicanus, ut patet ex indice Præfectorum Vrbi, eundem magistratum gessit. Antequam in rarissimum Serenissimi Principis nummum incidere, arbitrabar Idatij fastos ex laudata inscriptione emendandos; neque enim legēbam Gallicanum consulem, sed Præfectum V. cum tamen consulatus in virorum illustrium qui eundem gesserunt, inscriptionibus semper appareat, erat enim dignitas infra imperatoriam omnium maxima. Verum ex libello de Præfectis V. Cuspiniano primum inuento, res tota aperitur. Quinius Gallicanus, ut ibidem patet, designatus fuit Præfectus V. A. 316. Cons. *Sabino, & Rufino, pridie Nonas Augusti*; anno verò 317. successorem accepit *Idibus Maij Septimium Bassum*. Quare A. 417. Kalend. Martij die Natan Cælaum erat præfectus V. quemadmodum in vetusto illo lapide inscribitur. Nec tamen *consul* pariter nomina-

M

mina.

minatur, quia priori partē illius anni nondum ab Augustis Constantino & Licinio ordinarij consules designati fuerant. Hæc in libello de præfectis leguntur: *Consules quos infferint DD. NN. Augusti. Ex die XIII. Kal. Martij Gallicano & Basso.* Gallicanus priusquàm delati magistratus nuncium acciperet, inscriptionem illam in lapide sculpendam curauerat, ut eadem Kalendis Martij die natali Cæsarem, in honorem Crispi publico loco dicaretur. Degebat id temporis Imperator procul ab Urbe in Dacia apud Serdicam, ubi die 16. Aprilis signauit *L. 6. ad l. Int. de vi publica Cod. Iust.* quæ prima est sub eodem titulo in Cod. Theodosiano. Quare cum die XIII. Kal. Martias Gallicanum consulem designauerit, ac publicauerit, is post dictum Crispo epigramma, sui consulatus nuncium accepit.

Auctor est Aurelius Victor in epitome Licinium iuniorem *mensum ferè viginti* Cæsarem creatum. In Zosimi lib. 2. viginti annorum perperam scribitur, cum anno 313. Constantia Licinij Cæsaris mater, Licinio Augusto iuncta fuerit; anni pro mensibus siue Zosimi, siue amanuensium errore positi sunt. Cum

Licinius creatus fuerit Kalendis Martij A. 317. de;

decennalibus Augusti patris sedecim mensium puerulus

erat, natus anno 315. mense Iulio. Ex his de-

ducitur oblationem deuotam decennalibus

Licinij Augusti neuiquam exhibitam

fuisse à puerulo Cæsare Licinio,

sed nomine eiusdem à Se-

natu Nicomediensi, ut

tam munifica adula-

tione Imperatoris

gratiam ca-

ptaret.

CAPVT V.

Domitianus IOVI CONSERVATORI Romæ facellum dicat, ac eodem titulo nummos primùm inscribit. Eadem inscriptio in Licinij Numismatibus frequentissima. Licinius Augustus nunquam Christianam religionem professus. Acta S. Basiliei Amaseni à V. C. censura vindicantur. Philostorgius mendacij conuincitur. Collectores Synodi Nicænæ prouincias in subscriptionibus confundunt.

Amasia Helenoponti metropolis. Nulla huius nominis vrbs in Armenia secunda. Martinianus Augustus Iouis conseruatoris titulo omnium postremus Nummos cudis.

Inscriptio quæ in postica parte Medicei Numismatis visitur, facilis est, ac passim in alijs Imperatorum, præsertim verò Iouiorum, nummis occurrit, nempe: IOVI CONSERVATO-RI. Exprimitur ibidem Iuppiter sedens, manu dextra victoriam tenens, sinistra longius sceptrum strigit, cum aquila dextrorsum ad pedes, in cuius rostro sertum apparet.

Tres id genus Licinianos nummos æreos cum iisdem figuris atque inscriptione Antiochiæ & Nicomediæ obsignatos, mihi ostendit Apollonius Bassetus Canonicus, Laurentianæ Basilicæ idemque Serenissimo Magni Ducis COSMO III. à secretis; in his autem Iuppiter non quidem sedens, sed stans conspicitur. In cimeliarchio Serenissimi LEOPOLDI extat nummus Diocletiani in Græca vrbe percussus, huic Liciniano serè similis, cuius ectypum exhibeo.



M 2

Victo

Victoriola quam porrecta manu Iuppiter in Licinij nummo profert, indicat Licinium tum partas victorias Ioui acceptas ferre, tum noua ex hostibus trophæa ab eodem sperare. Sceptrum oblongum Numinis eiusdem potestatem Ethnicis somniamat exprimit; illum enim cælum terrasque pro arbitrio, & vt ait Cicero lib. 2. de nat. Deor. *omnia nutu regentem* finxere. Hinc Venus apud poetam eundem alloquutura ait Aeneid. X. 18.

O pater, ò hominum, diuumque aterna potestas.

Iouem verò cum aquila ad pedes passim adoratum, oculatus testis Lactantius tradit lib. 1. de falsa relig. cap. 11. *Nam quod aliud, inquit, argumentum habet imago Catamiti, & effigies aquila, cum ante pedes Iouis ponantur in templis, & cum ipso pariter adorantur?* Cum Iuppiter contra Titanos moueret, ac sacrificium in litore faceret, scribit ex Anacreonte Cæsar in Arato apud eundem Lactantium, *aquilam ei in auspicium aduolasse, quam victor bono omine acceptam, tutela sue subiungaris.* Hinc aquila Iouis ales, ac ministra apud poetas passim decantata.

Plurimis sanè epithetis Iuppiter apud Gentiles honorabatur, quæ in priori parte operis Gruteriani leguntur; hinc acutè dixit Minutius Felix in Octauio, *tot sunt Iouis monstra, quot nomina.* Cum Licinius per adoptionem Galerij in familiam Diocletiani transisset, Iouij cognomen per summam ambitionem assumpsit, vt superius ostendi. Hinc eiusdem nummi Iouis effigie passim obsignati cum epigraphæ IOVI CONSERVATORI. Domitianus incenso à Vitellianis Capitolio, clam elapsus, apud æditum sese occultauit, postea, inquit Tacitus lib. 3. hist. *potens rerum patre, dissecto aditu contubernio; modicum sacellum IOVI CONSERVATORI, aramque posuit, casusque suos in marmore expressit.* Extat nummus mediocris magnitudinis in gaza Serenissimi Magni DVCIS inscriptus: IMP. CAES. DOMITIAN. AVG. GERM. COS. X. & in altera parte: IOVI CONSERVAT. S. C. In antiqua Vrbs descriptione in Regione XI. ponitur *sacellum Iouis Conservatoris.* Pausanias lib. 3. scribit prope Epidaurum fuisse templum *Iouis cognomento Seruatoris*: *Ἰοῦς ἐπὶ Ἀντικλῆν στῆλην*. Idem lib. 8. laudat apud Megalopolim *templum Iouis cognomento Seruatoris.* At Iuppiter non hominum tantum,

verum

verum etiam & priuatarum possessionum conseruator habebatur ,
sub hoc ipso titulo publicis inscriptionibus eidem dicatis . Pag.
18. antiq. inscript. legimus : IOVI O. M. CONSERVATORI
POSSESSIONVM ROSCIORVM &c.

Licinius vnà cum Constantino A. 313. publico edicto Chri-
stiani cultus exercendi facultatem fecerat , non quòd sanctissimæ
religionis mysteria probaret , sed vt Constantino collegæ Augu-
sto , Christianis sacris addicto , rem gratam faceret , ac prouin-
cialium beneuolentiam sibi conciliaret , dum supersticiosos Gen-
tilium ritus obseruans , Christianis verò liberam proprii cultus
potestatem faciens , vtrosque ex æquo in officio , & obsequio
futuros sperabat . Ex illo tamen edicto quod toto Romano Or-
be Christianis favorabile publicatum fuerat , non modò Constan-
tinus , verum etiam Licinius hostis Idolorum nostris hominibus
creditus fuit . Auxit fidem quòd Licinius , cum profligato Maxi-
mino insensissimò Christiani nominis hoste , Antiochiam venisset ,
in Iouis Philij Sacerdotes seuerè animaduertit , ac omnes , qui
aduersus religionem nostram , inquit Eusebius lib. 9. cap. 11.
insolenter debacchati fuerant , capite damnauit . Hinc Paulinus
Antistes Tyri in dedicatione templi A. 314. pro concione tum
Constantinum tum Licinium concelebrans dixit : *adeo ut , quod*
numquam antea contigerat , summi Imperatores honoris illius
quem Dei beneficio acceperunt , sibi conscij , iam in mortuorum si-
mulacrorum faciem conspuant , & profanos Demonum ritus con-
culcent , ac vetustum errorem à maioribus traditum irrideant ;
vnum verò Deum cum erga omnes tum in se ipsos maximè bene-
ficum agnoscant &c. Christum Dei filium vniuersorum regem esse
profiteantur . Apud Eusebium lib. 10. cap. 4. à quo lb. 9. cap. 9.
vocatür Licinius *θεόφιλος Dei amantissimus* . Imò in actis S. Bi-
filei Martyris Episcopi Amaseni in Ponto hæc scribuntur : *Lici-*
nus igitur omnipotente D. N. Iesu Christi manu adiutus , quippe
qui Christi fidem sincero animo tunc obseruabat , victoriam de
Maximino reportauit . Postea eiusdem apostasia describitur : *So-*
lius & veri Dei , omniumque creatoris confessionem reprobauit ,
idque post iusiurandum illud quod Dei amantissimo Imperatori Con-
stantino sapius exposuit , nullo vnquam tempore se à Christiano-

rum fide defecturum, sed illius se fore propugnatores. Hæc scribit de Licinio Ioannes Nicomediensis qui eidem Imperatori coniuxit, & in fine actorum *per Deum lectorem obsecratus* ait: *ut nihil subtrahas, neque quicquam illi addas.* Ex his Licinius quandoquæ Christianæ religionis professor describitur.

Ego tamen arbitror nunquam Licinium Christianæ religioni nomen dedisse, sed Ethnicorum erroribus & quidem semper adhæsisse. Id nummi eiusdem testantur; etenim ab anno 314. quo Asiam obtinuit, hac inscriptione obsignantur: IOVI CONSERVATORI. Ita legitur in nummo laudati Basseti cum notis in inferiori parte: S. M. N. B. nempe: *signata moneta Nicomedia anno secundo* eiusdem imperij in Asia, hoc est, æræ nostræ vulgaris 315. Anno pariter 316. & 317. idem titulus visitur in nummis fusiùs mihi explicatis. Alterum Basseti Numisma cum eadem inscriptione exhibet in medio notam E. cum literis in postrema parte: S. M. ANT. nempe *anno quinto* imperij *signata moneta Antiochia*: Anno Christianæ epoche 318. At certum est Licinium anno 319. persecutionem contra Christianos instituisse; siquidem illius iussu Theodorus Dux insignis, quod Dijs sacra facere noluit, *ense fuit consummatus Februarij mensis die septimo Sabbato hora tertia*; in actis apud Surium die 7. Februarij. Est character anni 319. Cyclo Solis XX. Lunæ XVI. lit. D. Baronius ex deprauata subscriptione legis primæ de Veteranis Cod. Theod. Licinio sex imperij annos auferre, cumq; anno 318. ad priuatam vitam redigit. Hanc tamen opinionem eruditè refellit Petavius in paralip. de doct. temp. pag. 861. eam certè prochronismi conuincit character seræ, qua Theodorus asseritur sub Licinio passus, cuius obitus in annalibus A. 316. recitatur; cum tamen eo anno dies septima Februarij inciderit in feriam tertiam Cyclo Solis XVII. Lunæ XIII. lit. AG. Video hæc ipsa Bollando viro diligentissimo obseruata tom. 2. Men. Febr. ad acta S. Teodori. Eusebius lib. 2. de vita Constantini cap. 69. cum narrasset Galerium ac Maximinum insanabili morbo correptos, Christianorum persecutionem inhibuisse, addit: *Hac cum Licinius non aliorum sermone didicisset, sed factis ipsis percepisset, tamen velut densa quadam caligine animo eius offusa,*
eadem

eadem quæ illi agere instituit. Idem Eusebius cap. 5. recitat orationem quam Licinius ad milites habuit priusquam aciem contra Constantinum instrueret. *Viri, inquit, amici, & commilitones; si quidem quos colimus, & quos ab ultimis usque maioribus colendos accepimus, Dii sunt patrij. Iste verò qui aduersarum nobis partium copias ducit, moribus institutisque maiorum violatis, ad impiam nullos credentium Deos opinionem descendiit. peregrinum quendam nescio unde quasitum temerè amplectens Deum, &c.* Quæ quidem testatur Eusebius se accepisse ab ijs qui orationi eius interfuerant. Hinc patet eundem Deorum cultui à maioribus accepto, semper adhæsisse. Quid verò reponemus Ioanni Nicomediensi qui in actis memoratis S. Basilei Amaseni Episcopi, & martyris disertè affirmat Licinium quandoque Christianam fidem professum fuisse? Doctissimus Valesius in notis ad cap. 1. lib. 2. de vita Constantini non dubitat hanc censuram ferre: *Acta Basilei qua apud Metaphrastam extant, inepta mihi videntur & fabulosa.* Etenim ibidem recitatur passio Basilei Amaseni Episcopi iussu Licinij interfecti, cum tamen Philostorgius lib. 1. historiæ Ecclesiasticæ cap. 8. testetur adfuisse in Nicæna Synodo *ex Ponto Basileum Amasæa*, quod etiam apparet in fragmento Philostorgiano, quod adducit Niceta lib. 5. Theol. Orthod. fidei cap. 7. quod idem tradit Nicephorus lib. 8. cap. 4. Sanctus Athanasius oratione priori contra Arrianos scribit *ex Ponto magnum Basilium* Nicæam ad Synodum venisse. Quid? Eusebius qui ceteros insigniores Episcopos à Licinio trucidatos laudat, nusquam Basilei Martyris meminit.

Fateor quædam in actis Basilei Amasæ Episcopi parum veritati congruere; certè quæ de legato in Gallias Licinio traduntur, omnium scriptorum testimonijs falsitatis conuincuntur; constat enim eundem tyrannum Thessalonicam relegatum fuisse. Quare hic idem Auctor potuit errare in ijs quæ de religione Christiana Licinij in literas misit: fortassis tamen excusandus, quòd ex celebri edicto pro Christianis publicatio antequam Asiam occuparet, sanctissimæ religionis professor palam ab absentibus creditus fuit. Nunquam tamen ausim omnem actis laudatis fidem abrogare, cum in martyrologijs Græcorum pari er

ac Latinorum, itemque Chronico Eusebiano asseratur Basileus Amasiæ Episcopus sub Licinio Imperatore ob Christiani cultus professionem occisus. Eusebius in lib. 10. hist. Eccles. cap. 8. fusius crudelia Licinij in Episcopos gesta describens: *Modus porro, inquit, cadis quo illos sustulit, nouus planè nec ante unquam auditus. Sed quæ apud Amasiam & reliquas Ponti urbes perpetravit, omnem crudelitatis modum transcendunt.* Eadem reperit lib. 2. de vita Constantini cap. 1. ubi quamuis neminem Præsulum tyranni iussu extinctorum nominatim laudet, Basileum tamen in illorum numero fuisse suadet instituta apud Amasiam contra Christianos persecutio. Hæc leui brachio attingo; nam spero fore ut actis Basilei Amaseni integram fidem adstruant viri doctissimi Henschenius & Papebrochius in perennibus & nullo vnquam duo interituris commentarijs de gestis Sanctorum; siquidem testantur se in actis Sanctorum mensis Aprilis martyrium Basilei Amaseni cum Græcè, tum Latine exaratum, ac de more, hoc est, eruditissimis notis illustratum, ijsdem quos laudant, fauentibus Superis, impressisse. Hæc ex indiculo Sanctorum Aprilis à P. Papebrochio sibi transmissio significauit Antonius Magliabecus Musarum Aedificum, idemque omnium librorum helluo, ac litterarum toto Orbe scribentium diligentissimus & officiosissimus nomenclator, fautor, adiutor.

Interim Philostorgius mendacij conuincitur qui Basileum Athanasio ob Orthodoxi dogmatis professionem commendatum, decimo octauo loco inter Arianos apud Nicæam numerauit. At illum non fuisse insignem illum Amasiæ Episcopum ex subscriptionibus Nicænæ Synodi euincitur; ibi enim legitur *Eutychius Amaseæ* Basilei Martyris successor. Video tamen hic erratum esse à Collectoribus Conciliorum; nam Eutychius Amasæ ab ijsdem ponitur inter Episcopos Armeniæ maioris. Hinc Carolus à S. Paulo, & Labbeus cum Cossartio duas Amasias ponunt: vnã Metropolim Helenoponti, aliam in Armenia secunda intra dioccesim Primatis Melitenensis. Sed nusquam hæc Amasia in Armenia legitur; nam prouincia Armeniæ secundæ antiquitus *ex sex omnino constans urbibus* dicitur a Iustiniano in Nouella 31. ubi quatuor Armenias distinguit, earumq; cum veteres tum no-

uas vrbes recensens; nusquam Amasiz meminit. Idem patet in
 noticia Episcoporum Leonis Imperatoris ad Andronicum filium;
 vbi sex tantum Anneniz secundæ ciuitates recenset, quas inter
 nulla Amasia recitatur. Collectores Conciliorum cum legerent
 nomina Episcoporum qui Nicenam Synodum celebrarunt, con-
 tinuata serie ducta, eadem sub prouinciarum titulis seorsim po-
 suere. Hinc cum Eutyechius Amasiz Episcopus medius esset tum
 inter Eulogium Sebastenum metropolitam Armeniz primæ, &
 Euethium Satalensem, tum Heraclium Zelonensem, ac Elpidium
 Comanum, quos omnes norant in vtraque Armenia Episcopos
 fuisse, Eutyechium Amasenum Armeniz pariter Episcopis adnume-
 rarunt. Verum ex ignorantia Ecclesiasticarum dioceseon error
 deriuauit; nam inter Episcopos vtriusque Armeniz medio loco
 sedebat Metropoli Amasenus. Pater ex tabulis Leonis Sapien-
 tis, vbi post Episcopos Armeniz primæ, ponitur Metropoli-
 Amasiz cum cæteris Episcopis Helenoponti, post quos nomi-
 natur Primas Melitenensis cum suffraganeis Armeniz secundæ.
 In Synodo Chalcedonenſi sexcentorum ac triginta Patrum eo-
 dem prorsus loco sedebat Primas Amasenus; ita enim ibidem
 legimus.

Ioannes Sebastia metropolis prima Armenia.

Seleucus Amasia ciuitatis metropolitana Helenoponti.

Constantinus Melitena ciuitatis metropolis Armenia secundæ.

In Synodo S. Flauiani recitata act. 1. Concilij Chalcedonenſis
 dicitur *Seleucus Dei gratia Episcopus Amasia Helleſponti*, & in
 Synodo Ephesine *Palladius Amasia Helleſponti*. Legendum est
Helenoponti; siquidem Præful Cyzicenus erat metropoli Helle-
 ſponti. Pontus verò in duas prouincias diuidebatur, nempe in
 Helenopontum ob Helenæ matris honorem iussu Constantini sic
 appellatum, & Polemoniacum ab antiquo rege Polemone; hu-
 ius metropolis erat Neocæsarea, illius verò Amasia Strabonis
 Geographi patria, cuius situm idem lib. 12. diligentissimè descri-
 bit. In antiquis nummis Amasia inscribitur ΜΗΤ. ΠΡ. ΠΟΝ
 nempe: *Metropolis prima Ponti*, quòd Neocæsarea secunda erat
 eiusdem regionis metropolis. Quidam putant aliam eiusdem tra-
 ctus metropolim signari in nummis inscriptis ΤΟΜΕΩΣ ΜΗΤΡΟ.

N

ΠΟΝ-

PONTOR. *Tomos metropolis Ponti*. Tomi fuit vrbs metropolis Ponti in Scythia. Scribit Ammianus lib. 27. *Scythia in qua celebriora sunt alijs oppida Dionysopolis, & Tomi, & Calatis*. Tomi in Europa vrbs Ouidij exilio nobilitata; Amasia verò in Asia longo terrarum, ac æquoris spatio Tomis dissita, neuiquam eiusdem tractus oppida dici possunt; quare respectu vnus Neocæsareæ Amasia prima metropolis in nummis inscripta fuit. Extat etiam Numisma apud ornatissimum virum Patinum in Traiano cum epigraphe: *Nicomedia metropolis prima Ponti & Bithynia*. At non vacat hic antiquæ Ponti descriptionem inferere: cum plus iusto fortè digressus videar, vt acta Basilei Martyris, eiusdemque Catholici Antistitis fidem aduersus Philostorgium defenderem. Hæc sibi valdè probari affirmavit Carolus Datus, cuius nobilissimi viri cum familiaritate vtor, tum eruditione sæpè proficio.

Licinius qui per sexennium, priusquam Illyricum amitteret, nummos tum sua tum Maximini imagine obsignatos, cum inscriptione *Ioui conseruatori* Siscie cudendos, dein primo etiam Asiatici imperij quadriennio, eadem inscriptione signandos iusserat, huic tandem suo Ioui conseruatori maledixit. Author est Eusebius Licinium, antequam contra Constantinum aciem instrueret, hæc præ concione ad milites dixisse: *Si Djs nostris qui quàm plurimi sunt, & multitudine nunc utique antecellunt, vnus ille nescio unde profectus Constantini Deus superior extiterit, nemo posthac in dubium reuocet quisnam colendus sit Deus: sed ad potiorem accedat, eiquè victoria præmiū deferat*. Sperabat autem se Deos verè conseruatores atque auxiliatores habiturum. Lib. 2. de vita Constantini cap. 5. Victus apud Hadrianopolim A. 324. die 3. Iulij, serò licet intellexit, se inani voto *Ioui Conseruatori* fuisse, eoquè titulo in nummis frustra eundem coluisse. Itaque Iouem non conseruatorem, sed desertorem, imò inane numen appellans, *nonos*, inquit ibidem Eusebius cap. 15. *inuestigabat Deos, utpote à prioribus in fraudem inductus. Ne memoria repetebat quæ paulò ante de Djs in concione dixisset. Nec Deum qui pro Constantino pugnasset, agnoscere volebat, sed multo plures & nouissios Deos non sine risu ac ludibrio capis inquirere*.

95

Verum cum nulli Deorum plenè fideret, ac plus præsidij à probata fortissimi ducis virtute se habiturum speraret, Martinianum officiorum magistrum, in ruinæ potius quam imperij societatem asciuit. Extat in Bibliotheca Serenissimi COSMI III in signe volumen MS. Anonymi Antiquarij Panuini amicissimi, in quo huius nummi cætypus exhibetur: D. N. M. MARTINIANVS P. F. AVG. & in postica parte: IOVI CONSERVATORI. Huius Numismatis iconem profert Tristanus tom. 3. pag. 474. cum notis S. M. N. A. sc. *Signata Moneta Nicomediæ Anno primo*. Verum Licinius altero prælio apud Chalcedonem die 18. Septembris victus, vnà cum Martiniano nouo Augusto Nicomediam sese recepit, ibiquè à victore exercitu obfessus, facta deditione, in castra Constantini venit, ac vita Constantiæ vxoris precibus impetrata, priuatum hominem apud Thessalonicam degere iussus fuit, Martiniano statim occiso, vt Zosimus scribit, vel vt alij referunt, in Cappadociam relegato. Illud obseruo, laudatum Martiniani nummum omnium postremum IOVIS CONSERVATO-

RIS inscriptione obfignatum fuisse, cum illa ante annos

240. in Domitiani Col. X. Numismate primum ap-

paruerit, & in successorum Principum ac Iouio-

rum præcipuè nummis passim legatur. Ete-

nim Constantinus Iouis conseruatoris

inscriptione inhibita, aliorumq;

Deorum nominibus ac titu-

lis vetatis, victricis

Crucis trophæum,

ac Christi

Serua-

toris nomen in nummis obfi-

gnanda iussit, quæ qui-

dem in labaro, galeis

Imperatorum, ac

militaribus si-

gnis scalptra

visuntur.

CAPVT VI.

Annos imperij Augustorum in nummis passim scalptos. Scaligeri censura confutatur ac Nerua nummus explicatur. In Numismatibus Viminacij num annona, vel anni designentur. Vetus inscriptio perperam Tristano intellecta. De Frumentarijs Legionum. Annos Caesarum in nummis latinis numeralibus Græcorum notis expressos. Nomina urbium in iisdem notata. Licinij Nummus Nicomedia anno tertio eiusdem in Asia imperij obsignatus.

IN nummis annos imperij Augustorum passim obsignatos videmus. Initio quidem scalpebantur anni Tribunitiæ potestatis, à quibus anni imperij deducebantur. Horum author venit Dio lib. 53. *Gerere quidem, inquit, tribunatum plebis nefas ducunt Imperatores, quum ipsi utique patricij sint: omnem verò Tribunitiam potestatem quantum unquam maxima fuit, accipiunt: & quia quotannis eam cum Tribunis plebis renouant, annorum imperij ipsorum hinc summa colligitur.* Eadem verò die qua annos imperij, annos quoque Tribunitiæ potestatis iterasse ex nummis & lapidum elogijs constar, idque à Panuino satis abundè demonstratum est. Anni Tribunitiæ potestatis vsque ad Claudij II. imperium in nummis præculi sunt; deinde iisdem omis-
 tis, notæ numerales Græcorum in vsum venere. Græciæ vires initio annos Tribunitiæ potestatis in nummis obsignabant illis notis ΔΗ. ΕΞ. nempe Διῡαρχικὴς Ἐξῆστιας *Tribunitiæ potestatis*, vel post literas Α. vel Λ. numerum annorum imperij exprimebant. Hoc vltimum adeo confidenter Scaliger inficiatur, vt opinionem iocularē irrisionis causa huncupauerit in notis Eusebianis num. 2194. *alias, inquit, M. Antoninum necesse fuerit hoc pacto imperasse XXXIII. annos cum Λ. ΑΔ. in eius nummis legamus. Item in nummis T. Vespesani Λ. ΙΑ. qui biennium imperauit: in nummis Neruæ Α. Γ. qui vix inchoauit annum secundum imperij.* Verùm palam Scaliger hallucinatur; ignorans in laudatis nummis exprimi annos Tribunitiæ potestatis M. Antonini, ac Titi, qui
 toti.

totidem in nummis & antiquis faxis leguntur. Vterque Tribunitiā potestatem accepit, antequam soli imperium capassent, Titus enim cum Vespasiano patre, & M. Aurelius cum Antonio Pio plures Tribunitiā potestatis annos numerarunt. In nummo Neruæ annus tertius designatur: qui quidem tertius imperij annus attribuitur Neruæ in nummis etiam latinis apud Occonem & Goltzium, & in antiquo lapide Gruteriani thesauri pag. 185. cum tamen certum sit Neruam A. 96. epochæ vulgaris die 18. Septembris post occisum Domitianum, ad imperium euectum, & decimo septimo postea mense imperandi & viuendi finem fecisse, ex Dionis excerptis, Clemente Alexandrino lib. 1. Stromat. & Theophilo Antiocheno lib. 3. ad Autolicum. Quare obijt Nerua mense VII. Trib. Pot. II. Itaque vel vbique erratum est in assignando eidem anno tertio; vel fortè idem Kalendis Ianuarijs præter morem cum tribunis plebis Tribunitiā potestatem bis iterauit. In nummo Græco Neruæ apud Goltzium legitur disertè ETOTC TPITOT. *Anno tertio*. Ex alijs tamen nummis error planè corrigendus est. Etenim tum apud Occonem, tum apud Goltzium extant nummi eiusdem inscripti TR. P. II. COS. III. IMP. II. Gessit autem consulatum IV. A. 98. quo ineunte, nempe die 27. Ianuarij, diem obiit.

In nummis Græcis quandoque annus imperij Caesarum disertè & sine notis designatur. Extat nummus in cimeliarchio Serenissimi Cardinalis cum epigraphæ: A. KAI. TAKITOC CEB. ETOTC. A. *Imperator Caesar Tacitus Anno primo*; & in gaza Magni DVCIS visuntur duo Numismata Diocletiani cum inscriptione ETOTC B. ETOTC F. nempe in vno: *anno secundo*; in altero *anno tertio*. Nusquam anni sculpti leguntur in nummis latinis, præterquam in ijs qui Viminacij in Myſia superiori cusi sunt; sed ut ingenuè fatear, nullus hucusque illarum notarum veram interpretationem inuenit. Extat nummus Philippi Imperatoris apud Trifanum tom. 2. pag. 557. cum epigraphæ P. M. S. COL. VIM. & in inferiori parte ANN. VII. hoc est, inquit Trifanus, *Provincia Myſia superioris colonia Viminacium. Anna septima*. Etenim ait Legionem VI. Victricem cognomento *Frumentariam* in Myſia statua habuisse, ac annonæ in hortea duc-

deuehendæ securitati præfuisse; siquidem in veteri saxo in quo colonia Viminacium legitur, laudatur *P. Antonius Victor* MIL. LEG. VI. VICTRICIS. FRVM. scilicet, *Frumentaria* cui interpretationi eruditus amicus noster fidem accomodauit. Verùm, nemo non videt grauem iniuriam Legioni VI. irrogari, quæ ob fortiter in prælijs gesta *Victricis* titulum honoris causa decora; ta, ad plaustra & angarias postea deprimitur; tanquam deuehendæ annonæ præsidio vnicè destinata. Sed planè legendum est *P. Antonio Victori militi Legionis VI. FRUMENTARIO*. Hoc constat ex altero saxo apud Gruterum pag. 530. & Bionium A. 261.

T. AVRELIO. PIO.
MIL. LEG. VI. VICTR.
FRUMENTARIO. &c.

Baronius eruditè hosce milites Legionum Frumentarios ex antiquis scriptoribus probat ad annum 261. Græci etiam hunc militem *επουμιστάριον* appellabant, vt patet ex epistolis Dionysij Alexandrini apud Eusebium lib. 6. cap. 40. Vnum hic addam quod in Baronij annalibus desideratur, Diocletianum Frumentariorum ordinem extinxisse, quòd teste Victore Schotti *cum ad explorandum annuncianumque, qui fortè in prouincijs motus existerent, instituti viderentur, compositis nefariè criminationibus, iniecto passim metu, precipuèque remotissimo cuiquè, cuncta fuxè diripiebant*. Certè Hadrianum *per frumentarios occulta omnia explorasse* testatur Spartianus cap. 11. Sed nec interpretatio de annonarum illatarum numero subsistit; siquidem in nummis Philippi legimus *PROVINCIA DACIA AN. II*. Est hoc Numisma in scrinijs Serenissimi LEOPOLDI. Rursus in nummo Aemiliani apud Patinum visitur *PROVINCIA DACIA AN. VII*. In nummis verò Viminacij Decio imperante in gaza Magni *DVCIS* extat inscriptio *AN. XI*. quis autem putet ab vna vrbe, quàm ab vniuersa prouincia, pluries annonam in horrea publica deportatam? Hinc alij arbitrantur in laudatis nummis designari annos deduxæ sub Gordiano coloniz; nam extat nummus Gordiani inscri-

inscriptus COL. VIM. AN. I. dein plures recta annorum serie sub eiusdem ædecessoribus numerantur vsque ad Decium, quo imperante nummi Viminacij signantur: AN. XI. & XII. Hæc tamē explicatio falsitatis apertæ conuincitur. Etenim laudantur à Goltzio nummi Alexandri & Iulix Mæsx cum epigraphæ COL. VIM. AN. I. & AN. II. ex quibus patet Viminacium iure colonix exornatum, antequam Gordianus ad Romanæ rei fastigium eueheretur. Præterea in scrinijs Numismatum Serenifs. Cardinalis ab Etruria in eadem tabella visitur nummus Gordiani cum epigraphæ: COL. VIM. AN. V. & duo Philippi, quorum vnus inscribitur: COL. VIM. AN. III. alter verò AN. IV. Itaque non exprimuntur anni à deducta colonia, cum iidem nequaquam recta serie deducantur, sed iterum sub Gordiano, & postea imperante Philippo, inchoati appareant. Certè in nummis Daciæ non exprimuntur anni colonix deductæ. Quare res mihi in obscuro latet; video enim facilius esse aliorum interpretationes confutare, quàm quicquam certi statuere.

In nummis post Gallienum à Latinis percussis, anni imperij Principum numeralibus Græcorum notis indicari cœpti sunt. Sanè in Maximini, & Licinij nummis Siscix percussis, id ad oculum patet; in ijs enim visuntur A. B. Γ. Δ. E. Ϛ. quibus notis sex anni eorundem Cæsarum designantur, nec vllus antiquariæ rei peritus id hucusque in dubium reuocauit. Quinque Licinij Numismata cum epigraphæ: IOVI CONSERVATORI Siscix cusa laudat Occo; illorum postremum E. obsignatur, quo quintus eiusdem in Illyrico imperantis annus exprimitur. Cum verò idem Augustus debellato Maximino, Asiam in suam potestatem redegisset, anni imperij Asiatici eiusdem numerari cœpti sunt. Extat apud eundem diligentissimum antiquarium nummus Licinij in inferiori parte postica obsignatus: S. M. N. A. Alter visitur Licinij nummus apud laudatum Canonicum Basserum cum notis S. M. N. B. Tertius est insignis Serenissimi Cardinalis obsignatus: S. M. N. Γ. in quibus tres Liciniani in Asia, vbi nummos illos cufos ostendam, imperij anni indicantur. Has ergo Græcas literas annos imperij explicare certum est, neque maiorem ad rem manifestam illustrandam operam ponam.

Illis

Illis prioribus literis S. M. N. vrbs in qua cusa est pecunia designatur, nempe *Signata moneta*, vel *Sacra moneta Nicomedia*. Video etiam monetam quandoque diſtam diualem. Nummus Theodoſij apud Oconem in auerſa parte epigraphen præſert VICTORIA AVGG. & inferius M. D. CON. OB. ſcilicet *Moneta Diualis Conſtantinopoli obſignata*. Ita & Iſiræ Auguſtorum paſſim *diuales* nuncupatæ, ſicut pleraque alia quæ ad Imperatores ſpectabant, vt eruditis compertum eſt. Numinus Licinij apud Dn. Baſſetum extat cum inſcriptione: IOVI. CONSERVATORI AVGG. in inferiori parte: S. M. ANT. & in medio E. hoc eſt: *ſignata moneta Antiocchia anno quinto*. Nempe anno 318. quo circa Maium annus quintus imperij Licinij in Aſia inchoabatur. Ex quibus lucet minus rectè in annabz bellum poſtremum Licinij cum Conſtantino, eiſque ad priuatam ſortem deiectionem ad illum annum referri, neq; enim in nummis Conſtantinus hoſtis nominatus fuiſſet ab Antiochenis qui Licinio parebant.

Nicomedia ab imperio Diocletiani erat regum domicilium Auguſtorum in Aſia commorantium; vbi plura eiſdem Principis reſcripta ſignata leguntur in Cod. Iuſtiniano. Anno 303. ferale illud contra Chriſtianos edictum Nicomediæ primùm propoſitum fuiſſe teſtatur Eusebius lib. 8. cap. 5. præſente ibidem Imperatore, cuius *conclauæ & palatium* vltore Numine, id temporis fulmine depaſtum, fuiſſet oculis vidiffie affirmat Conſtantinus Auguſtus in cap. 25. orationis Sanctorum cœtui inſcriptæ, Maximinum in eadem vrbe degiſſe patet ex eiſdem edicto cap. 2. recitato. Licinius victo Maximino, Orientalis imperij ſedem apud Nicomediã fixit. Hæc ſcribit Ioannes Nicomediensis in actis S. Baſilei Amaſeni: *Licinius cum totum Orientem ſub ſe haberet, magno cum apparatu ad noſtra regionis urbem Nicomediã venit unà cum coniuge ſua, ut in regia domo habitaret, & Orientalis imperium teneret*. Hinc Marcellinus lib. 22. vocat Nicomediã *urbem inclutam, ita magnis retro Principum amplificatam impenſis, ut adium multitudine priuatarum & publicarum, rectè noſcensibus regio quadam Urbis æſtimaretur aterna*. Diocletianus, teſte Victore Schotti, eandem ſplendiſſimis ædificijs exornauerat.

uerat. Anno 324. Licinius Nicomedia à Constantino obsessus, se urbemque victori dedit, anno imperij sibi à Galerio delati XVIII. Asiatici verò XI. Constantinus Nicomediam ingressus, ibidem celeberrimam epistolam *ad Sanctorum cætum* inscriptam vulgauit, in qua Idolatrici cultus vanitatem euellit, ac Christianæ religionis sanctitatem laudat, ac communit. In cap. 25. legitur: *Testatur hæc urbs Nicomedia, &c.* ut plane non absq; diuinæ prouidentiae consilio factum putem, ut ex eadem vire, vbi sæuissimum contra Christianos edictum ante unum supra viginti annos conditum fuerat, leges postea pro euertendis Idolis, ac Christiano culto seruando, pietissimus ac religiosissimus Imperator emitteret. Nicomedia moneta cudebatur, & adhuc plurima ibidem obsignata antiquitus Numismata in cimeliarchijs visuntur. Est insignis Nummus in Gaza Medicea cum epigraphe: AT. KAICAP. ANTΩNINOC. NIKOMHAEIA C MHT. KAI. ΠΡΟΤ. *Imperator Caesar Antoninus. Nicomedia Metropolis, & prima.* Extat elegans Dionis Chrysostomi oratio ad Nicomedienfes, dum de primatu cum Nicæensibus contederent, quorum hæc verba vellicat: *Pro primis partibus litigamus.* Frequentia sanè fuere inter veramque Urbem de primatu Bithyniæ litigia. Legantur literæ Valentiniani, & Valentis ad Nicomedienfes & Nicæenses datæ, quæ recitantur act. 13. Synodi Chalcedonenfis, vbi Imperator decernit Nicæam esse *secundo loco* Bithyniæ metropolim, laudans *priscam consuetudinem.* Et quidem postquam Nicomedia imperij sedes posita fuit, non tantum Bithyniæ, sed totius Orientalis imperij vrbis princeps euaserat.

Itaque cum Licinius Augustus apud Nicomediam regium domicilium statuisset, decennalia imperij ibidem celebravit. Quare Nicomedienfes, ut inter splendidissimam decennalium pompam egregio facto Augusti gratiam sibi quam maximè conciliarent, nummos procudere, in quibus Licinij vota decennalia soluta, simulque vicennalia nuncupata obsignarunt, eosque specioso titulo OBLATIONIS DEVOTÆ Licinij pueri Licinij Aug. F. inscripserunt. Horum vnus est aureum Serenissimi nostri CARDINALIS Numisma, cuius interpretationem rudi ac debili eruditione tentabam.

1. The first part of the paper is devoted to a general discussion of the problem of the origin of life. It is shown that the problem is not only a scientific one, but also a philosophical one. The author discusses the various theories of the origin of life, and shows that the most plausible one is the theory of spontaneous generation.

ERRANTEM CAPTIVUM
PARERGON
CHRONOLOGICVM
DE VOTIS DECENNALIBVS.

PARERGON
CHRONOLOGICVM

DE VOTIS PNEUMATICIS.


Ad Illustrissimum & Amplissimum Senatorem

FERRANTEM CAPPONIUM

SERENISSIMI MAGNI DVCIS ETRVRIÆ

Vigilantissimum ac Solertissimum Auditorem, &c.

P R A E F A T I O



VM nuper, Illustrissime & Amplissime Senator, meorum Auditorum calculum exigeres, ac tibi significassem me in explicandis Decennialibus Licinij Augusti stylum exercere, difficilem mihi questionem intulisti, num hac veterum Principum solemnia anno imperij decimo inenunte, vel potius euoluto peragerentur; cui quidem difficultati cum actutum soluenda non essem, rem me in examen vocaturum promisi. Itaque veterum Auctorum voluminibus, atque antiquorum lapidum ac Numismatum inscriptionibus summa diligentia ac pertinaci studio perlustratis, Decennialia Imperatorum suo quaque tempore acta, liseris mandavi. Verum cum intelligerem, hac nimiam fortè curiositatem redolere, nec scribentis laborem pari Lectorum utilitate pensari, id consilij cepi, ut hac occasione consulares tabulas sequiore Augustorum aetate digestas, ac temporum iniuria fœdatas, pristino nitiori restituerem. Hæc leuia ac planè inglorius labor quibusdam censebitur; pauci enim sunt, qui in illas se annorum tricæ executiendas committere audeant, sed insignium scriptorum vestigia, longo licet intervallo sectantes, non modo omnem inquirendi veri molestiam effugiunt, verum etiam illos qui eam in rem diligentiore curam intendunt, quasi veterum contemptores accusant, ingenia non secus ac vina, vetustate commendantes.

res. Sed horum me nisi nequitiam morari potuerunt, quominus proposito abs te quasito responsurus, Romanorum Principum chronologiam ac veteres factos, si non ad incudem, ad limam saltem reuocarem. Quod si meis hisce nugis, quas esse aliquid putare soles, albos calculos adieceris, magno iudice à morosorum, ne quid durius dicam, censuris absoluar. Etenim nemo non intelligit, quantum tuo iudicio deferendum sit, qui ex *Astrea* solio vice sacra iudicans, iura Etruscis gentibus reddis; ex *Themidis* cortina sententias, imò oracula promens, longioribus litigijs supremam diem imponis: splendida Equestris *S. Stephani* militia, ac *Pisani* pariter *Atheni* arbitria facis, ut ingens armatorum Equitum globus, ac frequentissimus sacris Musarum operantium chorus tuo tribunali sistatur. Ita illi formidatos barbaris enses: hi verò celebratos editis voluminibus stylos, tuo pari clementia ac seneritate fulguranti supercilio submitunt; & dum uterque nobilissimus Ordo vita sua ac fortunarum causas rerum DOMINO per te aperiendas expectat, eiusdem potentissimi, & qui proprius illius titulus est, sapientissimi Principis gratiam, te conciliatore, sibi feliciter ominatur, Et quidem, ut de me loquar, cum Serenissimi Magni Etruria DVCIS lateri adherens, *Pisis* versarere, quoties ex altiori tribunalium solio ad humilia adolescentium subsellia descendens, Ecclesiastica Historia scholam, lectiones, quas è cathedra dictabam, audisturus intrebans, quantum angusta illa Sapientia delubra tua presentia radijs illustrabas, tantum ipsdem Professoris oculos mentemque hebetabas, ut secus ac de *Memnonis* statua prodidere, elinguis penè ac mutus euaderem. Verùm quòd frequentius ad me audiendum accedebas, sumpto animo, securiori voce sacra illa loquebar. Hinc crescente audacia, chronologicam dissertationem, siue stylum spectes, vel ipsa pumice aridiorem, tuarum gratiarum flosculis ornandam exhibeo, ut eadem comitate qua loquenti aures, scribeanti oculos etiam commodes. Itaque hæc tibi Romanorum Principum Decennalia nuncupo; alij tua quoque probati Etruria Dominis ministerij DECENNIA, hoc est, aureum *Astrea* seculum à *Ferrante* restitutum, grandiori stylo seris posteris commendabunt.

DISSERTATIO CHRONOLOGICA DE VOTIS DECENNALIBVS.

CAPVT I.

*Decennalium Votorum origo, Sacrificia, Ludi, Largitiones
Principum, Urbium oblationes, Panegyrici.*



Antequam decennalium Augustorum chronologiam aggrediar, operæ pretium duxi nonnulla velati præmij loco præmittere, quæ eadem festa plurimum, vt ego quidem arbitror, illustrabunt. Vota pro Reipublicæ incolumitate tum in quinquennium, tum in decennium Romanis antiquitus nupcata, Latinæ Historiæ conditor Liuius passim tradit. Flaminio cum legionibus ad Thrasimenum ab An-

nibale cæso, vota quinquennalia suscepta sunt: *Sires Populi Romani ac Quiritium ad quinquennium proximum salua seruata erit: Hæc laudatus scriptor lib. 2. dec. 3. Idem lib. 1. dec. 3. scribit: Caius Attilius Seranus Prætor vota suscipere iussus, si in decem annos R. P. eodem sterisset statu.* At ciuilibus odijs euerfa Republica, ac Romani Orbis imperio ad Augustum ac successores Principes deuoluto, vota quinquennalia ac decennalia pro Imperatorum incolumitatē concipi cæpere. Etenim Augustus veritus, ne Populus plurimum seculorum liberatati affuctus, vnus imperium excuteret, in decennium, dein in quinquennium, denique in plura rursus decennia Romani imperij regimine assumpto, inuidiam æquè ac periculum se declinaturum putauit. Itaque teste Dione lib. 53. septimum consulatum gerens A. V. C. 727. à parilibus ineunte, Romani Orbis imperium in decennium capessiuit. Scribit Censorinus cap. 21. de die Natali, id contigisse ex ante diem decimum sextum Kal. Februarij. At Ouidius lib. 1. fastorum Idibus Ianuarijs id actum dicit.

Idibus in magni castus Iouis ade Sacerdos

Seminaris flammis viscera libat onis.

Redditaque est omnis populo prouincia nostro,

Et tuus Augusti nomine dictus annus.

Peta-

Petauius lib. 10. de doct. temp. cap. 70. Censorino consentit. Panuinus lib. 2. fastorum V. C. 727. rem in medio relinquit. Scaliger lib. 5. de emendat. temp. pag. 427. indignatus antiquos secum inuicem discrepare ait: *Quis igitur finis contradicendi futurus, si de re tam insigni ne inter veteres quidem constat?* Profectò memoranda videtur dies quæ Romanæ monarchiæ initium dedit; hætenus enim Augustus quæsitam armis dominationem, armis itidem sibi seruauit, ac vi occupatum imperium septemdecim annos tenebat, quod cum serio, an per simulationem deponere vellet, effecit ut illud sibi ultro à S. P. Q. R. deferretur, quod memorato Urbis anno 727. in decennium admisit. Insignem diem vetusta inscriptio Narbonensis Augusto dicata designat apud Gruterum pag. 229. cuius fragmentum, quod rem nostram attinet, subijcio.

VII. QVOQVE. IDVS. IANVAR. QVA. DIE. PRIMVM.
IMPERIVM. ORBIS. TERRARVM. AVSPICATVS.

EST. THVRE. VINO. SVPLICENT. ET.
HOSTIAS. SINGVLAS. IMMOLENT.

Ex hoc tam luculento testimonio patet Augustum non die 17. Ianuarij, uti scripsit Censorinus, neque 13. ut voluit Ouidius, sed planè septima imperium in decennium suscepisse, à qua die celebris annorum Augustorum Epochæ Censorino laudata, exordium duxit. Dicata est insignis illa inscriptio A. V. 764. nam ibidem Augustus dicitur TRIB. POTEST. XXXIII. & in titulo legitur: *T. Statilio Tauro L. Cassio Longino Cos. X. Kal. Octobr.* Ex quibus mirari liceat Panuini ingenium, qui ex lapidis fragmento quod pag. 295. operis Gruteriani exhibetur, scripsit Cassium Longinum à Kal. Iulij in locum Aemilij Lepidi consulis ordinarij A. V. 764. successum fuisse.

Cum A. V. 736. ad parilia VII. idus Ianuarias decimus confirmati imperij annus Augusto exitet, in proximum quinquennium, ac dein alterum, regimen rursus accepit, teste Dione lib. 54. quo elapso iterum in decennium rem Romanam moderandam suscepit, quod & quintem denique iteravit. Porro ineunte singulo quoque decennio vota pro eiusdem incolumitate nuncupabantur, & decennio evoluto soluebantur; atque hinc decennialia Imperatorum deriuasse tradit Dio lib. 53. *Quam ob causam, inquit, posteriores quoque Imperatores, etsi non ad certum tempus, sed per omne vitæ spatium hæc imperium deferant, tamen singulis decennijs festum pro eius renouatione agunt, quod hodie etiam fit.* Itaque vota decennialia exente anno decimo augustinæ dominationis, soluebantur, & in proximum decennium iterabantur.

Cum

Cum idem Augustus exacto priori decennio in quinquennium rursus imperium regendum suscepisset, altero eiusdem quinquennij anno, ex Dione lib. 54. L. Domitio & P. Scipione Coss. V. C. 738. Agrippa ludos quinquennales propter eiusdem principatum dedit. Hinc Caesarum quinquennalia exordium sumpsere: Nero euoluto primo imperij quinquennio, ac altero inchoato, ludos quinquennales celebravit. Scribit Tacitus lib. 14. Ann. Nerone IV. Cornelio Coss. Coss. Quinquennale ludicrum Romæ institutum est ad morem Græci certaminis. Idem verò lib. 16. Silio Nerua, & Attico Vestino Coss. ait: *Ac fortè quinquennale ludicrum secundo lustro celebrabatur.* Hi tamen ludi quinquennales perpetui à Nerone conditi sunt, vnde & eisdem exhibuisse Gordianum testatur Victor Schott: *Eoque, iniquens, anno lustri certamine quod Nero Romam invexerat, aucto firmoque, in Persas profectus est.* Ludi verò quinquennales iuxta initii imperij diem, quinquennio exacto, Imperatoribus edebantur. Scaliger Neronis quinquennales singulo quoque quinquennio incunte datos scribit lib. 5. de emend. temp. pag. 440. hinc de agone Neroniano à Gordiano exhibito ait: *Is fuit agone quadragesimus sextus.* Ibidem etiam Tacitum reprehendit, quòd ludos quinquennales sexto anno iterum à Nerone peractos scribit. At Scaligerum turpiter hallucinatum, Lipsius in notis ad Tacitum, alique eruditi obierunt. Nero instituit ludos quinquennales A. V. C. 813. Christianæ Epochæ 60. Cyclo Solis XIII. Lunæ IV. Nerone IV. & Coss. Eisdem iterum dedit A. V. 818. Æræ Christianæ 65. Cyclo Solis XVIII. Lunæ IX. Silio Nerua, & Vestino Coss. Itaque euoluto statim quinquennio exhibiti sunt; neque enim uti Olympici ludi incunte quinto, sed in fine quinti anni edebantur, vnde rectè Neronianum agona *lustri certamen* Victori appellatum; lustrum enim ex annis quinque solidis conflatur. Ex his patet Gordianum dedisse agona Neronianum, XXXVII. V. C. 993. Christi 240. Vettio Sabino, & Venusto Coss. Quinquennales Neronis in eiusdem nummis signantur apud Occonem: NERO CAESAR AVG. & in postica: CERTA. QVINQ. ROM. & pag. 116. antiquarum inscriptionum legitur: NERONIS QVINQVENNALIB. Scribit Suetonius in Nerone cap. 21. *Cum magni æstimaret cantare, etiam Romæ Neroneum agona ante præstitutum diem renocavit.* Quibus verbis non quidem annum sed anni tempus illud anteveruisse significat; cum anno quinto idem ludicrum repetitum Tacitus dicat. De his hætenus. Ceterum quinquennia imperij, de quibus sermonem institui, memorantur apud Ianfridum in Diadumeno cap. 2. Spanhemius disert. 7. de usu & præst. Nummis. pag. 646. nummum Postumi exhibet cum epigraphe: QVINQVENNALES POSTVM AVG. Postumus anno Augustæo 290. imperium in Gallijs per tyrannidem exercebat. Nulla Imperatorum in

Numismata ante hoc Postumianum, quinquennalia imperij exhibent, quæ tamen à Constantini imperio in nummis Caesarum frequentissimè occurrunt.

Festa decennialium splendidissima pompa agebantur. Et primò quidem sacrificijs ac votis ad aras Diuum. Laudatur in antiquis inscriptionibus pag. 116. vetustus lapis in Romano foro sub arcu Septimij effossus, in cuius priori latere legitur: CAESARVM DECENNIALIA FELICITER. In altero latere pergunt ad sacrificium, primò Sacerdos vestitu Gabino super humerum cinctus; deinde magistratores duo cum suis malleolis, quodam canistrum cum fructibus deferente. Sequuntur veruex, & aries coronatus, ac taurus cinctus stolatusque. Dicebantur id genus sacrificia *Suonetaurilia*, de quibus agit Gutherius lib. 4. de vet. iure Pont. cap. 18. & SVOVETAVRILIA MAIORA leguntur in veteri saxo pag. 121. operis Gruteriani. In tertio latere visitur Sacerdos, cui Victoria vellem imponit, idemque pateram vini in ignem, qui in tripode est, infundit. Adhuc etiam puer duabus fistulis vnà in os insertis canens, qui itidem visitur in insigni Numismate Mediceo, in quo sacrificium ludis secularibus Domitiani factum exhibetur. Denique in quarto latere nouem Sacerdotes ordine procedunt, quos inter duo cohortium signa cernuntur. Hæc fuere decennalia Constantij senioris ac Maximiani Galerij, vel Seueri & Maximini, aut filiorum Constantini, & Licinij junioris; nam illi tantùm vnà simul Caesares fuere. Vota decennalia in hæc ferè verba ad aram Iouis Capitolini concipiebantur. *Preces posco Iupiter, uti sis volens propitius in decennium. N. Augusto; quod si facis: tunc tibi votum boue aurato vouemus esse futurum. Ludis Circensibus vouemus esse futurum. Ludis gladiatorijs vouemus esse futurum, &c.* Similem ferè formulam eorundem votorum concinnat Panvinus lib. 2. fast. V. C. 727. Tertullianus in libro de corona militis cap. 12. describens vota, non quidem decennalia, sed quæ quotannis III. Non. Ianuarias pro incolunitate Imperatorum nuncupabantur, ait: *Ecce annua votorum nuncupatio, quid videtur? prima in principijs, secunda in Capitolijs. Accipe post loca, & verba: Hunc tibi Iupiter bouem cornibus auro decoratis vouemus esse futurum. Viri eruditi minùs rectè hunc Septimij textum intellexerant. Baronius ad A. 315. initio ait: Principia appellat domum. Principis; at Pamelinus in notis interpretatur, in principijs imperij. Falsa utraque interpretatio. Principia erant loca castrorum, vbi milites legionarij, principes nuncupati, debebant. Erant autem principes in vnaquaque legione mille ac ducenti ex Polybio lib. 6. quo loci ait in legione milites ita à Tribunis distribui solitos: natu minimos & pauperrimos in velites; proximos his in hastatos; atatem florentissimam in principes; maximos natu in Triarios. Hinc milites apud Te-*

rentium in Eunuchō IV. 7. *Tu hosce instrue; hic ego ero post principia.* Pollio in Regelliano ait: *Cum alia die mane processisset, à principijs Imperator est salutatus.* Res ex Varrone, Lino, Floro, Vegetio, alijsque patet, & pag. 347. antiqua inscriptio legitur dicata, militi PRINCIPI ET PRIMIPILLO LEG. VII. Itaque à militibus in castris vota primum pro Imperatore suscipiebantur; postea à civibus in capitolio. Gruterus ait legendum *capitolio*, non *capitolijs*, ac mendum ex voce *principijs* irrepsisse. Sed non video cur eo scrupulo tangamur; nam & Virgilius *capitolia* sæpius dixit. Bullingerus lib. 1. de Imp. Rom. cap. 35. textum Tertulliani ita legit: *Hunc tibi Iupiter bouem cornibus auro decoratis vouemus esse facturum, idest, esse facturos.* Miror virum doctum in fragmentis inscriptionum, quas ibidem laudat, non adnotasse passim legi: VOVIMVS ESSE FVTVRVM. Ceterum perperam scribitur: *Hunc tibi Iupiter bouem, &c.* quasi bos altero anno mactandus, votorum nuncupationi præsens adfuerit; est enim legendum *Nunc*, ut votum præsens exprimat; vel certe cum nostro Moreau in notis ad illa verba, *Tunc* ut hostiam lato tempore mactandam indicet; nam est vetus inscriptio pag. 119.

Quod si FACXIS. TVNC. TIBI. IN EADEM. VERBA bouem
fronte AVRATA. VOVIMVS. ESSE FVTVRVM.

Gallienus, teste Vopisco cap. 7. decennia celebrant nouo genere ludorum noua specie pomparum, exquisito genere voluptatum. Primum, verò eiusdem processum describens cap. 8. Omnes viæ, inquit, ludis, strepituque, & plausibus personabant; ipse medius cum pilla toga & tunica palmata inter patres (ut diximus) omnibus sacerdotibus prætextatis Capitolium petijt. Hostiarum pompa præmiserat. Etenim processerunt etiam atrinsecus centeni albi boues, cornibus auro iugatis, & dorsalibus sericis discoloribus præfulgentes. Agnæ caudentes ab utraque parte ducentæ præcesserunt. Et cap. 9. Sic confecto itinere, celebratisque hecatombis, ad domum regiam redijt. Cum centum hostiæ ad aram mactabantur, id sacrificij hecatombe dicebatur; qua de re legendus est Capitolinus in Maximo & Balbino cap. 11. Ceterum superstitioso Idolorum cultu antiquato, Constantinus, alijsque Christiani Augusti ad aram Dei Opt. Max. pro decennijs, ac vicennijs vota peragebant. Eusebius in oratione quam tricennalibus Constantiniani recitauit, pia Principis Orthodoxi vota, facta cum impuris Ethnicorum Cæsarum festis comparatione, describens ait: *Solus ex omnibus qui Romano imperio unquam præfuerunt, tertio iam decennalium circuitu à summo omnium Imperatore Deo honoratus hanc festiuitatem non terrenis quibusdam spiritibus, ut veteres illi; nec spectris Demonum imperitam multitudinem seucentium; nec fraudibus aut com-*

mentis hominum impiorum celebrat. Sed ipsi à quo honoratus est Deo, gratias persolvit: conscius scilicet bonorum quæ ab eo accepit. Non veterum ritu palatium crure ac tabo inquinans; nec fumo & igne, & holocaustis terrenos demones placans: verum summo omnium regi gratam & acceptam victimam, suum videlicet regium animum, ac mentem Deo dignissimam consecrans &c. Hanc igitur maximam hostiam ante omnes risè immolat Imperator. Immolat verò vtpotè bonus pastor, non

Agnorum cadens primogenitorum hecatombas:

Sed rationalis gregis qui ab ipso pascitur, animos ad cognitionem Dei cultumque perducens. Hæc ille.

Inter votorum ac sacrificiorum solemnia primus decennalium dies exhibat, reliqui Circensibus ac theatralibus ludis deputabuntur. Valesius in notis ad orationem Eusebij de laudibus Constantinianis ait: *Durabat hæc festivitas vno aut altero die, quo Circenses ac Theatrales ludi edebantur.* Longius eadem solemnia extendit Ricciolius in Chronologia, vti iactat, Reformata; etenim in magno Chronico. ad A. 320. ait: *Romæ quinquennialia Cæsarum celebrata anno 15. Constantinianis hoc anno à die 25. Septembris (voluit dicere Iulij) inito; ideoque ad annum quoque sequentem pertinentia.* Cum hic scriptor illorum Cæsarium inaugurationem statuatur cum Baronio ad A. 315. & anno quinto evolutum, nempe 320. quinquennialia festa recitet, nescio cur sexto quoque anno elapso eadem solemnia peracta affirmet. Profectò hæc Reformata chronologia quinquennialium reformanda est. Sed nec Valesii numerus constat; siquidem Severus integram hebdomadam decennialibus ludis impendit. Hæc scribit Dio apud Xiphilinum: *Tum edita sunt varia spectacula propter reditum Severi, & decennium principatus eius. Postea: Septingenta feræ, mansuetæque bestię simul concurrere, & postea confodi visæ sunt. Occisæ enim singulis diebus centum pro numero dierum festorum, qui septem fuerunt, septingenta sunt occisæ.* Trebellius Pollio cum cap. 9. dixisset Gallienum priori die decennialium festorum hecatombem celebrasse, ait: *Ad domum regiam redijt: convivijque & epulis depulsis, alios dies voluptatibus publicis deputabat.* Et quidem pluries ipsum ad edendos ludos processisse, ex ijs quæ recitat cap. 8. intelligitur. *Præcesserunt, inquit, & decem elephanti, qui tunc erant Romæ, mille ducenti gladiatores pompaliter ornati, cum auratis vestibus matronarum; mansuetæ feræ diversi generis ducentæ ornatu quàm maximo affectæ. Carpentæ cum mimis & omni genere lustrorum, pugiles flaculis non veritate pugnantes. Cyclopea etiam luserunt omnes apenarij, ita ut miranda quadam & stupenda monstrarent.* Itaque diversis ille diebus dedit ludos gladiatorios, amphitheatrales, scenicos, & thymeliacos, &c. At Christiani Imperatores gladiatorum ludis omisiss, Circenses ac Theatrales tantum exhibebant. Scribit Marcellinus lib. 14. *Arelate agens Constantius, post theatrales lu-*

dos

dos atque Circenses ambizioso editos apparatu die VI. Idus Octobris qui imperij eius annum tricesimum terminabat, &c. Verum errauit Marcellinus Octobrem pro Nouembri scribens; nam in veteri Calendario apud Bucherium pag. 287. VI. Id. Nouembris legitur: Natalis Nerae, & Constanti cm. XLVIII. quod item tradit Idatius in fastis. Bucherius illis notis CM. quæ toties in eodem Calendario leguntur, suspicatus est significari congiarium; sed certum est designari Circenses missus; ibidem enim sæpius scribitur cm. XXVIII. Circenses missus à Caligula principatu quoties edebantur, fuere viginti quatuor, uti ex Dione ac Cassiodoro eruditissimus meus Panuius ostendit lib. 1. de ludis Circen. cap. 14. quamuis etiam quadraginta missus cucurrisse anno Urbis millesimo, testetur Cassiodorus in Chronico. Hinc cum in diem VI. Iduum Nouembris duorum Imperatorum natalis incideret, Circenses missus duplicabantur. Et quidem Circenses ludi integram penè diem plerumque occupabant. Scribit Socrates lib. 4. cap. ult. de seniori Theodosio: Atque ante prandium ita morbo releuatus fuit, ut equorum certamina spectare posset; post prandium derepentè caput adeo grauiter egrotare, ut ad spectacula procedere nequirit. Filio igitur mandatum dedit, uti certamina illa persicienda curaret: In lib. 8. Confess. D. Aug. cap. 6. Cum Imperator Treuiris pomeridiano Circensium spectaculo teneretur, &c. quasi manè illud fuerit inchoatum. Quare Constantius non vna eademque die tricennalia festa egit; præsertim cum præter diuersa ludorum genera, etiam panegyres coram frequentissimos Auditores recitarentur, quibus non eadem quæ spectaculis, dies destinabatur; alias Oratores sibi ac Musis verba fecissent, ceteris rotundo agmine in Circum, ac Theatrum confluentibus. Ex his constat decennialium solemnium faciendis vix alteram diem suffecisse; nec tamen ausim dies ludorum certo quodam calculo digerere, qui pro Principum vel magistratuum munificentia aut parsimonia augebantur, vel minuebantur. Idatius in fastis Valentiniano III. & Eutropio Coss. His Cons. Quinquennalia Arcadius Augustus propria cum Theodosio Augusto patre suo editionibus ludisque celebrauit XVII. Kal. Februarias. Quòd nempe ea dies esset natalitia imperij Arcadij, qua festa illa inchoabantur, ac sequentibus postea diebus absoluebantur.

Augustus suis decennialibus donatium militibus ac populo dedisse ex Dione atque Eusebio differt. 2. ostendi, quo loci etiam de oblationibus, quas vrbes ac prouinciæ iisdem solemnibus faciebant, abundè dixi, ut Liciniani Numismatis epigraphen explicarem, quæ haud vacat repetere, ne per eandem lineam ferram frustra reciprocem. Constantinus magnus primis decennialibus, datis ad Veetium Rufinum Præfectum Urbis literis Populum Romanum regia liberalitate sibi deuinxit. Extat eiusdem rescriptum L. 1. de longi temporis præscriptis.

script. in hæc verba conceptum : *Ex donatione Principum , aut quocunque modo , rem ad fiscum pertinentem , usque ad nostra Decennalia sine aliqua interpellatione possidentes (secundum ius enim hæc intelligitur esse possessio) securi possideant . PP. X. Id. Ian. Roma Sabino , & Rufino Coss. Hoc edicto superiorum principum erga P. R. beneficia ac liberalitates ratas habuit , secus ac olim Galba Augustorum avarissimus fecerat , de quo hæc Tacitus lib. 1. Hist. Bis & vicies mille , sestertium donationibus Nero effuderat . Appellari singulos iussit , decuma parte liberalitatis apud quemque relicta . Galuanus in tt. de usufructu dissent. 11. cum in laudato rescripto Constantini legeret Decennalia numero plurali elata , eandem legem de viginti annorum , hoc est , duorum decennalium præscriptione perperam intellexit ; cum Sabinus & Rufinus gesserint consulatum A. 316. quo in ante diem VIII. Kal. Augusti decimus imperij annus Constantino exiit . Hinc S. P. Q. R. in grati animi obsequium eodem anno insignem arcum triumphalem munificentissimo Imperatori erexit , in quo eiusdem decennalia inscripsit , uti dissent. 2. fusiùs ostendi .*

Præterea isdem decennalium solemnij rei è carceribus dimittebantur , teste Eusebio Cæsariensi , cuius verba laudavi dissent. 1. cap. 1. Rursus à præclarissimis Oratoribus panegyrici de Imperatorum laudibus recitabantur . Extant adhuc orationes Nazarij celeberrimi Rhetoris de quinquennalibus Crispi ac Constantini iunioris , itemque carmen Porphyrij Optatiani de isdem Cæsaribus ; utrobique autem tum Orator tum Poeta Constantini Augusti laudes exequitur . Item superest Panegyris Eusebij Cæsariensis tricennalibus eiusdem Magni Principis recitata . Inter orationes Themistij XIV. editionis Petauij quinquennalis inscribitur ; & primo Maximiani Herculei quinquennio evoluta , panegyrim abs se scriptam testatur Mæmertiinus in oratione eidem Augusto die Natali dicta : *Neque enim , inquit in proœmio , orationis eius quam composueram , faciam iacturam , sed eam reservo , ut quinquennio rursus exacto , decennialibus tuis dicam : quoniam quidem lustris omnibus prædicandis communis oratio est .*

Imperatores inter eadem festa splendidissimis & omni regio apparatu instructissimis epulis nobiliores quosque excipiebant . Scribit Eusebius lib. 8. cap. 13. de Imp. Diocletiano ac Maximiano : *Quo quidem tempore ù qui summam Imperij administrabant , decennialibus ac vicennialibus expletis , in festiuitatibus , spectaculis , epulis , omnique hilaritatis genere pacatè , & tranquillè degebant .* Idem Gallienum suis decennialibus fecisse testatur Trebellius Pollio cap. 9. *Convinijsque & epulis depulsis , alias dies voluptatibus publicis deputabat .* Vbi tempore eorundem solemnium ineptissimum illum Principem hæc subinde dixisse affirmat : *Et quid habemus in prandio ? & quæ voluptates paratæ sunt ? & qualis eras secunda ? quales Circeses ?* Cum ineunte vice-

viceſimo anno imperij Conſtantine vicennialia celebraret, ac id temporis Nicænæ Synodo adeſſet, Patres ad regium conuiuium vocauit. Sozomenus in fine lib. 2. Erat, inquit, Romanis in more poſitum, vt decimo quoque anno imperij cuiusque Imperatoris diem feſtum celeberrimo hominum conuentu agitarent. Quapropter Imperator opportunum ſibi tempus ad id quod inſtituerat, oblatum arbitratuſ, totum Concilium ad epulum inuitauit: omneſque donis, prout cuiusque dignitas poſcebat, honorifice remuneratus eſt. Hæc de feſtis decennialibus leui brachio attigiffe ſufficiat, antequam ad id quod præcipue intendo, gradum facerem.

C A P V T II.

Auguſtus ac Tiberius decimo imperij anno euoluſo Decennialia celebrarunt. Heruuarus biennium Tiberio auferens reſutatur. Scaligeri opinio de annis Imp. Domitiani corrigitur. Ptolomæi à Romanis ſiſtis diſſidum. Petauij ea de re ſententia reiſcitur.

L Icinius Auguſtum anno imperij decimo ineunte decennialia egiffe ſe in ſuperiori diſſertatione nobis probatum eſt; modò oſtendam eadem ſolemnia præter morem anticipata fuiſſe, cum ab Auguſto & ſucceſſoribus decennialia, decimo anno euoluſo, peracta fuerint; qua occasione pleraque etiam Imperatorum Numiſmata explicabo. Et quidem Auguſtum ſingulis quibuſque decennijs vota ſoluiſſe, & nouiter aſſe ex Dione colligitur, cuius verba capite ſuperiori laudauim. Idem lib. 56. ait: L. Munatio C. Silio Coſſ. Auguſtus quintum in decennium gubernationem Reip. inuitus acceperat: Tiberio Tribunitiam poteſtatem prorogauit. Hæc poſtrema vota decennialia ſuſcepit A. V. 766. uſque ad Parilia, Chriſtianæ Epochæ 14. VII. Idus Ianuarij. Nam uti anno Urbis 736. exeunte, quod diſerte Dio teſtatur, cum primum decennium imperij exiret, in quinquennium ruruſ Reip. adminiſtrationem ſuſcepit; ita exeunte anno 766. imperium in quintum decennium capeſſiuit, & decennialia III. utriſque Sextis Coſſ. die ſeptima Ianuarij ſoluit, ac decennialia quinta nupauit. Verum Auguſto eodem anno mortem oppetente, ea vota irrita cecidere.

Tiberium eadem feſta decennialia imperij celebraſſe, quamuis Tacitus ſubſticeat, Dio prodiſt lib. 57. ubi ait: ludos decennales factos, decem annis imperij eius tranſactis. Itaque edita ſunt decennialia A. V. 777. XIV. Kal. Septembris die natali Tiberij. Idem lib. 58. ſcribit: Viceſimo anno imperij quum Tiberius, frequens in Albano & Tuſculi eſſet, in urbem non venit, ſed Conſules L. Vitellius & Fabius Perſicus decennium nuncupare, quaſi ei, ut Auguſto uſitatum, tunc imperium pro-

prorogarent. Verum hi ludos decennales simul celebrarunt, & pœnas derunt. Itaque Tiberius decennalia secunda soluit anno imperij vicesimo absoluto; nam L. Vitellius, ac Fabius Persicus gellere consulum A. V. 787.

Heruuartus qui *se noua ac vera chronologia* auctorem publicauit, contendit cap. 248. Consulares fastos, quod Tiberij imperium attinet, esse corruptos, ac duo paria consulum irrepsisse; vnde & anni imperij eiusdem tres supra viginti post obitum Augusti vulgò crediti, cum biennio minus solus rei Romanæ præfuerit; nam duobus ferè annis, viuente Augusto, imperauit; nempe lata per Consules lege, vt, teste Suetonio cap. 21. *provincias cum Augusto communiter administraret*. Hæc ille excogitauit, vt initium Christi nascentis, eiusque obitum noua quadam supputatione stabiliueret. sed prodigio propius est Plinium ac Tacitum, qui eodem seculo exeunte vivere, in deprauatos fastos incidisse, cum hi in tabulis Capitolinis, in archiuis Vrbiu n, ac certi finis nominentis integri seruarentur. Scribit Plinius lib. 33. cap. 2. *Tiberii demum principatus anno nono in uitatem venit Equester Ordo: annulorumque auctoritati forma constituta est C. Asinio, C. Antistio Coss. anno Urbis condita DCCLXXV. nempe vsque ad parilia. Tacitus innotio lib. 4. Ann. ait: C. Asinio C. Antistio Coss. nonus Tiberio annus erat*. Itaque anni imperij Tiberij incipiunt à consulatu vtriusque Sexti V. C. 767. Velleius quid temporis scripsit, lib. 2. Tiberij gesta ab obitu Augusti laudans ait: *horum sedecim annorum opera quis, cum inserta sint oculis, animisque omnium, in partibus eloquatur?* Teltator autem se ea literis mandare M. Vinicio coniuc, cui & opus illud nuncupauit. Gessit Vinicius consulatum iuxta fastos vulgares A. V. 783. Æra Dionysianæ 30. Inde verò per annos XVI. retrocedentes primus ad A. V. 767. Dionysianum verò XIV. quo obitus Augusti, & initium Tiberij in fastis statuitur; ac proinde optimè illi digesti sunt, Rursus à Vinicij consulatu ad L. Vitellium & Fabium Persicum quadriennium excurrit; hi enim ponuntur consules A. V. 787. Dionysiano 34. quo labente die 19. Augusti Tiberius vicesimum imperij annum compleuit; quare & decennales ludos iterum iisdem Consulibus solutos testatur Dio.

Hoc ipsum ex annis Tribunitiæ potestatis tum Augusti tum Tiberij euidenter ostenditur. Augustus teste Dione lib. 54. in suo consulatu vndecimo A. V. 731. Tribunitiam potestatem perpetuam à P. R. accepit, quam eodem continuatam per septem & viginta annos asserit Tacitus lib. 1. Annal. Extant nummi Augusti apud Goltziū & Oeconem inscripti in pœtica parte: PONTIF. MAXIM. TRIBVN. POTES. XXXVII. Itaque inchoauerat septimam ac tricesimam Tribunitiam potestatem A. V. 767. Christianæ Epochæ 14. Scribit de Augusto Dio lib. 55. *Antistio Vetere, & Lelio Balbo Coss.*

Tiberio Tribunitiam potestatem in quinquennium concessit. Nempe A. V. 748. Anno vero 753. apud Rhodum degenti Tiberio, exijt postremus annus Tribunitiæ potestatis. Augustus postea Caio ac Lucio Nepotibus acerbo fato sublatis, *Tiberium adoptauit ac Tribunitiæ potestate ad annos decem data, in Germaniam ablegauit.* Hæc Dio lib. 53. Suetonius in Tiberio cap. 15. idem tradit, nisi quod rursus in quinquennium Tribunitiæ potestatis collegam Augustum factum dicit. Diæ adoptionis designat Velleius lib. 2. *Aelio Cato Sentio Cos. V. Kal. Iul. post V. C. annis DCCLVII. abhinc annis XXXVII.* Itaq; rectè vulgares fasti dispositi sunt; siquidem à Sentij consulatu ad Vinicium, consulem 27. paria consulum numerantur. Vir maximus & planè incomparabilis Panuinus obseruauit Tiberium V. C. anno 757. V. Kal. Iulias inisse Tribunitiam potestatem VI. cum Augustus esset Trib. Pot. XXVII. Hoc euidenter patet ex Tabulis Capitolinis apud Gruterum m pag. 295. vbi Potestas Trib. Augusti XXX. coniungitur cum IX. Tiberij, & tres insuper annos Tribunitiæ potestatis vtriusq; ibidem eodem numero auctos videmus, quorum postremus ita exprimitur.

IMP. CAES. DIVI. F. AVG. PONT. MAX. TR. POT. XXXV.

TI. CAESAR. AVGVSTI. F. DIVI. N. TR. POT. XIII.

C. SILIVS. P. F. P. N. L. MVNATIVS. L. F. L. N. PLANCVS.

Ex qua inscriptione aperte facti stabiliuntur, in quibus A. V. 766. C. Silius Nepos, & L. Munatius Plancus Coss. ponuntur, quo anno Augustus Trib. Pot. XXXV. Tiberius verò XIII. gessit vsque ad V. Kal. Iulias, qua die XV. auspicabatur. Extant etiam nummi Tiberij inscripti: TI. CAESAR. AVGVSTI. F. TRIB. POT. XVI. Item, TI. CAESAR. DIVI. AVG. F. AVG. IMP. VII. TR. P. XVI. ex quibus patet Tiberium A. V. 767. die 27. Iunij inisse Trib. potestatem XVI. adhuc Augusto supersite, quo XIV. kal. Septembris diem defuncto, ac inter superos relato, Tiberius DIVI filius, atque Augustus in nummis inscriptus est; nam licet Augusti nomen non vsurparet, vt ait Suetonius capite 26. *audiens tamen, aut legens ferebat*, ex Dione lib. 57. Tiberium anno Trib. Pot. XXXVIII. decessisse ex nummis intelligitur. Seruatur in cimelijs Serenissimi Cardinali LEOPOLD. Numisma maioris magnitudinis inscriptum: TI. CAESAR. DIVI. AVG. F. AVGVSTI. P. M. TR. P. XXXIIX. Item in Tiberij epitaphio apud Panuinum lib. 2. fast. ad A. V. 790. & Gruterum pag. 236.

OSSA

TI. CAESARIS. DIVI. AVG. F.

AVG. PONT. MAX.

TR. POT. XXXIIX.

IMP. VII. COS. V.

Hinc cosut tui Heruuartus biennium imperio Tiberij auferens, nam cum Tiberius obierit XVII. Kal. Aprilis anno Trib. Pot. octauo supra trigessimum, contigit eiusdem mors A. V. C. 790. Acerronio & Pontio Cofs. vti tradunt Tacitus ac Dio, cum imperasset post excessum Augusti A. 22. M. 6. D. 28. Quare rectè Dio scribit decennalia secunda Tiberij peracta L. Vitellio ac Fabio Perfico Cofs. anno imperij eiusdem vicesimo exacto, cum idem esset Tribunitiæ potestatis XXXVI. Nec proconsulare imperium Tiberio ab Augusto delatum, nouos chronologiæ calculos inuat. Etenim, vt optimè notat Petauius lib. II. de doct. temp. cap. 7. Germanicus teste Tacito lib. 1. Ann. proconsulare imperium obtinuit, qui tamen nusquam inter Imperatores numeratur. Inò in nummis inscribitur: GERMANICVS CAESAR TI. AVG. F. DIVI AVG. N. COS. II. Gesit autem alterum consulatum anno æræ vulgaris 18. cum ante quadriennium proconsulari imperio à Tiberio ornatus fuerit, quo honore tantum abest, vt ad imperij fastigium euectus fuerit, quin potius nullam illius ratio in titulis eiusdem habebatur, quod itidem in dicatis eidem inscriptionibus lapidum patet apud Gruterum pag. 236.

Post Tiberium Claudius, Nero, Domitianus, ac Traianus vltra decennium imperarunt, quos decennalia festa de more celebrasse certum est, quamuis nulla eorundem mentio apud historicos reperitur. Scio Panuinum ad A. V. 804. dicere: *Quo anno, vt scribit Dio, festa decennalia Claudij Imp. celebrata sunt.* Idem tradit de Nerone, ac Domitiano, Dionem vtrobiq; appellans, quod etiam facit Caluissius. Verum nusquam illorum Principum decennalia laudato scriptori memorantur; neque in nummis inscripta apparent. Idem ad A. V. 860. Traiani decennalia ex eodem Dione recitat; quare ne insignem historicum imposturæ reum traducamus, ideo Dionem eidem citatum puto, quòd ille testatus fuit omnes Imperatores, Augusti exemplum secutos, singulis imperij decennijs exactis, decennalia vota soluiffe. De Traiani die natali imperij, eiusq; principatus annis numerandis plura scribit Reformator Chronologiæ tom. I. lib. 4. cap. 8. n. 13. Et quidem gloriatur se post Panuinum tandem natum verum initium imperij Traiani, *videlicet annum Epochæ Chri-*

fi 97. diemq; 18. Septembris. Ea etenim die, quæ natalis erat Neruæ, Traianus ab eodem in consortium imperij vocatus fuit. Sed dies 18. Septembris non erat dies natalis imperij, sed vitæ Traiani. Scribit Plinius in panegyri versus finem: *Nam quod eum potissimum mensem attribuisi, quem tuus natalis exornat, quam pulchrum nobis, quibus edito, quibus spectaculo celebrare continget diem illum triplici gaudio letum, qui principem abstulit pessimum, dedit optimum, meliorem optimo genuit?* Itaque die 18. Septembris occisus est Domitianus, electus Nerua, ac Traianus in lucem editus. Hinc in catalogo veteri apud Bucherium pag. 276. in quo ortus Principum & quidem meliorum describuntur, legimus: *Diui Traiani XIV. Kal. Octobris.* Quæ verò dies natalis imperij eiusdem fuerit, ignoratur. Certum tamen est ante exitum anni Christi 97. Traiani inaugurationem contigisse; Nam, inquit Plinius in panegyrico ad eundem. *secundum consulatum Imperator quidem, sub Imperatore tamen inisi, Anno 98.ambo Imperatores Nerua IV. Traianus II. consules Kal. Ianuarijs processere.* Addit Reformeror: *Videtur procul dubio Traianum Romam accitum, & per aliquot tempus Neruæ in imperio regendo fuisse.* At Plinius in panegyri ait: *Gessisti alterum consulatum, scito: illum exercitiis, illam provincijs, illum etiam ceteris gentibus poteris impune non nobis.* Audiuimus quidem te omne munus consulis obusse, sed audiamus &c. Ergo Traianus anno 98. Roma absens, consulatum secundum gessit, nec morienti Neruæ adfuit. Imò cum ineunte anno etiam 99. difficili bello occuparetur, Roma aberat, unde delatum consulatum tertium recusauit. Audiatur Plinius: *Atque ego video proximo anno consulatus recusandi hanc præcipuam fuisse rationem, quod eum absens gerere non poterat.* Hæc quidem certissima sunt. Idem Plinius lib. 10. epist. 28. scribit ad Traianum, se XV. Kalendas Octobris Bithyniam intrasse, additque: *Non possum de mora queri, cum mihi contigerit, quod erat auspiciatissimum, natalem tuum in provincia celebrare.* Nempe die inequenti. De die verò natali imperij scribit epist. 60. sed quinam is fuerit, non exponit.

Hadrianus decennalia ac vicennalia celebrauit, quorum diem, diserte prodit Spartianus cap. 4. Quinto, inquit, *Iduum Augusti die, legatus Syriæ literas adoptionis accepit: quando & natalem adoptionis celebrari iussit. Tertio Iduum earundem quando & natalem imperij instituit celebrandum, excessus ei Traiani nuntiatus est.* Inijt imperium Hadrianus A. V. 870. Aetæ Dionysianæ 117. Itaque decennalia egit A. V. 880. Vicennalia A. 890. die vndecima Augusti. Prolomæus in Almagesto plures observationes cælestes describens, easq; annis Nabonassar atque Imperatoris Hadriani assignans, vno anno initia imperij Hadriani, eiusq; successoris Antonini anteuerit. Scaliger lib. 5. de emend. temp. pag. 456. annum imperij Domitiano aufert, scribens eundem ineunte anno

XV. imperij occisum fuisse, nempe A. æræ vulgaris 95. die 18. Septembris; qua ratione initia Traiani, Hadriani, atq; Antonini vno anno citius, quàm in fastis, collocat. Verùm ex Numismatum inscriptionibus eiusdem prochronismus refellitur; siquidem Domitianus in nummis dicitur TR. P. XVI. quare attigit annum XVI. augustæ dominationis. Tacitus qui ludis secularibus Domitiani inter XV. viros præfuit, in procæmio ad vitam Agricolæ ait: *Quid si per quindecim annos, grande mortalis æui spatium, multi fortuitis casibus, promptissimus quisque sæuitia Principis intereiderunt.* Cruentum Domitiani imperium ibidem describit. Præterea Suetonius cap. 16. testatur Domitianum pridie quàm periret affirmasse, fore *ut sequenti die Luna se in Aquario cruentaret.* At anno Christi 96. die 18. Septembris, quæ occidit Domitianus, Luna fuit in 23. gradu minut. 10. Aquarii, uti Caluissius eruditè obseruauit.

Petauius lib. 11. de doctr. temp. cap. 22. scribit se perditū miratum fuisse Ptolomæi à Romanis fastis dissidium; denique putat Ptolomæum quendam canonem adhibuisse, in quo Romanorum Principum initia à Caio Caligula vno anno anteuertuntur; inde vnus anni labes eidem contracta. Sed Petauij opinio refellitur ex lib. 7. Almagesti cap. 3. vbi Ptolomæus recenset obseruationem cœlestem anno duodecimo Domitiani, Nabonassarì verò 840. die 2. Tybi mensis, cum Luna operiret vltimam pleiadis meridianam. Fuit dies 29. Nouembris A. 92. Epochæ vulgaris, quo tempore à die 13. Septembris duodecimas Domitiani aëus labeatur Nabonassarì 840. Igitur Ptolomæus in annis Romanorum Principum ab imperio Caij numerandis, non deficit, cum à Caij obitu anno quinquagesimo primo eodem rectè digesserit. Cum Traianus in imperij societatem à Nerua vocatus fuerit, anno autem insequenti Nerua diem obierit, suspicor Ptolomæum annum primum Traiani illum putasse, quo Imperator à Nerua dictus fuit, ac eiusdem initia retraxisse ad IV. Kal. Februarias A. 97. vnus anni prochronismo. Etenim lib. 7. cap. 3. refert anno primo Traiani Nabonassarì 845. die 16. Mechir ineunte, spicam Virginis Luna coopertam fuisse, hora quinta post mediam noctem, & post horam iterum spicam apparuisse. Contigit hæc obseruatio die 11. Ianuarij A. 98. quo tempore adhuc superites erat Nerua Imperator, à cuius tantum obitu anni imperij Traiani Dioni, Eutropio, Chryseroni, ac ceteris scriptoribus numerari cepti sunt. Sed his adhuc obstat, Ptolomæum imperante Antonino scripsisse, & tamen annos imperij eiusdem vno semper anno anteuerrere. Fateor me huic nodò soluendo non esse, falsos tamen Panuini exactiliter digestos ex dicendis constabit, vbi iterum de Ptolomæi ab iisdem diuidio sermo redibit.

CAPVT III.

Decennalia Antonini Pij primùm in Nummis scalpta visuntur. Panuini opinio de anno eorundem expenditur. Ptolomai prochronismus ex antiqua inscriptione ac Nummis demonstratur. Vulgaris opinio de annis imperij Hadriani rejicitur. Marci Aurelij initia ac Decennalia exponuntur. Baronij sententia de anno delate Commodi Tribunitia potestatis, ex Nummis Mediceis emendata. Plura Numismata Commodi illustrantur.

Cæsarum Decennalia in nummis Antonini Pij primùm scalpta visuntur; num in decessorum Principum Numismatibus eadem vota signata fuerint, in incerto latet; sanè nullum id genus nummum hucusquè Antiquarij prodiderunt. Antoninus Pius A. V. 890. vsque ad Parilia, Epochæ Christianæ 138. ab Hadriano, teste Capitolino cap. 4. adoptatus est V. Calend. Martias die, factusque est patri & in imperio proconsulari & in tribunitia potestate collega. Vota decennalia soluit exacto decennio A. V. 900. die 25. Februarij. Exat in gaza Medicea mediocris idemque vulgaris nummus cum epigraphæ: ANTONINVS AVG. PIVS. P. P. TR. P. XI. & in auersa PRIMI DECENNALES COS. IIII. Rursus anno vicesimo euoluto Vota decennalia secunda soluit, & in tertium decennium nuncupauit. Laudatur à Panuino lib. 2. fast. & ab Ocone nummus inscriptus: ANTONINVS AVG. PIVS P. P. TR. P. XXI. & in postica: VOTA SOL. DEC. II. COS. IIII. Ea solemnia quæ sequiori ætate vicennialia dicta sunt, id temporis decennalia secunda nuncupabantur. Panuinus lib. 2. com. in fastos A. V. 901. ait: Hoc anno more veteri, Pij decennalia cæsa, & anno sequenti vota decennalia II. suscepta; Etenim laudat nummum signatum: ANTONINVS AVG. PIVS P. P. TR. P. XXII. & in auersa parte: VOTA SVSCEPTA DEC. III. Huius inscriptionis Numismata visuntur in Gaza Serenissimi Cardinalis LEOPOLDI, & in celebri Cimeliarchio Ioannis de Lazara Comitissæ Patuini, & laudantur Oconi, alijsque Antiquarijs. Antoninus anno A. V. 900. V. Kal. Martij iniens Tribunitiam Pot. XXI. vota decennalia secunda soluit, & Anno insequenti eadem die inchoata Tribunitia Pot. XXII. vota decennalia tertia suscepit. Hæc doctissimo viro sententia stetit, quam tamen prorsus falsam existimo. Cur enim Antoninus votis decennialibus II. solutis, in alterum annum decennalia tertia nuncupanda distulisset? Profectò eadem die, exacto imperij decennio, vota solvebantur, & noua in alterum decennium concipiebantur. Lilius lib. 7. dec. 3. scribit: *Tunc Distator*

Etator & ludos fecit, & in sequens quinquennium venit. M. Antoninus, vt proximè ostendam, cum esset Trib. Pot. XXV. exactio imperij decennio, vota decennalia egit, simulque vicennalia nuncupauit. Plinius lib. 10. epist. 44. scribit Traiano: *Solemnia vota pro incolumitate tua, qua publica salus continetur, & suscipimus, Domine, pariter & solvimus;* & rescribit Traianus libenter se intelligere eundem cum prouincialibus & soluisse vota & nuncupasse. Imò extat nummus Antonini cum epigraphe apud Occonem: ANTONINVS AVG. PIVS P. P. TR. P. XXII. & in postica parte: VOTA SOL. DECEN. II. COS. IV. vt planè pateat, eodem anno Trib. Pot. X XII. & soluisse vota decennalia II. & decennalia III. suscepisse.

Cum Cæsares in spem imperij ab Augustis euecti, Tribunitia potestate ornarentur, ac ipsdem Imperatoribus defunctis rei Romanæ fastigium occuparent, his decennalia festa celebrabant; nempe claspò decennio ab accepta Tribunitia potestate, itemque euoluto decennio ab obitu Imperatorum, quibus in imperio successerant. Constat id ex nummis Antonini Philosophi, Commodi, & Caracallæ, quos suo inferius loco producam. Itaque Antoninus Pius A. V. 910. usque ad parilia Christianæ Epochæ 158. V. Kal. Martij vota decennalia secunda soluit, exactio vicesimo anno Tribunitiæ potestatis, vt patet ex nummo, in quo cum TR. P. XXI. eorundem votorum solutio obsignatur. At anno Urbis 911. Æræ Christi 159. die VI. Idus Iulij, qua mortuo Hadriano, solus imperiū capessinit, vota iterum decennalia secunda soluit, & tertia suscepit, vt constat ex laudatis nummis, in quibus inscribitur TR. P. XXII. illam enim inerat eodem anno V. Kal. Martij. Ex his nummorum inscriptionibus omnium penè scriptorum, præsertim recentiorum, chronologia refutatur; siquidem putant eodem anno 138. vulgaris Æræ die 25. Februarij Antoninum ab Hadriano adoptatum fuisse, delata eidem Tribunitia potestate cum imperio proconsulari; die verò decima Iulij in demortui Hadriani locum successisse. Hinc Hadriano tribuunt imperij A. 20. M. 11. Verùm ex recitatis nummorum inscriptionibus, colligo mortem Hadriani anno 139. contigisse, Antonino Pio II. & Bruttio Præsente Coss. ac proinde Hadrianum imperasse annos XXI. menses XI. Profectò antiqui omnes Latini scriptores mentis sententiæ suffragantur. Spartianus qui Hadriani vitam diligentissimè in literas misit, capite 26. ait: *Imperauit annis XXI. mensibus XI.* Victor Schotti scribit: *Apud Baias sabbæ interiijt anno imperij absque mense vicesimo secundo.* Eutropius lib. 8. *Obye in Campania sexagenario maior, imperij anno XXI. mense X. die XXIX.* Hoc ipsum vetulst lapidum inscriptiones euincunt apud Gruterum pag. 252. & 256. in quibus Hadrianus inscribitur TRIB. POT. XXII. Igitur anno imperij vicesimo secundo interiijt. Appello etiam telum Capitolinum in

vita M. Aurelij cap. 5. *Octauodecimo*, inquit, *atatis anno adoptatus*, in secundo consulatu Antonini iam patris sui Adriano ferente, gratia *atavis facta*, quaestor est designatus. Et statim cap. 6. Adriano Patris assumpto, quum Pius ad vehendas eius reliquias esset profectus, reliquias Romae, auro iusta impleuit, & gladiatorum, quasi priuatus quaestor, edidit munus. Habemus M. Aurelium in secundo consulatu Antonini, nempe anno 139. Hadriano gratiam annuarie legis petente, quaestorem designatum quo in magistratu eiusdem auius Hadrianus Imperator interijt. Itaque ex Capitolino obiit Hadrianus Antonino Pio II. & Bruttio Colli.

Ex his locupletissimis testimonijs Cryserotis, Dionis, aliorumque Graecorum sententia refellitur, qui tradunt Hadrianum anno imperij XX. mense XI. obiisse, cum quibus Paninus, Sigonius, Goltzius Calusius, alijque vulgo sentiunt; simulque vota decennialia Antonino TR. P. XXII. soluta & nuncupata exponitur, quae in vulgari opinione nulla plane ratione cum anno vicesimo secundo Tribunitiae potestatis componi possunt. Ptolomeus lib. 11. *Almagesti* cap. 1. ait de stella Iovis: Anno XXI. Hadriani Paopbi 13. seq. 14. ante mediam noctem horis duabus, inuenimusque in gradu piscium 7. 54. Item: Primo Antonini anno Athir secundum Aegyptios die 20. seq. 21. post mediam noctem horis 5. inuenimusque Iovem in gradu Arietis 14. 23. additque inter vtramque observationem interiacere annum Aegyptiacum unum, dies 37. & horas 7. Prior observatio contigit anno nostrae Epochae 136. die 31. Augusti, altera anno 137. die 8. Octobris, uti ex tabulis Prutenicis observatum est. Errat Ptolomaeus etiam in designandis initijs imperij Pij; nam ex inscriptione antiqui lapidis, ac vetustis scriptoribus ostendam Antoninum anno 138. ad imperium euectum. Ceterum postremum Hadriani annum Antonini imperij primum fecit, quod ille longo ac difficili morbo correptus, procul ab imperij curis extra Urbem id tempus degit.

Anno Aet. Dionysianae 161. V. C. 913. vsque ad Parilia, M. Aurelium Antoninum, mortuo Pio Nonis Martij, uti ex Dione deducit Paninus, imperium cum Augusti titulo obtinuisse ex duabus antiquis inscriptionibus demonstro. In fragmento eruto Romae apud Vaticanum anno 1596. haec leguntur Gruteri pag. 300.

M. AELIO. AVRELIO. VERO. CAESARE. III.

L. AELIO. AVRELIO. COMMODO. II. COS.

COOPT.

L. PETRONIVS. SEVERVS. NO. I. ANVS.

P. R. C. ANN. DCCCCXIII.

Alto

Alterum epigramma extat apud Panuinum A. V. 914. & Græterum pag. 63.

POMPONIVS. FAVSTVS.

SILVANVM.

CVM. BASE. D. D.

DEDICAVIT. IDIBVS. APRILIBVS.

IMP. M. AVRELIO. ANTONINO III. IMP. VERO.

AVGVSTO. COS. II.

Prior inscriptio posita est A. V. 913. à Kalendis Ianuarijs usque ad Parilia, nam XI. Kal. Maij inchoabatur annus Urbis 914. iuxta supputationem Varronianam. Fuit annus Epochæ Christianæ 161. Posterior verò inscriptio dicata fuit post Nonas Martias. Horum ratio est, quia in priori epigrammate M. Antoninus dicitur *Aelius Aurelius Caesar*, eiusque collega *Aelius Aurelius Commodus*; etenim duo illi Principes post Antonini Pij mortem nova sibi nomina primum imposuerunt. Scribit Capitolinus in M. Aurelio cap. 7. *Post excessum Divi Pij à Senatu cœlus regimen publicum capere, fratrem sibi participem in imperio designavit, quem L. Aurelium Verum Commodum appellavit, Caesaremque atque Augustum dixit. Antonini mox ipse nomen recepit.* In altera verò inscriptione uterque dicitur Imperator, & vnus Antonini, alter Veri nomine appellatur. Extant etiam in gaza Medicea nummi maioris magnitudinis cum epigrapha: AVRELIVS CAESAR AVG. PII F. & in postica videtur quadriga triumphalis cum inscriptione: TR. P. XV. COS. III. Item Numisma obsignatum IMP. CAES. M. AVRELIVS ANTONINVS AVG. & in postica CONCORDIAE AVGVSTORVM. TR. P. XV. COS. III. Itaque anno 161. Nonis Martij mortuo Antonino Pio, M. Aurelius erat Tribunitij potestatis XV. Ex priori inscriptione Panuini facti confirmantur, qui A. V. 914. à parilibus consules ponit Impp. Antoninum III. & Verum II. ex altera verò Epochæ imperij M. Aurelij Antonini demonstratur, simulque initia decessoris Pij ostenduntur collocanda ad A. Christianæ Aetæ 138. Scribit Capitolinus in M. Aurelio cap. 5. Antoninum Pium V. Kal. Martias ea lege ad imperium euectum, ut sibi M. Aurelium, & hic Lucium Commodum adoptarent. His autem peractis ait: *Iussusque in Adriani privatam domum migrare, inuitus de maternis hortis recessit.* Postea cap. 7. Denique, inquit, per viginti & tres annos in domo patris ita versatus, ut eius quotidie amor

cresec-

exerceset, nec præter duas noctes per tot annos ab eo emanſit duabus vicibus. Idem Scriptor in Vero cap. 3. ait: *Fuitq; prinatus in domo Imperatoris viginti & tribus annis.* Quare ſi ab anno Chriſti 161. quo contigit mors Antonini Pij, ſuccedentibus M. Aurelio, & Vero, per viginti & tres annos retrocedamus, initium imperij Pij erit A. 138. V. Kal. Martias, ac proinde errarunt Peolomaus ac eundem ſecutus Scaliger imperium Antonini anno 137. auſpicantes. Marcus Aurelius Antoninus, cognomento Philoſophus, euoluto decennio imperij, vota decennialia ſoluit, ac decennialia ſecunda ſuſcepit A. 171. Nonis Martijs, cum eſſet Tribunitiæ poteſtatis XXV. In Cimelijs Mediceis viſuntur nummi hiſce notis obſignati: IMP. M. ANTONINVS. AVG. TR. P. XXV. & in poliica: VOTA SOL. DECENN. COS. III. S. C. Item PRIMI. DECENNALES. Apud Oeconem: VOTA SVSCEPTA DECENN. II. COS. III. Obijt M. Aurelius ex Dione ac Tertulliano XVI. Kal. Aprilis A. 180. imperauit A. 19. ac menſem. Cum verò, nulla eiſdem Numiſmata decennialia ſecunda ſoluta expriment: ſtatum, eorundem ſolemniū, tempus ſeruauit, neque eadem ineunte anno viceſimo auguſtæ dominationis celebrauit.

M. Aurelius Commodum excepit, imperij non autem virtutum hæredem. Porro Numiſmata Commodi cum ſub diuerſis annis Tribunitiæ poteſtatis VOTA expriment, non leue negotium facceſſunt. Baronius ad A. 178. ſcribit Commodum à M. Antonio patre designatum Imperatorem Pollione II. & Apro II. Coſſ. adeptumque, inquit, *hoc anno Tribunitiam poteſtatem nummi demonſtrant & Capitolinus.* Geſſere illi conſulatum A. V. 929. Chriſti 176. Peccat anni metachroniſmum. Cernuntur in Cimeliarchio Magni Ducis quatuor nummi Commodi maioris magnitudinis cum epigraphe: M. COMMODVS ANT. P. F. AVG. BRIT. & in alia parte: P. M. TR. P. XVII. IMP. VIII. COS. VII. P. P. S. C. Rurſus alter in poliica inſcriptus: HERC. ROM. CONDITORI P. M. TR. P. XVIII. COS. VII. P. P. S. C. Geſſit Commodus ſeptimum conſulatum A. V. 945. Chriſti Domini 192. quo exeunte nocte ante Kal. Ianuarias occiſus fuit, ex Dione teſte oculato. In eiſdem etiam epitaphio apud Paninum legitur: TRIBVNITIAE POTEſT. XVIII. IMP. VIII. CONSVLI VII. Si anno poſtremo imperij eiſdem finita TR. P. XVII. inierat XVIII. primam Tribunitiam poteſtatem ſuſcepit A. 175. Piſone & Iuliano Coſſ. Id contigiſſe die viceſima anuarij putauit Paninus, quem de more ſequuti ſunt Caluiſius ac Goltzius. Scribit Lampridius cap. 12. Piſone & Iuliano Coſſ. A. 175. Commodum die 20. Ianuarij *aſſumptum fuiſſe in omnia collegia ſacerdotalia*; die verò 19. Maij *in Germaniam cum patre profeſſum.* Quare quo maiori cum poteſtate ad exercitum veniret, pote-

CAPVT IV.

Septimij Seueri Decennalia. Dionis Interpres castigatur. Baronij ac Panuini opiniones de anno delatae Antonino Caracallo Tribunitiae potestatis examinantur. Inscriptionum veterum contradictiones tolluntur. De die Ludorum secularium Seueri error Panuini. Decennalia Antonini, eorumque annus statuitur. Occe Caracallo Nummos Elagabali perperam deputat. Antoninus vicennalia in Nummis primum scalpit, eorumque tempus auertit. Alexandri Seueri Decennalia in Nummo Mediceo inscripta.

Imperatore Commodus Kal. Ianuarijs V. C. 945. vsque ad Parilia, vulgaris Epochę 193. occiso, ac breui quinq; mensium spatio Pertinace, dein Didio Iuliano violenta morte sublatis, vt ostensi potius, quam dati Principes visi fuerint, Septimius Seuerus Kalendis Iunijs S. C. Tribunitiam potestatem cum Augusti titulo accepit, quem ante paucos dies Pannonici exercitus Imperatorem salutauerant. Extat argenteus Seueri nummus in Cimelijs Serenissimi Cardinalis LEOPOLDI cum epigraphe: VOTA SVSCEPTA X. Hęc decennalia splendidissima pompa eidem Imperatori celebrata recitant Dio & Herodianus. Interpres Dignis ex Xyphilini excerptis scribit: Interea Seuerus postquam attigit decennium principatus sui, congiario populo pratorianisque militibus dato, eis tot aureos, quot annos imperauerat, dedit. Quibus videtur significare Seuerum non exacto decennio, vt moris fuerat, sed eodem ineunte decennalia dedisse. Græci Scriptoris verba ita planè nobis interpretanda sunt. * Interim Seuerus circa decennium sui principatus. Quæ de exacto decennio accipienda esse hic nummus ostendit apud Occonem pag. 355. L. SEPTIMIVS SEVERVS. PERT. AVG. & in postica: VOT. SVSC. DEC. P. M. TR. P. XI. COS. III. P. P. Anno 203. Ærę nostrę Kal. Iunij decimo imperij anno exacto, iniens Tribunitiam potestatem vndecimam, decennalia egit. Scribit Spartianus cap. 16. Seuerum Antiochiz tertium consulatum Antonino filio collega, inisse, nempe anno 203. inde vere appetente, per Palestinam in Aegyptum se contulisse, & Memphim vsque progressum, interiora provincię summa curiositate lustrasse. Itaque Kal. Iunijs cum decimum imperij annum auspicaretur, procul ab Vrbe ab erat, & anno tantum insequenti Romę decennalia celebrauit, quę integram hebdomadem omni genere ludorum complexa Dio testatur. Seueri decen-

* δὲ Σεβήρος ἐπὶ τῆς δεκάτης τοῦ ἀρχῆς.

B 2

nium

nium cum ceteri summa cum hilaritate peragerent, nostris Christianis luctuosum fuit. Auctor est Eusebius lib. 6. hist. Eccl. cap. 2. Severo annum imperij decimum agente, ardentissimum persecutionis incendium flagrasse, atq; innumerabiles martyrio coronatos.

In Antonini Caracalli Seueri Aug. F. Tribunitiæ potestatis, itemque decennialium anno statuendo magni viri Baronius ac Panvinus dissentiunt, & ab utroque ipse discordo. Baronius ad A. 210. quem Anullini II. & Frontonis consulatu designat, scribit eo anno Antoninum inisse Tribunitiam potestatem, simulq; in consortium imperij cum Augusti titulo à patre vocatum. Rursus ad A. 210. Antonino Augusto III. & Geta Cæsare Coss. recitat Antonini decennalia. Quare eadem solemnia, auctore Baronio, ineunte anno decimo eiusdem Principis acta fuere. At Panvinus putat Tribunitiam potestatem cum Imperatoris titulo delatam fuisse Antonino Kalendis Iunij A. V. 951. Saturnino & Gallo Coss. Panvinum exscribunt Caluissius ac Goltzius. Cum ex nummorum ac lapidum inscriptionibus annum communicatæ Antonino Tribunitiæ potestatis sedulo indagarem, in cimerijs planè tenebris me versari sensi, ac omnem prænem inueniendæ veritatis spem abiiecissim, nisi satius duxissem rei difficultatem præmonstrare, quam fortè alij, felicioribus auspicijs superent. Extant tria Numismata in gaza Medicea cum epigraphæ: ANTONINVS PIVS AVG. GER. & retrorsum: P. M. TR. P. XX. COS. IIII. P. P. S. C. Eadem potestas Tribunitia Antonini vicies aucta in lapidum monumentis legitur apud Gruterum pag. 191. & 270. Obijt Antoninus C. Bruttio Præsente, T. Messio Extricato Coss. VI. Idus Aprilis V. C. 916. ad Parilia: Demonstratur egregiè annus hic obitus memorati Imperatoris. Laudatur in Cod. Iust. rescriptum Antonini L. 9. de negotijs PP. VIII. Kalen. Mart. itemq; L. 3. de contrahenda stipul. PP. VI. Kal. Mart. Hæc rescripta proposita sunt Præsente & Extricato Coss. Itaque cum illi consules magistratum iniere, Antoninus imperabat. At eundem ipsdem Consulibus & imperandi & viuendi finem fecisse probat fragmentum vetuitum pag. 300. operis Gruteriani.

IMP. SEVERVS

COOPTATVS

C. BRVTIO. PRAESENTE. T. MESSIO. EXTRICATO.

II.

COS.

P. R. C. ANN. DCCCCLXX.

Annus

Annus Vrbis 970. coincidit cum anno Epochæ Christianæ 217. à Parilibus. In fragmento veteri consulari apud Bucherium pag. 247. legitur: *Præsente et Extricato Mer.* Etenim anno 217. Kalendæ Ianuariæ incidere in diem Mercurij Cyclo Solis II. Lunæ IX. lit. E. Porro ibidem non dicitur cooptatus Imperator Antoninus, qui nusquam apud Latinos Severus dictus fuit, sed eiusdem successor Macrinus qui se *Severum nuncupavit* ex Capitolino cap. 2. & ex eiusdem nummis constat, in quibus inscribitur: IMP. CAES. M. OPEL. SEV. MACRINVS. AVG. Quare anno Vrbis 916. Antoninus Seueri Aug. F. occisus fuit, & quidem octauo die Aprilis, vt scribit Dio qui eisdem conuixit. Cum verò in inscriptionibus marmorum ac Numismatum idem dicatur Tribunitiæ Pot. XX. eandem potestatem cum Augusti homine primum accepit A. 198. Saturnino & Gallo Cos. Extat Romana inscriptio apud Panninum A. V. 953. & Gruterum pag. 269. cuius hoc fragmentum subiiciam.

M. AVRELIO ANTONINO

PIO FELICI AVG.

TRIB. POTEST. III.

PRO. COS. &c.

DEDIC. PR. NON. APRIL.

TL. CLAVDIO SEVERO. C. AVFIDIO VICTORINO COS.

Posita est inscriptio A. V. 953. die 21. Aprilis inchoando, Ære vulgaris 200. die 4. Aprilis. Quare si id temporis Antoninus iniecit Trib. Pot. III. anno 217. VI. Idus Aprilis occisus, agebat TR. Pot. XX. vti in nummis, & lapidibus laudatis inscribitur.

His tamen opponuntur insignia elogia, quæ etiamnum visuntur Romæ, ex quibus post Kal. Iunias A. 198. euincitur tradita Antonino Tribunitia potestas. In superiori parte Panthei legitur.

IMP. CAES. L. SEPTIMIUS SEVERUS. PIVS. PERTINAX. ARABICVS. ADIABENICVS. PARTHICVS. MAXIMVS. PONTIF. MAX. TRIB. POT. XI. COS. III. P. P. PROCOS. ET IMP. CAES. M. AVRELIVS. ANTONINVS. PIVS. FELIX. AVG. TRIB. POT. V. COS. PROCOS. PHANTHEVM. VETV STATE. COLLAPSV. CVM. OMNI. CVLTV. RESTITVERVNT.

Seuerus Augustus A. V. 956. Christi Domini 203. Kal. Iunij inibat TR. P. XI. cum qua cum copuletur TR. P. V. Antonini, fit consequens

quens, ut Antoninus anno V. 951. nostrę Epochę 198. post Kalendas Iunias primam Tribunitiam potestatem auspicatus fuerit. Rursus in porticu templi S. Angeli in foro piscario visitur epigramma, in quo Tribunitia potestas sexta Antonini cum vndecima Seueri iungitur. Habetur apud Gruterum pag. 172. In celebri arcu Septimij in foro Romano Seuerus inscribitur TRIBVNIT. POTES. XI. Antoninus verò: TRIBVNIT. POTES. VI. At in altera item Romana inscriptione Gruteri pag. 191. Seuerus dicitur TRIB. POT. XI. Antoninus TRIB. POT. V. Si cum Tribunitia potestate vndecima Seueri concurret quinta, & sexta Antonini, minùs rectè Panuinus & alij asserunt Kalendis Iunijs die natali imperij Seueri Antoninum Tribunitiam potestatem accepisse. Sanè Panuinus priorem illam inscriptionem referens A. V. 956. pro XI. scripsit X. Sed ex altero elogio reiicitur; neque tam facile est lapides ac membranas corrigere. Laudantur alię inscriptiones antiquę, in quibus Tribunitia potestas prima Antonini cum VI. Seueri coniungitur apud Gruterum pag. 1020. rursus cum VII. eiusdem Seueri pag. 264. Ex tot elogijs luculenter probatur Antoninum A. 198. post Kal. Iunias designatum fuisse Augustum delata eidem Tribunitia potestate. Quare anno 217. VI. Idus Aprilis occisus, agebat annum Trib. Pot. XIX. qui igitur fieri potest ut in nummis & lapidibus eiusdem Tribunitia Pot. XX. & anno 200. die 4. Aprilis tertia inscripta fuerit? Reinesius lib. 1. Variar. cap. 21. volumen promisit inscriptum: *Examen inscriptionum veterum*; at ille vitam ante operis editionem expleuit. Huius eximij voluminis autographum Ioannes Fritzsche Typographus Lipsiensis apud se esse testatur in epistola nuncupatoria. Iacobus Sponius vir eruditissimus supra tria millia inscriptionum collegit, quę in Gruteriano thesauro desiderantur; idem verò nunc in Græciam nauigationem adornat, antiqua elogia ex temporis ac harborum iniurijs æternitati asserurus, suamque in Galliam redux, grandi volumine has omnes ac reliquas insuper lapidum difficultates infringet.

Seuerus A. V. 949. *Ærę Dionysianę* 196. contra Albinum mouens, apud Viminatium in superiori Mysia Antoninum filium Cæsarem destinauit ex Spartiano cap. 10. Quòd verò Senatus consultum nondum accessisset, dictus est Antoninus Cæsar destinatus. Constat hoc ex inscriptione pag. 300.

LATERANO. ET RVFINO. COS.

COOPTATVS. EX S. C.

M. AVRELIVS. ANTONINVS.

CAES. DESTINATVS.

In altera etiam inscriptione Narbonensi pag. 266. Seuerus dicitur TRIB. POT. IIII. & ibidem laudatur Iulia Donna M. AVRELI. ANTONINI. CAES. mater. Tribunitia potestas IV. Seueri exibat A. 197. Laterano & Rufino Coss. Victus est Albinus ex Spartiano in Seuerio cap. 11. die 19. Februarij A. 198. Tunc Seuerus inter festa ob reportatam victoriam dum de more Imperator ab exercitu saluaretur, nempe IX. X. & XI. vt ex nummis deduco, Antoninum Cæsarem abs se antea dictum, Imperatorem Augustum destinauit, Tribunitia potestate eidem delata. Hinc in vna & altera inscriptione legitur pag. 267.

M. AVRELIO. ANTONINO. CAES.

IMP. DESTINATO.

Seuerus Galliarum ac Britanniarum rebus compositis, eodem anno 198. Romam venit, iussitque Senatui, vt Antonino Cæsari Imperatoris insignia decerneret. Cæsarem deinde, inquit Spartianus cap. 14. *Basianum filium suum Antoninum à Senatu appellari iussit, decretis imperatoris insignibus.* Hinc factum est, vt cum quidam annos augustæ dominationis Antonini numerarent à die qua ille in Gallijs à Patre destinatus fuerat Imperator, alij verò à die qua S. C. nomen & insignia imperatoria eidem tradita sunt, in signandis annis Tribunitiæ potestatis Antonini variauerint. Ex his refellitur Panuinus, qui putauit Seuerum A. V. 957. die suo natali Kal. Iunijs ludos seculares celebrasse; nam Kal. Iunijs Antoninus agebat Tribunitiam potestatem VI. cum pater Seuerus duodecimam iniret. In nummis verò legitur: ANTONINVS PIVS AVG. PONT. TR. P. VII. & in publica parte: COS. LVD. SAEC. FEC. S. C. Cum verò ludi seculares teste Zosimo initio lib. 2. ederentur post messiem, mense circiter Iulio Antoninus Tib. Pot. VII. iniuit, labente Seueri XII. quæ vna cum eiusdem ludis secularibus in nummis obsignatur.

Ex his chronologicis & quidem difficillimis tricis ad Antonini Cæsaracalli decennalia redeo. Exstat nummus apud Oeconem pag. 374. inscriptus: ANTONINVS PIVS AVG. & in altera parte: VOT. SOLVT. DEC. COS. III. Anno Domini 208. Antoninus III. consul fuit vna cum Geta Cæsare II. Cum anno 198. Tribunitiam potestatem, nomenque Augusti obtinuerit, vt ex pluribus inscriptionibus probatum est, palam fit, eundem anno imperij decimo euolutò, decennalia celebrasse. Baronius scribit eundem designatum Imperatorem Anno 201. illius autem decennalia recitat initio A. 210. Panuinus ait eundem Imperatoria insignia accepisse A. V. 951. decennalia verò egisse A. V. 960. Apro & Maximo Coss. Quare vtri-

quæ

quē anno decimo imperij ineunte, decennalia Antonini perperam statuuntur; ita tamen ut Baronius Antoninum vno anno tardius Augustum faciat; Panvinus vno item anno decennalia anticipet. Errat etiam Occo dum nummum decennialium Antonini recitat Ponapeano & Auito Coss. A. 209. Trib. Pot. Antonini XII. cum ad annum superiorem ea solemnia retrahenda sint, Antonino Trib. Pot. XI. ineunte. Sed aliud insuper Occoni erratum est; siquidem pag. 369. & 370. nummos Antonini in postica signatos: PONTIF. MAX. TR. P. II. COS. II. Caracallo attribuit, cum expriment anno XXI. veteri Antoninum; ille enim anno 205. consul I. fuit, ac Tribunitiam potestatem VII. Kal. Ianuarijs gerebat. Elagabalus anno Epochæ Christianæ 218. erat TR. P. II. COS. II.

Antoninus primus Romanorum Principum statum vicennialium tempus anteuertit. Proferuntur ab Occone eiusdem numismata in postica parte hanc epigraphen exhibentia: TR. P. XX. COS. IIII. P. P. VICT. PART. vbi cernitur Victoria in clypeo inscribens: VOT. XX. Anno 217. Tribunitiam potestatem vicesimam auspicabatur, quo tempore vicennalia imperij egit, quæ ineunte anno XXI. veteri more, celebrari debuerant. Diocletianus ac Constantinus vicennialium tempus uti Antoninus, vno anno anticiparunt, ut postea ostendam. Ab Antonino ad Gallienum viginti Principes Romano imperio præfuerunt, quos inter vnus Alexander Severus decennium augusti regiminis expleuit; ceteri intra paucos annos violenta morte sublati sunt, vno Hostiliano dempto, qui pestilenta interijt. In Alexandri nummis Occo pag. 415. vnum profert in auersa parte signatum: VOTIS DECENNALIBVS. Vbi nuncupata initio imperij vota exprimuntur. Extant in gaza Serenissimi Magni Ducis COSMI III. Numismata Pupieni, Balbini, Maximini, Aemiliani, Volusiani, Decij, item in Cinceljs Serenissimi Card. LEOPOLDI, nummi Pertinacis, Hostiliani, & Galli Treboniani, in quibus omnibus legimus: VOTIS DECENNALIBVS. Cum nullus eorumdem Imperatorum quartum imperij annum attigerit, imò quidam paucos tantum menses Principes vixerint, colligimus laudatam epigraphen designare vota, quæ in ipsis imperij auspicijs iidem in decennium susceperunt. Alexander de more anno decimo exacto, nempe nocte Epochæ 232. Lupo & Maximo Coss. vota decennalia soluit, & vicennalia nuncupauit. Hæc vota exprimuntur in nummo gazæ Mediceæ, in quo Alexandri effigies visitur cum inscriptione in postica: VICTORIA AVGVSTI: Et in clypeo VOT. X. à Victoria scribuntur.

CAPVT V.

*Gallieni Decennalia. Consulares tabula imperante Gallieno Panuino Baronio, ac Petauio descripta recitantur. Vnus Panuinus easdem rectè digessit. Duo collegia Consulum minus rectè à Baronio ex fastis expuncta. Par consulum perperam ab eisdem in fastis intrusum. De consulatibus suffectis cum ordinarijs primùm numeratis V. C. opinio reuelli-
tur. De consulatibus Gallieni, & de annis iterata Tribunitia potestatis Petauij sententia corriguntur.*

Gallieni Imperatoris decennalia eximia pompa peracta laudat Trebellius Pollio in libello de vita eiusdem cap. 8. Romam, inquit, cursu rapido conuolauit: conuocatisque patribus, decennia celebravit nouo genere ludorum, noua specie pomparum, exquisito genere voluptatum. Vbi pompam processus ad sacrificia, victimarum, ac ferarum numerum, gladiatores insuper ac histriones fusiùs describit. Annum verò horum decennalium haud tanti esset inquirere, nisi hac occasione Romanos fastos, qui Gallieni imperium complectuntur, susdequè consulos, integrè fidei reddere possem, explosis eorum opinionibus, qui vetustis monumentis omisis, pro arbitrio paria consulum dempsere, alia addidere. Non est hic animus in examen vocare inferioris notæ Scriptores, sed eos tantum qui in re Chronologica atque Historica ob eximiam eruditionem primas inter recentes tulerunt. Panuinus hoc in campo ceteris faciem prætulit. Verum in digerendis laterculis Consulum Gallieno imperante, alienas planè scinitas calcârunt Baronius, ac postea Petauius. Horum igitur trium sententias subiiciam, ac palam faciam, vnum meum Panuinum exacte fastos consulares deduxisse.

BARONIUS	PETAUIVS	PANVINVS
Anni Christi		Anni Vrbis
156. Valerianus Aug. & Maximus.	153. C. Vib. Volusianus II. M. Val. Maximus.	C. Vib. Voluf. A. II. 1006. M. Val. Maximus.
157. Valerianus II. & Gallienus.	154. Valerianus Aug. II. Gallienus Aug.	Valerianus Aug. II. 1007. Gallienus Aug.
158. Valerianus III. & Gallienus II.	155. Valerianus Aug. III. Gallienus Aug. II.	Valerianus Aug. III. 1008. Gallienus Aug. II.
	S	159. Ma-

259. Maximus & Glabrio.	256. Maximus & Glabrio.	M. Val. Maximus 1009.
260. Valerianus IV. & Gallienus III.	257. Valerianus Aug. IV. Gallienus Aug. III.	Valerianus Aug. IV. 1010. Gallienus Aug. III.
261. Fuscus & Bassus.	258. Memmius Fuscus Pomponius Bassus.	Memmius Fuscus 1017. Pomponius Bassus.
262. Gallienus IV. & Valerianus Cæsar.	259. Gallienus Aug. IV. Valerianus Cæsar.	Fulvius Aemilianus 1012. Pomponius Bassus II.
263. Gallienus V. & Faustinus.	260. Fulvius Aemilianus Pomponius Bassus II.	Cornel. Secularis II. 1013. Iunius Donatus.
264. Albinus & Maximus.	261. Gallienus Aug. V. Volusianus.	Gallienus Aug. IV. 1014. Volusianus.
265. Gallienus VI. & Saturninus.	262. Gallienus Aug. VI. Pompeius Faustinus.	Gallienus Aug. V. 1015. Pompeius Faustinus.
266. Valerianus II. & Lucillus.	263. Nummius Albinus. Maximus Dexter.	Nummius Albinus 1016. Maximus Dexter.
267. Gallienus VII. & Sabinillus.	264. Gallienus Aug. VII. Saturninus.	Gallienus Aug. VI. 1017. Amulius Saturninus.
268. Paternus II. & Arcefilaus.	265. Valerianus Cæsar II. L. Cæsonius Macer.	Valerianus Cæsar II. 1018. Lucillus Macer.
269. Paternus II. & Marinianus.	266. Gallienus Aug. VIII. Sabinillus.	Gallienus Aug. VII. 1019. Sabinillus.
	267. Quinius Paternus. Arcefilaus.	Quinius Paternus 1020. Arcefilaus.
	268. Quinius Paternus II. Macrianus.	Quinius Paternus II. 1021. Marcinianus.

Septem priora paria Consulum Baronij triennij differentiam exprimunt à laterculis consularibus Petauij. Etenim cum Æram Dionysianam, qua vulgò Christiani utimur, biennio anticipasset, eandem distantiam ubique seruauit vsque ad imperium Decij, ubi vnum par Consulum ex actis S. Pionij Martyris intrudit, scilicet, *Decium III. & Gratium II. A. 254.* inde illa triennij discrepantia in eiusdem annales fluxit. Postea duo paria Consulum, quæ apud Panuinum leguntur, expungit: nempe Fulvium Aemilianum, & Pomponium Bassum II. & iterum Cornelium Secularem II. & Iunium Donatum: quos falsò *appositos & adscriptos* vocat ad A. 262. His autem duobus collegijs Consulum reiectis, ab anno ipsi 263. vsque ad 284. vnus anni discrepantia laborat, cui denique medetur, consulum Probi II. & Lupi ab ordinarijs excludens. Præterea in consulatibus Gallieni hunc laterculum ponit A. 262. *Gallienus IV. & Valerianus Cæsar.* Etenim ex libro nono actorum Valeriani ab Acholio qui magister admissionum Valeriani Augusti fuit, hæc recitat Vopiscus in Aureliano cap. 13. *Quum consedisset Valerianus Augustus in thermis apud Byzantium, præsentē exercitū, præsentē etiam officio palatino, assidentibus Memmio Fusco consule ordinario, &c.* designauit consulem suspectum Aurelianum his planè verbis, quæ idem Vopiscus cap. 11. refert: *Consulatum eum eodem Vlpio Crinito*

in annum sequentem à die undecimo Calend. Ianuarij in locum Gallienij & Valeriani, sperare se convenit sumptu publico. Ex quibus doctissimus Historicus contendit post consulatum Memmij Fulci, qui in laudato confesſu Consul ordinarius dicitur, ponendos esse Consules ordinarios Gallienum IV. & Valerianum à Kal. Ianuarijs vsque ad 22. Maij, à qua die inire susceptum consulatum Crinitus & Aurelianus, qui postea imperium indeptus fuit. Ceterum ne nouum par Consulum intrudat, scribit Valerianum *Volusianum* etiam ab alijs in fastis appellari.

Petauius Baronij ratiocinio planè conuictus, anno Urbis 1012. Christi 259. attribuit Consules Gallienum IV. & Valerianum Cæsarem. Nec tamen ausus vulgares fastos corrigere, anno 261. statuit Gallienum V. & *Volusianum Cofs.* qua ratione octo ordinarios consulatus Imperatori Gallieno assignat, cum septem tantum in omnibus fastis eiusdem Principis consulatus asserantur. Quòd verò vnum par Consulum intruserat, ne chronologica tabulæ luxatentur, expunxit consulatum secularis II. & Iunij Donati. Idem Petauius lib. 11. de doctr. temp. cap. 27. Baronij ac Panuini fastos discutit, ac concludit: Ita ambo inter se concordēs Dionysianam & vulgarem Æram biennio morantur; donec ad Probum Imperatorem perueniunt, ubi biennium vterque tacitè dissimulauit. De altero anno, qui omisſus est, satis constat; Nam Paulum (voluit dicere Probum) & Paulinum Onuphrius; Baronius verò Probum & Lupum prætereunt. At quòdnam par alterum consulum in illorum fastis desideretur, id verò difficile est conyecere. Nec in horum tantum duorum, sed in cæteris vnum aliquod par consulum desſe videtur. In his sanè minus rectè calculos ponit. Nam falsum est Panuinum biennio Æram Dionysianam morari; siquidem vno tantum anno citius eandem inchoat; nempe V. C. 752. A. Iuliano 44. Augusto XIII. & Plautio Syluano Cofs. Baronius verò eandem Æram auspiciatur A. V. 751. Iuliano 43. Cornelio Lentulo, & Messalino Cofs. Rursus falsum est Baronium Epocham laudatam biennio præuerrere vsque ad imperium Probi; illam enim biennio anticipat vsque ad exitum Decij Augusti, postea vsque ad septimum annum Gallieni triennio ab eadem discrepat. Omisſis verò duobus collegijs Consulum, vno tantum anno ab illa deinceps distat, donec vno consulatu Probi inter susceptos reiecto, anno 280. Messalam & Gratum Cofs. statuens, Dionysianam Epocham tandem assequitur. Errat denique Petauius dum indicat in fastis Panuini vnum par Consulum desiderari, præter consulatum Probi & Paulini, vt inferius demonstrabo. Sed de Baronij tabulis priùs dicendum est.

In primis minus rectè ex actis Pionij Martyris, nouum par Consulum in fastos intrusit. Extant illa apud Surium & eruditissimum.

Bollandum in gestis SS. Februarij, eademq; annalibus Baronius inseruit A. 254. Initio dicitur captus Pionius *vicefima tertia Februarij Sabbato*, ac per forum tractus, vbi plurimi Iudei versabantur, quia cum magnum esset *Sabbatum*, feriabantur. In calce verò idem Pionius asseritur martyrio apud Smyrnam coronatus: *Julio Asia Proconsule, Proclo Quintiliano magistratum gerentibus, Consule tertium Mefio Quinto Traiano, & Deltio Grato secundum, Traiano Decio Augusto: ante IV. Idus Martias, more Romanorum; Asia autem more, septimi mensis vndecimo, die Sabbati, hora decima*. Hinc Baronio Messius Traianus Decius III. & Gratus II. Coss. asserit anno 254. Et quidem hoc anno dies vndecima Martij incidit in Sabbatum, Cyclo Solis XI. Lunæ VIII. lit. A. at vicefima tertia Februarij fuit feria quinta, hoc est, dies Iouis; nec dies 23. Februarij, & 11. Martij possunt in eandem feriam coincidere, quorum nihil eidem Scriptori adnotatum est. Sed nec illud verum est mensem Martium esse apud Asiaticos mensem septimum, fuit enim sextus, ut eruditè demonstrat Vsserius in partio sed planè atheno libello de Macedonum & Asianorum anno Solari cap. 2. Aprilis Romanorum erat apud Asiaticos mensis septimus qui initium auspicabatur à 25. Martij, ut patet ex eiusdem tabulis cap. 4. quas suæ Chronologiæ Reformatæ inseruit Ricciolus tom. 1. lib. 1. cap. 20. Itaque apud Asianos septimi mensis dies vndecimus correspondet diei 4. Aprilis iuxta Romanos. Anno 251. dies vndecima septimi mensis fuit feria VI. Cyclo Solis VIII. Lunæ V. lit. E. quare acta illa deprauata sunt, ac corrigenda ex Chronico Alexandrino, in quo Martyrium Pionij dicitur consummatum die 12. nempe Non. Aprilis, quamvis ibidem, uti notauit Vsserius, mensis Asiaticus VI. pro VII. perperam scribatur. Ex his habemus Pionium martyrij palma coronatum mensis septimi duodecima Sabbato, quo caractere designatur annus 251. cui in fastis attribuntur Consules Messius Quintus Traianus Decius III. & Decius Cæsar. Collector auctorum S. Pionij pro Cæsare Decio, legit Deltio, & pro arbitrio Gratum II. addidit. Igitur par illud Consulum ex fastis expungendum est.

Michael Alfordus Ecclesiasticorum Britannæ Annalium digestor tomo primo ad A. 262. in fine ait: *Duorum annorum differentia passim occurrit: & illam componere non est, fateor, mearum virium; Baronium tamen libentius sequor; quia ille conscribendis Annalibus, labore & industria præcessit omnes*. Hinc ibidem ex tabulis consularibus reijcit Aemilianum & Bassum II. Itemq; Secularem II. & Donatum; inserit autem Gallienum IV. & Valerianum Cæsarem. Ita vni Baronio fidem accommodans, à Panuini fastis discedit. Verum rectè utrumq; illud collegium Consulum Panuino asserit, ac annis V. C. optimè assignatum demonstro. Aemilianum ac Bassum II. fuisse

isse Consules ordinarios patet ex omnibus antiquis tabulis, Victorij Aquitani, Prosperi, Idatij, fragmenti consularis apud Bucherium pag. 248. (hos quatuor scriptores nondum editos eruditissimus vir non vidit) Cassiodori, Eusebij canone Chronico, & fastis Siculis apud Scaligerum, Authore denique libelli de præfectis Vrbi. Sed quod rem euincit, extant in Cod. Iustiniano plura rescripta. Impp. Valeriani & Gallieni iisdem Consulibus signata. Etenim L. 15. de pactis. L. 12. de transactionibus. L. 4. de conditione ad causam dati. L. 7. de privilegio fisci. L. 5. soluto matrimonio. L. 5. ad l. Fabiam L. 6. quod cum eo. Hæc, inquam, omnia rescripta dicuntur Data Aemiliano & Basso Coss. Vnde minus rectè Baronius ad A. 262 initio scripsit: In codice Iustiniani Bassus semel tantum cum collega Aemiliano consul positus inuenitur, cum septies cum hoc ipso iungatur; & pluries etiam simul nominati fuere, si quis id diligentius velit inquirere. Putat autem Aemilianum eundem fuisse cum Aurelio Memmio Fulco, cui fuerit quoque cognomen Aemilianus. Verum Tusci & Bassi consulatus dicuntur signati L. 2. in quibus causis. L. 16. de inoff. test. L. 12. ad S. C. Velleianum, & alia rescripta. Item Tusco & Basso Coss. signantur acta passionis S. Cypriani. Baronius ac Panuius ex Vopisco ac Trebellio Pollione pro Tusco putant Fulcum reponendum. Imò ex subscriptionibus legum duo illi scriptores corrigendi sunt. Et quidem in fastis Græcis ac Latinis Tuscus consul laudatur. Extat antiquum epigramma in Otracinis recitatum ab Alfordo A. 261. dicatum: TVSCO ET BASSO COSS. Ceterum Aemiliani & Bassi II. consulatus insigni caractere designatur in antiqui actis martyrij S. Fructuosi, quorum est initium apud Bollandum ad diem 21. Ianuarij: Valeriano & Gallieno Imperatoribus, Aemiliano & Basso Coss. XVII. Kal. Februarias die Dominico. Est character anni V. C. 1012. quo dies 16. Ianuarij incidit in diem Dominicum Cyclo Solis XVI. Lunæ XIII. lit. B. Et dicuntur socij cum eodem Fructuoso ad supplicium producti XII. Kal. Februarij feria sexta. Itaque errat Petauius ponens Aemiliani ac Bassi consulatum A. V. 1013. Cristi 260. anno enim superiori consulatum gessere.

Alterum par Consulum, quod improbant Baronius ac Petauius est Secularis II. cum Iunio Donato. Extant tamen plurima Gallieni rescripta iisdem Consulibus signata, L. 4. de obligationibus L. 5. de testamentaria tutela. L. 3. de prædys. L. 6. que potiores L. 1. vbi de hereditate, & alia plurimæ, quæ dicuntur Dat. Seculare II. & Donato Coss. Omnes laudati fasti superius laudati, eosdem Consules tradunt. In veteri fragmento apud Bucherium legitur: Seculare & Donato B. Sol. nempe illum annum fuisse Bilextilem ac Kalendas Ianuarias incidisse in diem Solis. Rectè ergo meus Panuius anno Urbis 1013. eosdem Consules statuit; fuit enim ille annus Bissextilis, ac pri-

ac prima Ianuarij incidit in diem Solis seu Dominicum, Cyclo Solis XVII. Lunæ XIV. litt. AG. Fuit annus Epochæ Dionysianæ 260. Ex his duo laterculi Consulium meo Panuino digessi, adeo solidè & euidenter demonstrantur, vt planè sperem fore vt impostertum cunctis adprobentur, procul abire iussis aliorum scriptorum opinionibus, quamuis eadem viri insignes inuexerint.

Iam ad arcem] veluti causæ ventum est, ad consulatum Gallieni IV. & Valeriani Cæsaris. Profectò hic in nullis fastis legitur, & Pollio in Gallieno cap. 1. scribit: *Gallieno igitur & Volusiano Cos. &c.* Video quidem in laudatis à Baronio actis designatos fuisse à Valeriano Imperatore Consules ordinarios Gallienum & Valerianum, successos verò à die 22. Maij Crinitum & Aurelianum. Verùm nequitiam illi consulatum iniere. Etenim si Aurelianus anno Domini ex Baronio 262. vel 259. vtj vult Petauius consulatum susceptum gessisset, anno primo imperij iniens Kal. Ianuarijs consulatum ordinarium, dictus fuisset Consul II. rursus cum Capitolino procedens consul A. 271. Consul III. fuisset. Denique annum postremum imperij quartum Consul clausisset. At in omnibus fastis tertium tantum Aureliani consulatum legimus. In veteri saxo apud Baronium, Panuinum, ac Gruterum dicitur Aurelianus

TRIB. POT. V. COS. DESIG. III. & postea:

DEDIC. KAL. FEBR.

AVRELIANO. AVG. III. ET MARCELLINO. COS.

Illi enim qui susceptum consulatum gesserant, si postea consulatum ordinarium inissent, Consules II. dicebantur. Scio Baronium ad initium A. 205. scribere: *Hoc anno primum à Seuero factum est, vt consulatus suscepti cum ordinarijs numerarentur; sicque ea ratione Plautianus qui susceptum egerat consulatum, hoc anno creatus consul ordinarius, secundum consul positus est.* Hæc ex Dione probare contendit. Verùm longè ante Seuerum id moris fuisse certum est. Vespasianus ex Suetonio cap. 4. egerat consulatum susceptum, cum verò ordinarium capessuit, consul II. in fastis, & inscriptionibus nummorum ac lapidum dictus fuit. Domitianus consul XVII. vbiquè inscribitur, quamuis sexies consulatum susceptum gesserit. Quid quod? Ipse Seuerus Imperator Cos. II. dictus est anno primo imperij, cum Kal. Ianuarijs consul processit; idem autem gesserat consulatum susceptum cum Apuleio Rufino ex Spartiano cap. 4. Scribit Dio Plautianum antequam consulatum ordinarium iniret, ornamenta consularia honoris gratia à Seuero accepisse; at hoc non est consulatum susceptum gessisse. Tacitus lib. 1. hist. cum recitaret Consules ab Otho-

ne suffectos in varias Kalendas A. V. 821. scribit Romæ auditam victoriam tertæ legionis de Sarmatis reportatam. *Postquam*, inquit, *id Romæ compertum M. Aponius Mæstiam obrinens triumphali statua, Fulvius Aurellus, & Iulianus Titius, ac Munisius Lupus Legati legionum consularibus ornamentis donantur.* Dicebantur hi Consules non ordinarij, nec suffecti, sed honorarij, nempe non penes potestatem, sed insignia tantum atque ornamenta Consulium. Legantur Panvinus lib. 1. comment. in fastos, & Lazijs lib. 9. de Rep. Rom. cap. 4. Itaque cum Aurelianus ad imperium elatus ter consulatum ordinarium gesserit, & à Baronio ac Petavio anno vltimo consul III. dicatur, quod laudata inscriptio demonstrat, sic consequens ut Valeriano imperante, consulatum suffectum non gesserit. Quod inde deriuasse existimo; quia eodem anno victo ac capto in Perside Valeriano Augusto, Gallienus solus imperium consecutus, alia collegia Consulium pro arbitrio designauit; ita consulatus antequam illum iniret, Aureliano abrogatus. Panvinus, eiusque exscriptores Caluissius ac Goltzius, cum putent Aurelianium consulem suffectum processisse, Kalendis Ianuarijs anni primi imperij Aureliani consules ponunt Aurelianium hominem nescio quem priuatum & Bassum. Sed in Chronico canone Eusebij apud Scaligerum discrete legitur: *Aurelianus Augustus & Bassus.* Et quidem noui Imperatores primis statim Kalendis Ianuarijs consulatum ordinarium inibant, quod item Aurelianium fecisse non dubito. Neque obstat Memmii Fulcum gessisse magistratum anno quinto Valeriani, ac proinde non potuisse dici à Vopisco consulem ordinarium anno quo captus est Valerianus; is enim septimo imperij victus, ac castris exutus, in Persarum potestatem venit. Etenim Memmius Fuscus consul ordinarius appellatur, non quasi eodem anno eo magistratu fungeretur, sed quod ante biennium illum gesserat. Ex his constat Gallienum IV. ac Volusianum anno Urbis 1014. consules rectè assignatos, non verò Gallienum ac Valerianum; neque enim Baronio assentiri possum, dum ait Valerianum Cæsarem potuisse Volusianum etiam cognominari. Nam Valerianus erat cognomen Liciniae familiae, ut ex nummis Valeriani senioris, ac Gallieni patet; & Valerianus iunior in Numismatibus dicitur: P. LIC. VALERIANVS CAES. At Volusianus fuit ex familia Petronia, & bis imperante Gallieno Praefectus Urbis fuit, ut ex indiculo Praefectorum Urbis à Culpiniano publicato intelligitur.

Petauius admissio cum Baronio consulatu Gallieni IV. & Valeriani iunioris, statuit etiam A. V. 1014. Christi 261. Gallienum V. & Volusianum, quos omnes fasti laudant. Itaque octo consulatus Gallieno idem assignat, cum tamen certissimum sit, memoratum Imperatorem septies tantum consulem inscribi. Extat Lex 3. de ordine

dine indiciorum, quæ dicitur PP. Gallieno Aug. V. & Faustino Coss. Rursus in eodem Cod. Iust. laudatur lex 7. de probationibus PP. Gallieno VII. & Sabinillo Coss. At Petavius scribit Gallienum VI. & Faustinum; & rursus Gallienum VIII. & Sabinillum. Extant nummi apud Goltzium inscripti: IMP. C. P. LIC. GALLIENVS P. F. AVG. P. M. TR. P. XIV. COS. VII. P. P. & alter: TR. P. XV. COS. VII. Cum verò Gallienus occisus fuerit anno Tribunitiæ potestatis XV. aperte colligitur, perperam à Petavio Gallienum Cos. VIII. affirmari. Hæsit in eadem salebra Ricciolius, qui cum Petavio consulatum Secularis & Donati expuaxit, Gallienum IV. ac Valerianum consules intrusit, Aemiliani ac Bassi consulatum altero anno retulit, ac denique Gallienum VIII. Consulem produxit. Tot in errores lapsi sunt ob illud collegium Consulum, aduersus omnium veterum tabularum fidem inuectum. Et quidem Ricciolius qui suo volumini *Chronologia Reformata* titulum dedit, ut tam grande nomen impleret, debuit trium laudatorum Scriptorum fastos in examen adducere; præsertim cum lib. 1. tom. prioris cap. 4. num. 1. testetur se laborasse in fastis consularibus rectius quàm hactenus factum sciamus, concinnandis. Verum eiusdem tabulæ tot mendis sceant, ut in vna tantum pagina ultra sexaginta errata deprehenderim. Sanè alienis oculis ac manu in eisdem excribendis vltus videtur, ne tam supinæ negligentie vir alias eruditus, reus traducatur. Ex his tamen euidenter monstratum est, noitri Panuini fastos; qui Gallieni Imperatoris annos designant, accurate deductos esse, ut idem iure ac merito cum Lipsio honoris gratia *Pater fastorum* nuncupandus videatur.

At enim non modò in collegijs Consulum, verum etiàm in initijs imperij Valeriani ac Gallieni statuendis tres illi Scriptores dissentiunt. Baronius exordium horum Principum ponit Gallo II. ac Volusiano Coss. V. C. 1005: ita enim scribit ad A. 257. Panuinus anno V. 1006. Vibio Volusiano II. & Valerio Maximo Coss. Denique Petavius in sequentem annum 1007. Christi Domini 254. eisdem Augustos ad imperium euectos arbitratur lib. 13. in Chronico. Baronij opinio antiquis inscriptionibus aduersatur. Extant nummi cum epigraphe: IMP. C. P. LIC. VALERIANVS P. F. AVG. P. M. TR. P. II. COS. III. P. P. item IMP. C. P. LIC. GALLIENVS P. F. AVG. TR. P. II. COS. II. Iuxta Baronium anno 258. fuisse consules Valerianus Aug. III. & Gallienus Aug. II. Itaque si cum tertio Valeriani, ac secundo Gallieni consulatu iungitur Tribunitia potestas II. vtriusque, palam euincitur illos eandem cum imperio non inisse anno 255. nam annus secundus exisset A. 257. Valeriano II. & Gallieno Coss. Fraterrea extat duplex epigramma apud Gruterum pag. 275. in quo Gallienus dicitur:

TRIB.

TRIB. POTEST. IV. COS. III. Gessit tertium consulatum ex fastis Baronij A. 260. quo anno terminasset Trib. Pot. V. si primam A. 255. auspiciatus fuisset. Eadem sententia aperte etiam ex superius stabilitis renellitur; etenim probatum est Baronium duo collegia Consulatum ab annis imperij Valeriani & Gallieni exclusisse, quæ tamen cum certis argumentis restituenda esse monstrauerim, ne sedecim anni augustæ dominationis Gallieno assignentur, eiusdem initia ad A. V. 1006. cum Pannino figenda sunt. Respondet Petavius lib. 11. de doctr. temp. cap. 26. *cum nouo anno Iuliano, nouam Tribunitiam potestatem inchoatam*. Hæc opinio, quam in differt. de Nummo Licinij cap. 6. insinuauimus, prorsus falsa est. Etenim Tribunitia potestas initio statim delati imperij suscipiebatur, nec Kalendis Ianuarijs anni Iuliani iterabatur, sed die ipsa natali imperij. Hinc eodem anno Iuliano, diuersi Tribunitiæ potestatis anni concurrebant. Hoc ex nummis constat, præcipuè Domitiani, qui plures consulatus ordinarios iunxit. In illis inscribitur: TR. P. IV. COS. XI. & rursus: TR. P. V. COS. XI. Plura Numismata Commodi ex Cimelijs Mediceis laudaui cap. 3. in quibus anno postremo imperij dicitur TR. P. XVII. COS. VII. & TR. P. XVIII. COS. VII. Eo autem anno septimum consulatum cum vita expleuit. Id euincunt etiam innumera lapidum inscriptiones. Vnam ex Grutero pag. 573. laudabo, in qua legitur:

IMP. CAESAR VESPASIANVS AVG. PONT. MAX.

TR. POT. II. IMP. VI. COS. III. DESIG. IIII. &c.


Vespasianus Kal. Iulij A. V. 832. Tribunitiam potestatem cum imperio accepit ex Tacito lib. 2. Hist. gessit tertium consulatum A. V. 824. si Kalendis Ianuarijs A. 823. Tribunitiam potestatem iterasset, anno sequenti, quo tertium consul processit, inscriptus fuisset TR. POT. III. Idem ex nummis Vespasiani apud Goltzium ostenditur.

Præterea euidenter demonstro Baronium ac Petauium minus rectè annos imperij Gallieni digessisse. Nam huic Augusto omnes scriptores, ac nummi eiusdem quindecim annos imperij tribunt. Certum autem est eundem interfectum apud Mediolanum Paterno II. & Mariniانو Coss. circa XIII. Kal. Aprilis; nam IX. Kal. Aprilis eiusdem mors, ac Claudij electio Romæ nuntiata est ex Trebellio Pollione in Claudio cap. 4. At iuxta calculos Baronij Gallienus init imperium A. 255. moritur A. 269. Petavius in Chronico scribit Gallienum appellatum fuisse Imperatorem A. 254. occisum verò A. 268. Igitur ex vtriusq; scriptoris supputatione Gallienus annos tantum quatuordecim in imperio vixit. At Gallienum annos quindecim

cum imperasse probatur ineluctabili testimonio Porphyrij qui id temporis vixit. Scribit in vita Plotini: *Decimo autem Gallieni Imperatoris anno ego Porphyrius à Græcia vna cum Antonio Rhodio Romam veniens, Amelium reperi, octo & decem iam annos Plotino familiariter vsum. Postea ait: Hi ergo libri vnus atque viginti, quando eum primò conueni, scripti iam erant, quando Plotinus nonum & quinquagesimum ætatis annum agebat, ego autem & hunc ipsum annum, & quinque insuper deinceps cum Plotino versatus sum. Itaque vsque ad exitum ferè decimiquinti anni Gallieni Porphyrius cum Plotino vixit; siquidem ait: & hunc ipsum annum, nempe vt antea dixerat, decimum Gallieni inchoatū: & quinque insuper eidem Plotino Romæ conuixit. Denique addit: Quo verò tempore in Sicilia vitam agebam, quò perueneram circa quintum decimumque Gallieni imperatoris annum, Plotinus libros quinque composuit, & ad me in Siciliam misit. Igitur ex Porphyrio Gallienus imperauit annos ferè solidos quindecim, quorum vltimo desinente, ille Roma profectus, in Siciliam secessit. Panvinus Gallieni imperium inchoatum scribit A. V. 1006. finem verò eiusdem recitat A. V. 1021. ac proinde ex illius calculis quindecim anni solidi Gallieniani imperij habentur; vnde eiusdem sententia siue in fastis disponendis, siue in annis memorati Augusti deducendis, exactissima est, & omnium veterum monumentorum testimonijs stabilitur; Baronij verò ac Petauij opiniones procul à vero abeunt, vt hucusquè inuictis planè argumentis ostendi.*

Ex his colligitur annus decennalium Gallieni; hæc enim acta sunt A. V. 1016. Epochæ vulgaris 263. Nummio Albino & Maximo Dextro Coss. Id non modò constat ex hucusque seruato tempore decennalium, verùm etiam ex Pollione, qui narratis solemnibus, ac ludis decennalibus Gallieno peractis, statim ait: *Gallieno & Saturnino Coss.*

Incidit horum consulatus in A. V. 1017. quare anno superiori decennia Gallieni celebrata sunt.



CAP V T VI.

Anni imperij Claudij Gothici & Aureliani statuuntur . Baronius ac Panuinus imperium Probi ac vulgares fastos decurtant . Ex rescriptis Probi , & vetusto epigrammate refelluntur . Petauius vnum par Consulium fastis addendum contendit . Panuini in deducendis annis Bissextilibus hallucinatio . Eiusdem error cum prochronismo veterum Sacerdotum perperam à Caluissio confunditur . Ex eclipysibus error Panuini corrigitur . Decennalia ac Vicennalia Diocletiani & Maximiani suis annis assignata .

S Edicim annorum spatio qui à Gallieni exitu vsque ad imperium Diocletiani excurrunt, nullus Romanorum Principum, qui id temporis imperarunt, vota decennalia soluit; quare illis omnis ad decennia ac vicennia Diocletiani transeundum esset. Verum cum videam annos imperij eorundem passim confundi, ac consulares tabulas circa eadem tempora à nobilissimis Scriptoribus deprauari, rem Chronologia studiosis gratam me facturum spero, si quæ eam in rem obseruaui, hic inseram. Etenim quamuis plerique hanc Spartam aggressi sunt, cum rem minus euidenter demonstrarint, nullam penè opinionem profligarunt, imò ne loco quidem mouisse visi sunt. Sanè Baronius à Decio Imperatore vsque ad Diocletianum, nempe ab A. 249. vsque ad 284. omnium Imperatorum initia præuertit. Id Caluissius, Gordonius, Petauius, alijque obseruarunt. Verum quòd ne illi quidem satis solidè Baronianam chronologiam emendarunt, sibi de criptas epochas neutiquam alijs persuasere. Hinc Michael Alfordus in Annalibus Ecclesiæ Britannicæ A. 253. ait: Scio multos, Philipporum mortem ante biennium recensere: Baronianam chronologiam causantes, quòd Imperatorum annos male digesserit. Sed nouorum ingeniorum vitium est, nonis rebus delectari, & antiqua nauseare. Ita in omnibus Baronio adhæret. Petauius vir omnium diligentissimus, cui in rebus Chronologicis nemo par aut secundus hoc sæculo opponatur, rectè fastos Baronij ac Panuini lib. 11. de doct. temp. emendat. Sed alium insuper in iisdem errorem notat, qui planè nullus fuit, & minùs rectè annos Romanorum Principum statuit. Horum opiniones certioribus, quam ab vllò hucusque præstitum sit, argumentis rejiciam. Cum verò apud eòdem certum sit A. V. 1021. Gallieno occiso, Claudium Gothicum ad imperium euectum, Paterno II. & Maximiano Cons. vt ea quæ

244
dicturus sum, facillimè intelligantur, seriem consulum subijciam à
proximè laudato A. V. vsque ad A. 1036.

A. Christi D.

Vrbis Cond.

269.	Claudius Aug. II. Quinius Paternus.	1022.
270.	Flavius Antiochianus Furius Orphitus.	1023.
271.	Aurelianus Aug. Pomponius Bassus.	1024.
272.	Quietus Voldumianus.	1025.
273.	M. Claudius Tacitus Furius Placidianus.	1026.
274.	Aurelianus Aug. II. Iulius Capitolinus.	1027.
275.	Aurelianus Aug. III. Aurorius Marcellinus.	1028.
276.	M. Claudius Tacitus Aug. II. Fulvius Aemilianus.	1029.
277.	Probus Aug. Paulinus.	1030.
278.	Probus Aug. II. Viriatus Lupus.	1031.
279.	Probus Aug. III. Quinius Paternus.	1032.
280.	Messala Gratus.	1033.
281.	Probus Aug. IV. Iunius Tiberianus.	1034.
282.	Probus Aug. V. Pomponius Victorinus.	1035.
283.	Carus Aug. II. Carinus Cæsar.	1036.
		Inter

Inter annum necis Galliæni, & annum quo Diocletiani imperium exordium sumpsit, paria consulum quindecim mediant in fastis antiquis libri de PP. Urbis, fragmenti apud Bucherium p. 249. Idatij, ac Prosperi.

Claudium Imperatorem A. V. 1021. IX. Kal. Aprilis Imperatorem à Senatu dictum testatur Pollio cap. 4. Anno insequenti cum Paterno ordinarium consulatum gessit. Lib. 3. Cod. Iust. L. 6. de *seruit.* & aqua laudatur rescriptum Imperatoris Claudij ad Priscum, & dicitur PP. VII. Kal. Maij Claudio Aug. & Paterno Coss. Anno V. 1023. Christi 270. notantur consules Antiochianus & Orphitus. Panvinus scribit hoc anno pridie Non. Febr. Aquileiæ Claudium fati concessisse, cum imperasset A. 1. M. 11. Eundem intra biennium decessisse scribunt Eusebius, Victor, Cassiodorus, Eutropius, quibus consentit Petavius lib. 11. doct. temp. cap. 26. Panvinum omnino sequuntur Caluissius ac Goltzius. At optimè Baronius probat Claudium ultra biennium imperasse. Etenim Porphyrius illius temporis scriptor in libello de vita Plotini ait: *Agebat verò tunc Plotinus annos sex atque sexaginta, secundo Claudij Imperatoris anno iam peracto.* Rursum ex responso eidem fata consulenti dato apud Pollionem cap. 10.

Tertia dum Latio regnantem viderit aëtas.

Itaque tertiam ætatem in imperio exegit. Hæc Baronius. Profero insigne testimonium nulli hæcenus observatum. In Cod. Iust. legitur L. 2. de *divers. rescrip.* in cuius titulo notatur: *Imp. Claudius Aug. Prisco, & signatur: Dat. VII. Kal. Nouembris Antiochiano & Orphito Coss.* Quare Claudius regnavit. A. 2. M. VII. Hinc Gruteri pag. 276. in vetusto saxo inscribitur: TRIB. POT. III. COS. II. Aurelianus Claudius excepit; Quintillus enim Claudij frater vicissimum tantum diem imperavit. Huic annos sex imperij veteres omnes assignant, seu cum Eutropio lib. 9. A. 3. M. 5. Baronius finem Aureliani protrahit ad consulatum Probi II. & Paterni, ita ut septem annos imperarit; atque occisum V. Kal. Aprilis A. 278. cum imperium inisset A. 271. Ex nummo, in quo Aurelianus inscribitur TR. P. VII. in eam sententiam descendit. Petavius in Chronico scribit ultra quinque annos imperasse. Panvinus undecim menses supra quartum annum eidem tribuit. Horum scriptorum, chronologiam falsam ostendo. Extant apud Panvinum, Baronium, ac Gruterum antiquæ inscriptiones; prior dicata est à Furio Orphito Præfecto Urbis, in qua Aurelianus dicitur TRIB. POT. V. COS. DESIG. III. altera verò exprimit Aurelianium TRIB. POT. V. P. P. COS. III. Ex fastis illa posita est A. 274. quo Furius Orphitus Urbis præfectura perfunctus est, hæc verò A. 275. quo idem Augustus consul tertium fuit. Scribit Idatius: *Aureliano III. & Mar-*

Marcellino. His Cos. occisus est Aurelianus Imp. Canosfrurio, & leuatus est Tacitus Romæ. Nuncium mortis Aureliani tertio Non. Februariæ Romam allatum scribit Vopiscus in libro de vita eiusdem cap. 41. Cum verò propè Heracleam Thraciæ interemptus fuerit, mense Ianuario interiit. Vixit itaque in imperio A. 4. M. circiter tres, nam ex laudatis inscriptionibus inuit tertium consulatum anno imperij quinto inchoato. Inde octo mensium interregnum fuit, exercitibus noni Principis designationem arbitrio S. P. Q. R. deferentibus, ac vicissim Senatu eam potestatem militi faciente. Deniquè à Senatu subrogatus fuit Tacitus VII. Kal. Octobris ex Vopisco cap. 4. de vita Taciti, vbi S. C. laudat. A. V. 1029. Christi 276. Tacitus Aug. II. & Aemilianus ordinarij consules processere. In fragmento consulari sæpius laudato dicitur: *Tacito II. & Aemiliano B. Sat.* nempe illum annum fuisse Bissexilem, ac Kalendas Ianuarias incidisse in diem Saturni. Est planè annus memoratus 276. Cyclo Solis V. Lunæ XI. lit. BA. Tacitum mense imperij sexto occisum scribunt ex Vopisco ceteri Chronologi; ducentisimo dieperijsse author est Victor. Itaque obiit die 17. Aprilis A. 276.

Sequitur imperium Probi, in quo Panvinus ac Baronius extra rectoris chronologiæ orbitas excurrunt; & in tanta fastorum perturbatione Petauius quoque minis rectè calculos ponit. Cum Panvinus vno anno Æram vulgarem Christi anticipasset, eandem inchoans ab anno Iuliano 44. Vrbis 752. Augusto XIII. & Plautio Syluano Coss. vt initium imperij Diocletiani A. 284. Christianæ Epochæ itatueret, consulatum Probi ac Paulini inter. susceptos reiecit, ac annos quinque imperij Probo assignauit. Baronius cum biennio eandem vulgarem Epocham anteuertisset V. C. 751. Cornelio Lentulo & Messalino Coss. duos consulatus ordinarios imperante Gallieno, è fastis expunxit, vt superiori capite ostendi. At ob consulatum Decij III. & Grati II. intrusum, ne annus redundaret, consulatum Probi II. & Lupi ab ordinarijs excludit ad A. 279. Verum quòd annos septem Aureliano attribuerat, imperij Probi tempus decurtauit. Hinc in Annalibus post A. 276. quem consulatu Aureliani III. & Marcellini notat, omittit cum Cassiodoro consulatum Taciti II. & Aemiliani, qui tamèn in omnibus fastis ibidem recitatur; duos verò consulatus Probi & Paulini item Probi II. & Paterni II. scribit gestos fuisse à Probo, Aureliano adhuc rerum potiente, quo occiso, Taciti inaugurationem recitat, eiusq; ordinarium consulatum post Probum II. & Paternum in fastos infarcit, eoq; notat annum 279. quo Probi initia figit, eiquè annos imperij solidos quatuor assignat; eius verò necem recitat A. 283. Caro & Carino Coss.

Certum est Probum annos solidos sex imperasse; nam disertè Iulianus Augustus in libello de Cæsaribus scribit Probum septimum annum

annum attigisse. Extat insigne epigramma apud Adanum Rupertum in obseuat. ad Synopsim Befoldianam pag. 388.

IMP. CAESARI. M.
AVRELIO. PROBO.
PIO. FEL. INVICTO.
AVG. P. M. TRIB. POTEST
STATIS. VI. COS. IIII. RES
PVBLICA. TVCCITANORVM.
DEVOTA. NVMINI. MAIES
TATIQUE. EIVS &c.

Iuxta Baronij ac Panuini chronologiam, & quidem veram, anno Christianæ Epochæ 281. Probus IV. consul cum Tiberiano fuit, quo anno in Baronij opinione iniuit Tribunitiam potestatem III. iuxta Panuini calculos V. Vtriusque scriptoris anachronismi ex laudata inscriptione corriguntur. In Eusebiano Chronico legitur: *Secundo anno Probi, iuxta Antiochenos 325. iuxta Tyrios 402. &c. insana Manicheorum hæresis in commune humani generis malum exorta. Era Antiochena annis 48. Tyria 125. Dionysianam Epocham anticipant, qui si à datis numeris apud Eusebium detrahantur, erimus ad annum 277. Rectè S. Leo sermone 2. de Pentec. ait eandem hæresim emeruisse Probo Imp. Paulinoq; Coss. Hæc acutè Scaliger notavit lib. 5. de emend. temp. pag. 463. quæ tamen neutiquam rem. Baronio persuaserunt; conatur enim ad A. 277. eadem quibusdam interpretationibus infringere. Itaque luculentiora testimonia appello, quibus integra fides adhibenda est. In Cod. Iust. Lib. 8. tit. 56. *de reuoc. donat. L. 2.* legitur rescriptum Probi Imperatoris ad Felicem, & subscribitur: *PP. III. Non. Maij Sirmij Probo Aug. & Paulino Coss.* Rursus lib. 2. tit. 17. *Vt nemini L. 1.* laudatur rescriptum eiusdem Probi ad Octavianum, & signatur: *Dat. IV. Kal. Iulias Probo Aug. II. & Lupo Coss.* Ex duobus hisco rescriptis Baronij ac Panuini sententiæ euidenter refelluntur. Etenim ex eisdem constat Probum ac Paulinum fuisse consules ordinarios, quod Panuinus negavit. Rursus probatur Probum ac Lupum non fuisse consules successores, quod Baronius putabat. Præterea ostenditur Probum imperasse A. 277. quo cum Paulino consulatum primum gessit, quod Baronius inficiabatur, scribens id temporis Aurelianium rei Romanæ præfuisse. Cum verò ante Probum Tacitus imperarit, ac nouo anno Iuliano consulatum cum Aemiliano inierit, patet eisdem.*

con-

consulatum rectè in fastis immediatè locari ante consulatum Probi Aug. & Paulini A. 276. ac proinde minùs rectè Baronium eo Taciti Aug. consulatu notasse A. 279. Hæc primi omnium, absit dictis ambitio, obseruauimus, quæ eximie fastos illustrant, & annos Probi, Taciti, atque Aureliani certissimis characteribus designant, ac tam euidenter disponunt, vt planè sperem, fore vt deinceps omnis de ipsdè dubitatio tollatur.

Petauius lib. 11. de doct. temp. cap. 26. putat vnum par Consulatum in fastis desiderari; vnde ait: *Probum & Paulinum Onufrius: Baronius Probum & Lupum praterunt. At quodnam par alterum Coss. in illorum fastis desideretur, id verò difficile est conijcere. Nec in horum tantum duorum tabulis, sed in ceteris vnum aliquod par Consulatum deesse videtur.* Postea: *Sed nihilominus par vnum Consulatum in fastis vulgaribus inferendum arbitror, siue Imperatore Probo, siue alio quopiam, &c.* Verum inani suspicione Petauium duci certum est. Etenim si tantum Probus Aug. & Paulinus Onuphriani fastis addantur, nullum par alterum Coss. neque in Panuini nec in vulgaribus fastis desideratur. Philippus Augustus ludos seculares celebravit anno Urbis millesimo exacto, ac primo supra millesimum inuente. Hic autem annus V. M. ipsis Parilibus completus notatur Philippo Aug. III. & Philippo Aug. II. vt constat ex nummis, in quibus legitur: IMP. M. IVL. PHILIPPVS AVG. & in postica SAECVLARES AVGG. COS. III. Capitolinus in Gordiano iuniori cap. 33. scribit Philippum millesimum ab Vrbe condita annum in consulatu suo & filij sui celebraſſe. At victor Schotti in libro de Cesaribus cum dixisset A. V. millesimum celebratum à Philippo Augusto, ait: *Nostra quoque ætate post mille centesimus, consule Philippo, excessit, nullis, vti solet, solemnibus frequentatus.* Annus Urbis M. C. euolutus Philippi ac Salliae consulatu notandus est, vt supra mille centesimus excessisse dicatur. Apud Panuinum duo illi consules inire magistratum A. V. millesimo ac centesimo non quidem completo, sed Parilibus inchoato. Igitur vnum tantum par Consulatum, nempe Probi Aug. & Paulini deficit in fastis Onuphrij. In fragmento Bucheri legitur: *Philippo III. & Philippo II. E. Sat.* Nempe illum annum fuisse Bissextilem, ac Kalendas Ianuarias incidisse in diem Saturni. Est character A. V. M. ipsis Parilibus completi, & MI. inchoati, Christi Domini iuxta vulgarem Epocham 248. Cyclo Solis V. Lunæ II. lit. BA. Pogrò ibidem ab vtriusque Philippi consulatu centesimum primum par Consulatum, inclusis terniis, notatur: *Philippo & Salia B. Ven.* Est annus Urbis MC. ipsis Parilibus exactus, Christianæ Æræ 348. qui fuit Bissextilis, & Kalendæ Ianuariæ die Veneris contingere, Cyclo Solis XXI. Lunæ VII. lit. CB. Apud Panuinum centum tantum collegia Consulatum ab vtriusque Philippis Cols.

Cofs. ad Philippum & Salliam Cofs. inclusiue numerantur. Addatur consulatus Probi & Paulini, integer numerus constabit. Præterea Sextus Rufus in Breuiario ad Valentinianum Augustum ab V. C. usque ad primum eiusdem Principis annum numerantur, inquit, *anni mille centum decem & septem*. Et rectè; nam Valentinianus iniit imperium Iouiano & Varroniano Cofs. V. Kal. Martij ex Idatio. At scribit Ammianus de eiusdem inauguratione libro 26. *Nec videri die secundo, nec prodire in medium voluit, Bissexturn vitans Februarij mensis tunc illucescens*. Est annus Epochæ vulgaris 364. qui fuit Bissextilis Cyclo Solis IX. Lunæ IV. litt. DC. Itaque annus 364. Æræ Christianæ concurret cum A. V. 1117. Apud Panuinum A. V. 1116. primus Valentiniani annus statuitur. Ex his patet in Panuini fastis vnum tantum par Cofs. desiderari, nempe Probum Aug. & Paulinum, quos fuisse ordinarios Consules ex rescripto Probi manifestè monstrabam. Miror autem Panuinum scribere consulum Probi ac Paulini omitti in libro de Præfectis V. edito à Cuspiniano, nam hic Scriptor ex eodem libello memoratos Consules laudat, ac ipsdem Cofs. Quinium Pacatianum Præf. Urbis ponit, qui item legitur in eodem Anonymo iterum edito à Buchero pag. 236. Idem Panuinus lib. 3. com. in fastos A. V. 1116. cum ex Animiano notasset annum primum Valentiniani senioris fuisse Bissextilem, annum etiam Urbis 1116. eundem esse certo sibi argumento probatum dicit. Nam Cæsar in suo consulatu IV. annos ob incuriam deprauatos, & plurimis diebus abundantes correxit, & ad cursum Solis emendauit, atque annorum Iulianorum Epocham instituit. At si post eum annum, inquit, singulo quadriennio annum Bissextilem numerabis, inuenies annum ab eo consulatu 408. Bissextilem omnino esse debere; cum autem annus primus Valentiniani sit CCCCVIII. à quarto Iulij Cæsaris consulatu, reliquum est, vt omnis hæc annorum summa inter consulatum quartum Cæsaris & Valentiniani initia optimè perfectèque digesta sit. Hæc vir doctissimus. Verùm in eo lapsus est, quod Bissextilium ex anno primo Iuliano deduxit, cum ex emendatione Bissextilium ab Augusto facta, eosdem digerere debuisset. Etenim anno Iuliano secundo occiso Cæsare, Sacerdotes in Bissextilibus decernendis statim errarunt, ita vt teste Solino cap. 2. *Per annos sex & triginta cum nouem dies tantum sufficere debuisset, duodecim sint intercalati; quod deprehensum Augustus reformauit, iussitque annos duodecim sine intercalatione decurrere, vt tres illi dies, qui ultra nouenarios temerè fuerant intercalati, hoc modo possent repensari*. Ex qua disciplina omnium postea temporum fundata ratio est. Eadem tradit Macrobius lib. 1. Sat. cap. 16. Annus primus Iulianus coincidit cum anno Urbis 709. Annus tricesimus sextus cum 744. Quo annorum spatium duodecies intercalatum fuit.

Duodecim annis sequentibus ex decreto Augusti non fuit intercalatum, & sine Bissextilibus fuisse; quare annus Iulianus 48. Urbis 756. sine Bissextili fuit; qua ratione ex tribus quadriennijs sine intercalari, tres illi dies compensati sunt. Ut verò postea intercalaretur, quatuor anni solidi debuerent excurrere, ut ex quatuor quadrantibus integer dies colligeretur, ad Bissextilem restaurandum. Quare exacto anno Iuliano 52. anno insequenti 53. Urbis 761. post Parilia, VI. Kal. Februarias Bissextum ab Augusto restauratum est. Hic annus fuit Æræ Christianæ VIII. Cyclo Solis XVII. Lunæ IX. litt. AG. Addito autem consulatu ordinario Probi & Paulini, quem Panninus inter suspectos perperam reiecerat, annus Dionysianus 364. Urbis 1117. euadit Bissextilis per quadriennia post reparatum ab Augusto Bissextilem, nouem supra octoginta.

Caluissius in Chronico ad A. 364. scribit Panninum ex supputatione illorum Bissextilium ab anno primo Iuliano ad annum primum Valentiniani gloriari de certitudine suorum annalium. Sed pueriliter errare, & antiquum Pontificum errorem renouare. Verum ipsum potius Caluissium errare mihi compertum est. Nam testatur Solinus spatio sex ac triginta annorum Pontifices duodecimum Bissextilem decreuisse, cum tantum nouies esset intercalandum. Et Macrobius laudatus ait: *Cum oporteret diem, qui ex quadrantibus conficitur quarto quoque anno conficere, antequam quintus inciperet, intercalare illi, nempe Pontifices, quarto non peracto, sed incipiente intercalabant. Hic error sex & triginta annis permansit, quibus annis intercalati sunt dies duodecim, cum debuerint intercalari nouem.* Itaque ex errore Pontificum à primo vsque ad tricesimum sextum annum Iulianum duodecim Bissextiles acti sunt. At iuxta Panninum nouem tantum Bissextiles spatio illorum 36. annorum fuisse, nempe anno 4. 8. 12. &c. illa enim iterauit per solida quadriennia, quæ centum ac duo numerantur ab anno primo Iuliano ad 410. qui coincidit cum primo Valentiniani Imperatoris, si semel cum Panuino consulatus Probi & Paulini ab ordinarijs expungatur. Et quidem Bissextiles ex decreto Cæsaris in forma anni Iuliani agendos fuisse anno 4. 8. 12. &c. uti dixit Panninus, sentiunt viri doctissimi quos laudant, & sequuntur Petauius lib. 4. de doctr. temp. cap. 3. & Ricciolius lib. 1. tomi prioris Chron. Refor. cap. 22. Etiam si Panninus correctionem Augusti adnotasset, errorem quem in fastis ob illud par Consulatum expunctum admisit, corrigere non potuisset, imò suam inde supputationem confirmasset. Nam post annum Iulianum 36. ex Solino ac Macrobio insit Augustus annos 12. sine intercalatione decurrere, ut tres dies ex errore Pontificum admissi, repensarentur. Itaque vltimus Bissextilis anni Iuliani 48. qui annos duodecim sine intercalari terminabat, omisus fuit. Potuit autem Augustus Bissextilem repara-

reparare anno Iuliano 52. V. C. 760. nam à VI. Kal. Martias A. 48. quæ erat dies omissi tertij Bissextilis, ad VI. Kal. Martias A. 52. quatuor anni solidi 365. dierum ac sex insuper horarum habentur, quæ quater repetitæ optimè annum Iulianum 52. Bissextilem constituebant; unde ex solidis quadriennijs octoginta & nouem vicibus repetitis, erimus ad A. V. 1116. Iulianum 410. & hunc Bissextilem iuxta supputationem Panuini. Aliter ab Augusto decretum est.

Ex his patet nostrum scriptorem ex actis ab anno Iuliano primo usque ad primum Valentiniani ex Bissextilibus suorum fastorum calculos minùs rectè probasse, neque à Caluasio eiusdem supputationem ex dispositione Bissextilium à Iulio Cæsare instituta, solidè refutari. A posteriori tantùm, vt inquit, fastorum Panuini metacronismus in annis Urbis post omissum consulatum Probi ac Panlini, digerendis, refelli potest. Id autem ex eclipysibus euidenter ostenditur; illæ enim obscuritates Luminarium nidiissimi characteres sunt, quibus certissimus annorum ordo describitur, & ex defectibus planetarum omnis fastorum defectus emendatur. Scribit Dio lib. 60. A. V. 798. Vinitio Quartino II. & Statilio Coruino Coss. Kalendis Augusti, die natali Claudij Imperatoris, eclipysm Solis contigisse, quam Claudius in publico programme populo proposuit, ne defectus ille die natalitio, in malum omen sibi ab ignaua plebe verteretur. Astronomicæ tabulæ exhibent illam eclipysm eodem A. V. 798. Kal. Augusti H. 10. post mediam noctem, Sole in 6. gradu Leonis. Si à primo anno Bissextili Valentiniani, Cyclo Solis IX. lit. DC. per annos 318. regrediaris, eris ad Cyclum Solis 27. lit. B. Claudio Romæ imperante. At eo anno Kalendæ Augusti inciderunt in diem Lunæ, qua nulla ex tabulis Astronomicis eclipys contigit. Itaque Valentiniani initium anno Bissextili 364. non contigit anno Urbis 1116. vt dicebat Panuinus. At si ab anno Valentiniani primo per annos 319. regrediaris, eris ad Cyclum Solis 26. Lunæ VIII. lit. C. quo anno Kalendis Augusti, die Solis, contigit eclipys Dioni memorata, & in tabulis Astronomicis ostensa. Igitur anno Urbis 798. quo contigit eclipys, adde annos 319. habebis A. V. 1117. atque hic erit primus Valentiniani. Ex his patet Panuinum vnus anni metacronismum in annis ab Urbe condita digerendis peccare. Inferatur eiusdem fastis collegium Probi Augusti & Paulini Coss. A. V. 1030. nostræ Epochæ 277. anni omissi labes reparatur; nec video quodnam aliud par consilium in eiusdem fastis à Petauio desiderari possit, siue, vt ipse ait, Imperatore Probo, siue alio quopiam, quod nominatim concipere, propter Consulum in illis deprauata vocabula, minimè possumus. Nam ex recitata eclipysi, cuius certa dies à Dione describitur, & ex alijs passim, quas ipse Petauius lib. 8. aliqùè vulgò referunt, vnum pat tantum Consulatum ab

anno primo Iuliano ad 409. desideratur; esse verò Probum ac Paulinum, ex ipsius Probi Imperatoris rescripto probatum est, cui veritati omnes fasti veteres suffragantur. Cum verò ex Ammiano annus Iulianus 409. V. C. 1117. Christi 364. fuerit Bissextilis, per quadriennia solida 89. retrocedentes, habebimus Bissextilem ab Augusto restauratum A. Iuliano 53. Urbis 761. Christi 8. Cyclo Solis IX. litt. AG. non verò anno superiori, quæmuis, vti ostensum fuit, potuerit eo ipso intercalari. Cur verò ab hoc in alterum annum Bissextilis ab Augusto dilatus fuerit, non incongruè tradit Ricciolus laudatus num. 10. Hactenus pro restaurandis fastis, atque annis imperij Probi.

Baronius cum annos septem imperij Aureliano tribuisset, quo in quartum annum imperium Probi prorogaret, atque in angustum ab Æra Diocletiani anno Dionysiano 284. ex certissimis notis sibi probe collocanda, redigeretur, coactus est mortem Probi atque initium Cari recitare ad A. 283. Idatius eodem anno apud Sirmium Probum occisum refert, Caro II. & Carino Coss. Cum hic Taciti mortem Probo ac Paulino Coss. recitasset, in anno pariter obitus Probi designando aberravit. Vopiscus in Caro cap. 5. testatur, interfecto Probo, à militibus Carum Imperatorem renunciatum. Huius inaugurationem contigisse A. 282. ex insigni inscriptione demonstravi in disert. priori de Nummo Diocletiani cap. 1. Extat Lib. 7. Cod. Iust. L. 5. *quando prouocare*, rescriptum Cari Imperatoris Dat. Idibus Ianuarijs Caro & Carino Coss. Itaque initio anni 283. Carus imperabat, ac proinde anno superiori imperium iniit. Hucusque in Annalibus initia Romanorum Principum, vel eorundem obitus, vno Claudio dempto, sub alienis planè Consulibus à Decio vsque ad Carum recitantur; cum tamen Panuinus ne semel quidem in his aberrauerit. Et quidem Baronius, cum dixisset à quibusdam [Panuinus in margine notatur] initia imperij Decij statui Aemiliano & Aquilino Coss. eosdem hisce perstringit: *Cum consulatus subducant è fastis, ordine temporum semper confuso, diuersis se aliosque implicant labyrinthis.* Hæc ille ad A. 251. Optimè tamen Panuinus imperantis Decij primordia alligat A. V. 1002. nam L. 2. *de hered. action.* laudatur rescriptum Decij Imperatoris PP. XIV. Kal. Novembris Aemiliano & Aquilino Coss. Hinc ipse insignis scriptor, ordine temporum semel confuso, vt eiusdem verba reddam, tres consulatus è fastis subducit, annos imperij Principum, qui id temporis regnarunt, pro arbitrio auget, minuit, ac vna simul confundit; etenim Philippis ac Decio vnum, Gallo & Volusiano vna cum Valeriano ac Gallieno duos imperij annos communes facit; Aureliano bien-nium donat, quod postea annis Probi demit. Hosce omnes anachronismos ex lapidum ac nummorum inscriptionibus, ipsis Augu-
storum

storum reſcriptis, antiquorum ſaſtorum fragmentis, ac denique Cyclorum præſidio, nempe cœleſtibus characteribus emendaui.

Era Diocletiani initium auſpicatur Anno Nabonaſſari ab ante diem 13. Iunij, 1032. Urbis 1037. Iuliano 329. Epochæ Chriſtiane 284. quo anno Diocletianus XV. Kal. Octobris apud Chalcedonem ab exercitu Imperator ſalutatus, purpuram induit, vti fuſius in diſſertatione priori cap. 1. oſtenſum eſt. Eiufdem ac Maximiani collegæ decennalia laudat Euſebius lib. 8. cap. 17. Hæc autem decimo imperij anno exacto celebrata, colligo tum ex inolita conſuetudine, tum etiam ex panegyrico die natali Maximiani recitato, in quo Orator ait: Gaudeo igitur (ſi fas eſt conſiteri) dilatam eſſe illam cupiditatem meam; neque enim orationis eius quam compoſueram, facio iacturam, ſed eam reſeruo, ut quinquennio rurfus exacto, Decennalibus tuis dicam; quoniam quidem luſtris omnibus prædicandis, communis oratio eſt. Si alterum quinquennium exactum laudat, decennalia anno decimo euoluto agenda erant. Ceterum vtrumquæ Auguſtum vicennalia præter ſtatum tempus ſoluſſe ex eruditiffimi Patini nummo atque Euſebio indicaui in diſſert. de Numiſmate Diocletiani cap. 2. Hæc vicennalia vota ſoluta ſunt A. D. 303. V. C. 1056. à primis Decennalibus ab Auguſto celebratis 329. Ex his quæ fuſius digeſſi, patet Licinium omnium Auguſtorum primum, Decennalium ſolutionem anticipaſſe, cuius rei cauſam rationemque in proxima diſſertatione explicatam, iterum cum Lectorum moleſtia non vacat repetere. Non eſt animus decennalia Principum, qui poſt Conſtantinum Romanum imperium moderati ſunt, in literas mittere; cum eadem & plurima eorundem Numiſmata, & Idatiij ac Marcellini fallaci deſignent, ut de anno illorum ſolemnium dubitare nemo poſſit.

Hoc de votis Decennalibus, ut Vellei verbis utar, *voto finiendum volumen ſit*. Te immortale Numen, voſque Etruriæ præſides ac cuſtodes Diuos precor ac poſco, ut Sereniſſimo Magno Duci COSMO III. plura quàm Auguſto DECENNIA ſoluantur. *Non pacem, non concordiam, non ſecuritatem, non opes oramus, non honores: ſimplex cunctaque iſta complexum vnum omnium votum eſt, ſalus PRINCIPIS*. Hoc ſanè votum omnibus gentibus, cunctis hominum Ordinibus, ſed præcipuè bonarum artium profeſſoribus concipiendum eſt, cum illum iam pridem Muſarum præſidium ſenſerint, ac modò præſentiſſimum literatorum Numen adorent. Etenim cum Princeps inuentutis remotas quaſque gentes regi vultus ſerenitate beaturus, Europam luſtraret, Gymnaſia, Academiæ, atque omne literarum ſecretum rimabatur; anguſtos umbraticorum hominum lares auguſtus hoſpes implebat: doctorumq; hominum laureis ycerendæ maieltatis faſces ſubmittebat, ita ut non exterarum gentium mores, non nobi-

nobilissimarum Urbium miracula, non potentissimorum Regum opes spectaturus; sed Academiarum frequentiam, Bibliothecarum apparatus, ac eruditorum hominum vultus inuisurus, aduenisse videtur. Inde suam in Etruriam redux, naues ingenti voluminum pondere, hoc est, literarijs manubijs, Musarum spolijs, doctaque gaza onustas, in patrios portus summisit. Dein magno Genitore sua inter sydera recepto, in ipsis augustæ dominationis auspicijs, non antiquarum urbium moenia, non arcium propugnacula, non armamentaria, non classem reparanda non iussit, sed Laurentianam Bibliothecam, auitum illud ac copiosissimum Latine Græcæque sapientiæ thesaurum, regio ornatu illustrandam iniunxit, eamque in tanta mole fortunæ priuam initi imperij curam posuit. Et quamuis amplissimæ ac felicissimæ ditionis haberiis moderetur, non equestria certamina, non theatrales ludi, non frequentatæ venationes, quibus inter lasciuientis fortunæ illecebras Principes indulgere solent, breues eidem non dicam dies, sed horas suffurantur; nam omni regiarum voluptatum aditu sibi studiosè intercluso, post pia eaque longa Christianæ religionis officia, sanctiori mente, ac suo Numine iam plenus, secundas legendis voluminibus horas impertit, ut cum ipsa pietate ac literis imperium planè partiri velle videatur. Probè enim intelligit nobilius esse, pietatis ac sapientiæ famam, quàm imperij fines extendere. Hinc tanta eiusdem erga doctæ Palladis alumnos propensio, tam liberalis, tam inexhausta, & suum, idest, regium in morem effusa munificentia. Haud enim patitur illos intramuros priuatos ac pauperes læres seruientium gregi immixtos latere, sed eosdem vel sacris apicibus dignatus, multa in luce collocat: vel honorarijs diplomatis compellatos, ac ditissimis congiarijs alleatos, in Pisanum Athenarum, celeberrimum sapientiæ in Etruria,emporium, regiæ manu deducit, eisquæ lætiora fata dispensat, ut penè inuidia mordeantur, qui procul eorundem fortunam inaudiant. Hunc Principum Optimum eundemque doctissimum ingenuarum artium professoribus diu Superi commodent; sera & pronepotibus tantum nota dies cælo asserat, & uti Diuos decessores suos virtutum ac literarum gloria, ita imperij quoque diuturnitate la-peret; quot enim pro eiusdem incolumitate VOTA DECENNALIA iterabimus, totidem Reipublicæ literariæ securitatis ac felicitatis sæcula nuncupabimus.

ERRATA CORRIGE:

136

Pag.	Verf.	Errat.	Cor.
Pag. 21.	V. 4.	In primo	In primis.
Pag. 39.	V. 10.	hemicyli	hemicycli.
Pag. 53.	V. 13.	nota F	nota G
Pag. 97.	V. 2.	capasserent	capefferent.
Pag. 107.	V. 18.	decennfa	decennia.
Pag. 109.	V. 42.	& pag. 115. V. 39.	& pag. 117. V. 24. & 34.
		deest litera l.	
Pag. 126.	V. 23. die 27.	adde:	Nouembris.
Pag. 133.	V. 5. intit.	fastis	fastos.
Pag. 137.	V. 36.	figanta	signata.



122
*Placeat D. Matthæo Strozze Can. Florent. ac sacra Theologia Lectori
rimari, an in isto opere aliquid sit dissonum, & repugnans sanctæ fi-
dei, & bonis moribus, & referat. Datum 6. Martij 1674. ab Incar.
Alex. Puccius P. Gen.*

*Aurea Numismata Sereniss. Cardinalis Medicæ, ab Excellentiss.
Patre Magistro Henrico Noris aureis, lucubrationibus illustrata,
veluti regiam Chronologica: eruditionis viam, è ruderibus anti-
quitatis nouiter patefactam, in oculis omnium versari, & ab om-
nibus inoffenso pede percutri, posse consultus refero. Florent.
XIII. April. An. MDCLXXIV. ab Incarnat.*

*Matthæus Strozze Canonic. Florent. Sacrorum Librorum
Interpres, &c.*

*Imprimatur seruatis seruandis. Datum 22. Martij 1674. ab Incarnat.
Alex. Pucci Vic. Gener.*

Die 20. Martij 1675.

*Admod. Reu. P. Mag. Alexander Perius de Florentia Nostri Ord.
Minorum Conuent. S. Francisci huius Sancti Officij Florent.
Consultor Theologus, videat si in hoc opere sit aliquid amo-
num, & repugnans bonis moribus, & referat. Datum ex ædibus
SS. Inquil. die &c. mense &c. anno &c.*

*Fr. Ioseph Maria Poeti de Bononia Ord. Minor. Conuent.
S. Francisci V. Cancell. S. Officij Flor.*

*Recentes hæc antiquorum Numismatum præclariss. Auctoris vestigatio-
nes mira fidei, ac morum dogmatibus inharcente eruditione refertas,
nec prælo, verùm & Numismate dignas reor. 26. Martij 1675.
Fr. Alexander Perius Flor. Ord. Min. Con. D. Theol. S. Officij Conf.*

*Considerata, & attentè perlecta attestazione supraposita licentiam
concedimus, & impartimur, vt tam præclarum opus in lucem
prodeat. Datum ex ædibus S. Inq. apud S. Crucem hac die 28.
Martij 1675.*

*Impr. Flor. Fr. Ioseph Maria Poeti de Bononia Ord. Min. Con. S. Fran-
S. Officij Floren. V. Canc.*

Matthæus de Mercatis Aduocat. pro Sereniss. Magno Duce.

2

416.1-7